



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

615

.1

B 78j

R

IOANNIS BRA-

VI PETRAFITANI,

Doctoris Medici, & rei Medicæ

in Salmanticensi Acade-

mia interpretis.

DE SIMPLICIVM MEDICA-

*mentorum delectu, & præparatione Libri duo: qui
ars pharmacopœa dici possunt.*

AD SENATVM PETRAFI-

tanum ad eiusdemq; populi Rempubli.



SALMANTICÆ,

Apud Ioannem, & Andræam

Renaut Fratres.

1592.

Expensis Ioannis Pulmani Bibliopola.



ON Phelippe por la gracia de Dios, Rey de Castilla de Leon, de Aragon, de las dos Sicilias de Ierusalem, de Portugal, de Nauarra de Granada, de Toledo, de Valécia, de Galicia, de Mallorca, de Senilla, de Cerdeña, de Cordoua, de Corcega, de Murcia, de Iaen, delos Algarues de Algezira de Gibraltar, de las Islas de Canaria, de las Indias Orientales, y Occidentales, Illas y tierra firme del mar Oceano, Archiduque de Austria, Duque de Borgoña, Brauante, y Milan, Conde de Abspurg, de Flandes y de Tirol, &c. Por quanto por parte de vos el Doctor Iuan Brauo Cathedratico de propiedad en la facultad de medicina en la Vniuersidad de Salamanca, y vezino della, nos ha sido fecha relacion diziendo q̃ vos auia des cõpuesto vn libro intitulado de simpliciũ medicamentorũ dilectu, & præparatione libri duo qui ars Pharmacopea dici possunt, en lo qual auia des puesto mucho trabajo, y occupado os mucho tiẽpo, y era muy vtil y prouechoso para la medicina, suplicandonos os mandassimos dar licencia y facultad para que lo pudiesdes imprimir, o q̃ sobre ello proueyessimos como la nuestra merced fuesse. Lo qual visto por los del nuestro Consejo. Por quanto en el dicho li-

bro se hizo la diligencia que la pragmatica por nos sobre ello fecha dispone, fue acordado que deuamos mandar dar esta nuestra carta para vos en la dicha razon, e nos tuuimos lo por bien. Y por la presente vos damos licencia y facultad para que por esta vez podays imprimir el dicho libro que de fuso se haze mencion, por el original que en el nuestro Consejo se vio, que va rubricado y firmado al fin del de Miguel de Ondarça çauala nuestro Escriuano de Camara de los que residen en el nuestro Consejo, con que antes que se venda, le traygays ante ellos jū tamente con el dicho original, para que se vea si la dicha impresion esta cōforme a el, y traygays fee en publica forma, en como por el corrector nombrado por nuestro mādado se vio y corrigio la dicha impresion por el dicho original, y mandamos al impressor que anſi imprimiere el dicho libro lo imprima el principio y primer pliego del, ni entregue mas de vn solo libro con el original al autor, o persona a cuya costa le imprimiere, ni a otra alguna, para effecto de la dicha correction y tassa, hasta que antes primero el tal libro este corregido y tassado por los del nuestro Consejo, y no de otra manera pueda, y estando hecho, imprima el dicho principio y primer pliego, en el
qual

seguidamente ponga esta nuestra licencia,
y la aprobacion, tassa y erratas, fopena de
caer e incurrir en las penas contenidas en la
dicha pragmática y leyes de nuestros Rey-
nos, y mas de dozientos ducados para ga-
stos de los estrados del nuestro Consejo, a
cada imprellor que lo contrario hiziere, y
mandamos a qualesquier nuestras justicias
y juezes de nuestros Reynos, que hagā guar-
dar cumplir y executar lo en esta nuestra
carta contenido, y no fagan ende al por al-
guna manera fopena de la nuestra merced, y
de diez mil maravedis para la nuestra Ca-
mara y fisco. Dada en Madrid a dos dias del
mes de Octubre, de mil y quinientos y no-
uenta años.

El Conde de El Licenciado El Licenciado
Barajas. Mardones. Iuan Gomez.

El Doctor El Licend. Valladares.
Amezqueta. Sarmiento.

Yo Miguel de Ondarça çauala Secretario
de Camara del Rey nuestro señor la fize
escriuir por su mandado con acuerdo de
los de su Consejo.

AD SENATVM

POPVLVMQVE PE-

trafitanum Epigramma Francisci

Martinijs Lusitani in Salmanticensi

Academia Latinæ linguæ Ma-

gistri Primarij.

ACCIPE *quæ magnus magna offert munera Doctor:
Artis Apollineæ nobile cernis opus.*

*Accipe, quæ exprompsit, facundo è pectore Brauus,
Petrasitana tuus terra perennis honor.*

*Tu sæcunda virum fortunatissima tellus,
Virtute & factis inclyta & ingenijs.*

*Reddere te claram tot claros inter alumnos
Splendore hic summo perpetuoq; potest.*

*Hausit quondam auras mortales, te ille parente
Immortale parit nunc decus ille tibi.*

SENATI

PETRAFITANO

totiq; eiusdem populi Reipubl.

Ioannes Brauus doctor Medicus, & rei

Medicæ in Salmanticensi Academia

interpres, Salutem & perpe-

tuam exorat feli-

citatem,



EDICINA donum

Dei, prauè affectos ho-

mines sanans, optima sa-

lubritate præditos in suo

statu conseruans, eos qui

in morbos labi parati

sunt præcauens, sopita

ingenia excitans, morbo-

rum caligines fugens, & deniq; plerosq; iam de-

ploratos in vitam restituens; plures habet partes.

E quibus pharmaceutica, id est, quæ de medica-

mentistractat meo iudicio plurimum momenti

obinet: de qua partim in opere de curandi via &

ratione, per medicamēti purgantis exhibitionem

egimus, partim verò in hoc quod est de simpliciū

medicamentorum delectu & præparatione age-

mus, quod vobis donare decreui. Hoc vt facerem

*multa me causa impulerunt, prima strenue vir-
 tutes vestrae, morum integritas, ingeniorum acu-
 mina, summa denique vestra in omnibus rebus ge-
 rendis prudentia singularis: Altera fuit quod pa-
 tria omnes plurimum debeamus, illique quisque,
 pro suo more & viuendi genere, munera offerre
 teneatur. Est enim cunctis hominibus patriae re-
 cordatio amoenissima, quia ut inquit Cicero, pa-
 triae solum cum omnibus est charum, tum verò
 dulce atque iucundum. Quod poeta etiam signifi-
 cavit dicens. Nos patriae fines & dulcia linqui-
 mus arua. Verum etsi patria sit nobis chara, mul-
 to chariores nos illi sumus quam illa nobis, dicen-
 te Cicerone, chari sunt parentes, chari liberi, pro-
 pinqui, familiares; sed omnes omnium charitates
 patria una complexa est: pro qua quis dubitet mor-
 tem appetere si ei sit profuturus? Eadem ipse lib.
 3. de finibus bonorum & malorum his verbis as-
 ferebat. Ex quo fit ut laudandus sit is qui mor-
 tem appetat pro republica, quod doceat chariorem
 esse patriam nobis, quam nos metipsos. Nec ab
 re quidem nam ut Porphyrius Phenicus est au-
 tor. Etenim patria principium quoddam est
 cuius cuiusque generationis quemadmodum &
 pater. Atque hinc est quod locus in quo nati su-
 mus patria dictus sit, quod communis omnium
 nostrum ut idem Cicero inquit, sit parens. Unde
 & patri & matri & progenitoribus omnibus pa-
 triam esse anteponebam lib. 28. multis vijs sua-
 dere*

Li. 4. in. L.
 Catilinam.

1. Ecloga.

Lib. 1. de
 offic.

In praedica
 bilibus. ca.
 de genere.

Li. 1. in. L.
 Catilinam.

dereconatur Plato colereq; eam oportere magis,
 eiq; obedire, ac rigidius se gerenti mitius assenti-
 ri quàm patri; & si quid iubeat, vel dissuadere illi
 quantum liceat, vel facere, & patientissimè su-
 stinere quidquid iusserit subeundum, ne tergi-
 uersandum, nec fugiendum, sed & in bello, & in
 iudicio & prorsus ubiq; ea sunt quæ respublica
 patriaq; iusserit faciendæ: aut certè verbis quate-
 nus iustum est uti licet, ad persuadendū illi, eamq;
 placandā: Vi autē uti nefas est, vel cōtra matrem
 vel cōtra patrē maximè vero omniū, vel cōtra
 patriā. Hac Plato, Quæ serie clarè docet quāto in
 honore, & dignitate patriā à nativis habēda sit, quā-
 tumq; illi emolumentū repēdere debeamus. Quæ
 sanè cōsiderans & sapiens animo voluens, cū ali-
 quot in medicina libros ediderim, equū mihi vi-
 sum fuit hunc hominum salutē nā dū vilem, sed
 & apprimè necessarium reipublicæ Petrasita pā-
 triæ & alumne meæ charissimæ dicare, ut mu-
 nere hoc, meum erga illam amorem ostenderem,
 & ut eo ipso illa me ei plurimum addictum esse
 cognoscat. Dixi opus hoc apprimè esse necessa-
 rium; nam etsi verum sit, quod alicubi Galen.
 testatur, non esse ad eū magnū quod medica-
 mentum præstare possit, nisi nactum sit medicū,
 qui eo dexterè utatur: ad eundem modum
 etiam si medicus eximius sit & maximè doctus,
 nisi nactus fuerit aptum & accommodum me-
 dicamentum, minimum aut fortassis nihil omni-
 -

In dialogo
 Crito, vel
 de eo quod
 agendum
 est.

Lib. 6. me-
 tho. ca. 2.

no meliatur, non fecus ac bonus artifex probis ac
debitis destitutus instrumentis. Sunt enim medi-
ci instrumenta, medicamenta, quæ optima esse
oportet si ipsa quæpiam utilitatis egrotanti alla-
tura sunt. Optima autem esse censeo in suis quæq;
regionibus enullæ. Debito tempore collecta, pro-
bereposita, aptè præparata ac suis dotibus ac ele-
ctionibus insignita. Quæ sanè cuncta in hoc opere
tradere nixus sum, quod Petrasita dedico, decu-
ius præstantia & amplitudine nonnulla hîc di-
cam. Extenditur eius ager ab ortu in occasum ex
Pimpollare in Auellanedam, à septentrione in
meridiem, ex flumine Cornice in altissima mon-
tis Gredorum cacumina; ubi sunt duæ rupes jatis
elata: è regione posita, quas fratellos accolæ no-
minant. In hoc tam amplo spatio pagi plurimi re-
periuntur multarum rerum ad hominum vitam
necessariam faciendi, armentorum, pecudum,
equarum, ovium tenuissimorum vellorum prædi-
carum; quæ lac suppeditant ex quo selectissimus
ille caseus quem herba nominant, conficitur;
quemadmodum & ex vaccarum lacte buayriolæ
præstantia fiunt. Fert Petrasita fructus varij ge-
neris præstantissimos, fert rapas, quæ nullis totius
orbis cedunt, perdices meticas, aliosq; montanos
passeres. Habet latissima pascua in quibus varij
generis animalium greges saginantur. Habet
sylvas piceis plenas quæ Salmantica & alijs ple-
risq; populis pro construendis domibus uberem
made-

maderam suppeditant. Habet nemora in quibus
quæ venatu capiuntur animalia aluntur, cuni-
culi, lepores, damæ, cerui, apri, taxones, capræ
sylvestres. Habet flumina rapida quidem & lim-
pidissima, salaribus scatentia, cornicem, Aluer-
chem, ac Tormim (omitto alia multa.) Cornix
totam ferè vallem ambit, atque ab hoc fluminæ
ipsa nomen accepit, & vallis cornicis est appella-
ta. Coit cornix cum Tormi circa pontem Conge-
sti. Aluerche intra limites Sæcti Martini Vega,
ex fonte quodam in Vega Cortos scaturiente Al-
uerche dicto, nascitur, à quo, flumini ipsi nomen
est inditum. Discurrit orientem versus per agrū
Petrasitanum; ac deinde paululum à pilis Pici
montem egressus ad meridiem longè fluit & su-
pra Talobricam vnius leuæ spatio cum Taxo flu-
minæ iungitur. Tormis nomen accepit ex eo quòd
illic per lapides multos grandes atque rotundos
fluit, quos incolæ tormos nominant: is propè Na-
uam redondam Petrasita pagum ex prægrandi
quodam fonte ortum ducit, inde per multa oppida
discurrit in se plurima alia flumina excipiens
quousque ad Salmanticam perueniat, & tandem
fluere non cessat, donec infra Letisam Durium
amnem ingreditur. Est Petrasita selectissima-
rum lanarum feracissima, fontium locuples, sa-
lubribus herbis abundat, noxijs animalibus mi-
nimè frequens habetur. Oppidum ipsum in hu-
miliiori loco montis Iuræ vocati est constitutum, ad
septen-

septentrionem spectat, & aquilonaribus ventis est
expositum, quo fit ut pestem minime sentiat, ex-
purgetis utiq; ab his flatibus inquinamentis quæ
illam inducere possent. Amoenissimis hortis, omnis
generis fructibus refertis, & virentibus pratis cir-
cundatur. Palatio & duplici muro utroque lapi-
deo munitur: duobus sanctissimis Canobijs & ce-
lebris Ecclesia est insignitum, amplis plateis pul-
cherrimis fontibus præditis, latis vicis, ac ædibus
optima structura editis condecoratur, quæ in quã
tantæ sunt ut cunctis in locis. Pomæria locum nõ
dederunt. Viros habet Petrasita ad omne discipli-
narum genus propensos, tamque paci quàm bel-
la idoneas, quorum unus tantum, D. Ferdinandi
Toleti, Aluæ ducis & Vallis Cornicis Domini
meruisse sufficiat; qui Petrasita ex D. Garcia
Toleta, Ducis, D. Federici filio & ex D. Beatrice
Pimentela Comitis Benaventis filia natus est. Cu-
ius præclara gesta tam nota apud omnes sunt, &
ea ipsorum dignitas, & in omnium hominum ocu-
lis tam est exposita eorum magnitudo, ut inter
egregias illarum laudes hæc vel in primis præci-
cipua sit habenda, quod nullius alterius laudibus,
nullius commendatione indigent, ipsis sibi suo splen-
dore & amplitudine abunde magnam parientibus
laudem. Quo fit ut Petrasitæ patriæ ingentes gra-
tias referre debeamus, quod tantum sibi alum-
num & dominum, tantumque deditiis suis du-
cem præbuerit. Aliud insuper me vobis pluri-
mum

*mum addictum esse ostendit, quod olim vestrorum
 salutis curam gessi. Quod munus ut exequeret
 ingenti stipendio (prout tempora illa patiebantur)
 condecorastis. Quod mihi honorificentis-
 simum fuit & maximè gratum. Quia ut Cice-
 ro ait, nihil ex omnibus rebus humanis est præ-
 clarius aut præstantius quam de republica be-
 nè mereri. Hac igitur fuere cause cur statue-
 rim opus hoc vestro nomine in lucem prodere, &
 in manus hominum communemque reipu-
 blicæ utilitatem divulgare, ut per vos
 hisce laboribus, si frugi alicui esse
 debent, potiri omnibus ho-
 minibus liceat.*
 (?)

Lib. 10. e-
 pist. fam. 5.

Pilæ Pici. Puerto del Pico.
 Perdices Meiticæ. Perdizes de
 Pinillo.

Letisa. Ledesma.
 Talobrica. Talauera.
 Durius amnis. El rio Duero.
 Salares. Truchas.

Tagus flumen. El rio Tajo.
 Pomœrium. La Renda que esta
 entre la cerca y las casas.

E R R A T A.

Pagina. 14. lin. 26. pleeraque. le. piaraque. pag.
 33. li. 19. tantum. le. tentum. pa. 66 li. 24. mari
 nam. le. marinā. p. 70. li. 5. colleria. le. collyria.
 p. 77. lin. 26. emouerit. le. Euomuerit. p. 142. lin. 24.
 venenosi. le. venenosa. p. 144. lin. 9. an. le. ante. pag.
 164. lin. 18. le. bibatur, aut quoquomodo sumatur.
 p. 210. lin. 27. herba. le. herbas. lin. 28. humides. le.
 humida. p. 220. lin. 23. Ergo. le. Ego. p. 222. lin. 23.
 captarum le. caprarum. p. 225. lin. 26. Galeno. le. Ga
 lenus. p. 226. lin. 3. euistere. le. existere. & lin. 21. fe-
 rum. le. ferū. p. 228. lin. 18. subuerteretur. le. subuer-
 tetur.

*Con estas erratas esta correcto conforme a su ori-
 ginal este libro (De Simplicium, medicamen-
 torum delectu). En testimonio de lo qual lo
 firme. En Salamanca oy. 17. de Enero. 1592.*

El corrector, &c.

*Manuel Correa
 de Montenegro.*

Y O he visto las ojas que el Doctor Braua
acrecento en su libro de simplicium me
dicamentorum delectu, & præparatio-
ne que està por rubricar. Y juntamente ley toda
el libro, y vno y otro me parece muy bien y de
doctrina muy buena y verdadera en nuestra
medicina, y muy importante para medicos y
boticarios: y esto es lo que me parece y lo fir-
mo de mi nombre. En Madrid en quinze de
Dexiembre del año de nouenta.

D. Ambrosio Nuñez.

YO Miguel de Ondarça Çauala escriuano de Camara del Rey nuestro señor de los que residen en su consejo doy fe que los Señores del auiendo visto vn libro intitulado, *De simplicitate medicamentorum delectu libri duo, qui ars Pharmaceutica dicitur*, Cõpuesto por el Doctor Iuan Brauo Cathedratico de medicina de propiedad en la vniversidad de Salamanca, tassaron cada vn pliego del dicho libro a tres marauedis, y a este precio mandaron que se venda y no a mas, y que esta tasa se ponga en cada vn cuerpo del, para que se entienda el precio en que esta tassado, y para que dello conste de pedimiento de la parte del dicho Doctor Iuan Brauo, y mãdado de los dichos Señores di la presente, en Madrid a veynte y seys dias del mes de Febrero, de mil y quinientos y nouenta y dos años.

Miguel de Ondarça
Çauala.

IOANNIS

BR A V I P E T R A F I.

tani Doctoris Medici, & rei
medicæ in Salmanticensi Academia
interpretis, De simplicium medi-
camentorum delectu &
præparatione.

LIBER PRIMVS.


*Simplicium medicamentorum generalis diuifio
& vocum quarundam difficultum
explicatio.*

CAPVT PRIMVM.



SIMPLICIA MEDICA-
mentâ quorum in medicina est
vſus, autore Galeno, diuerſis ex
locis emanarunt. Quædam enim
à ſtirpibus, alia ab animalibus, nonnulla à
metallis & terra, aliquaverò à mari & aquis,
quæ tamen animalia non ſunt, prouenerūt.
Simplicia medicamêta quæ ab ſtirpibus nâci
ſcimus, in vniuerſum ſunt radices, rami, ſemi-
na, folia, ſurculi, flores, fructus, ſtipites, cor-
tices,

Libr. 6 de
ſimpli. me-
dicamê fa.
capit. 1. &
libro. 1. de
côpoſit. me-
di. per ge-
ne. cap. 2.



tices, succi, gummi, liquores, resinae, lachrymae. Quae verò ab animalibus sumuntur sunt pinguedines, adipēs, medullae, ossa, coagulum, sanguis, mel, cera, lac, ora, senecta serpentum; nonnullorum animalium cerebrum, ut leporis, & aliorum cornu, ut cerui, ac aliorum ossa, ut ebur, os de corde cerui, & aliorum ungues, ut caprarum, asinorum. Quorundam etiam gluten, ut tauri, picis, ictio colae, atque multorum excrementa ut fel, sudor, pili, urina, æsopus, seu lanæ succidæ pinguitudo, stercora, ut canum, luporum, caprarum, columborum, asinorum, bouum. Animalia verò, quae medicinae inferuiunt, sunt hirundo, lumbrici, buccinae, limaces, cancri, purpuræ, galerita, vulpes exenterata toto corpore, ac præterea pulmonibus, menides capite, lupus hepate, fiber testibus, stinchi renibus, viperæ corpore toto excepta cauda & capite, pelle atque interaneis. Similiter & cantharides exemptis alis, quāquā in hoc controuersia apud autores sit, volentibus nonnullis sine alis, alijs cum eis esse sumendas. A terra verò quae sumuntur medicamenta, existunt metalla, lapides, gemmae, auri pigmentum, sandaraca, sulphur, terræ genera aliquot, ut bolus armenicus, terra lemnia. A mari verò & aquis capiuntur sales, bitumen, spōgia, muria, adarces, nitrum, garum, asphalt-

asphaltum. Veruntamen anteaquam ulterius progrediamur: hoc in loco necessarium esse arbitror, quarundam difficilium vocum explicationem præmittere, quarum occursum, medicos præsertim tyrones posset remorari. Hæc autem sunt arbor, frutex, suffrutex, herba, radix, caulis, cortex, scap⁹, surculus, coma, cor, fimbriæ, lachryma, corymbus, palmes, papus, nucamentum, bulbi, baccæ, liber, siliqua, geniculi. Arbor autore Theophrasto lib. 1. de historia plantarum. cap. 5. planta appellari debet quæ statim à radice, simplici caudice, nodoso dissoluique contumaci assurgit: à quo per intervalla tanquam brachia exorti rami latius diffunduntur, uti malus, pyrus, quercus, ilex.

Caudex vocatur in arboribus id, quod à radice supra terram simplex assurgit, & in quod primò à radice fertur alimonia. Quarto de historia plantarum cap. 14. in fine, ait idem Theophrastus, caudex sicut fundamentum naturæ; arborum cōstat. Dicitur etiam truncus & stipes: quæ voces per translationem pro stulto & fatuo accipiuntur. Apud antiquos verò caudex & codex pro eodem sumebantur, & utriusq; eadem erat significatio: quanvis hodie caudex pro trunco, codex pro libro accipiantur, quia à caudice cortex detrahebatur, qui apud antiquos

chartæ vsum præbebat.

Frutex eodem Theophrasto loco citato autore, stirps est quæ à radice caudice multiplici, ramoſoq; ſe ſe attollit, à fruticando, hoc eſt, pullulâdo dictus, quod ſuccisus ſemper ſuppullet. Huius generis ſunt rubus, roſa, terebinthus, lentiſcus, canis rubus. Frutex, teſte Valla libr. 4. dicitur qui ad iuſtam magnitudinem arboris non aſurgit, & ſtatura herbis nonnullis eſt ſimilis. Verum non demoritur nec areſcit, vt herba, ſed perennis exiſtit.

Suffruticem, qui inter herbarum genera annumeratur, herbarij plantam appellant, quæ à radice caulem emittit lignoſis adnaſcentibus ramulis, folijsq; minutis, quæ non velut aliarum herbarum folia quotannis areſcunt & decidunt, ſed perpetuis folijs toto anno viret: vt ſtoechas, ruta, hyſſopum ſaluia.

Caulem verò primo de hiſtoria plantarum cap. 2. Theophrastus vocat id, quod ſuper terram ſimplex aſurgit, & in quod à radice alimentum deſertur, atque caudicem ad frutices & arbores, caulē ad herbas duntaxat pertinere. Hiſpanis dicitur, tallo, ſicuti caudex, tronco.

Herbæ deniq; dicuntur reliquæ plantæ, quæ inter initia folia tantum ſine caule perdunt

dant quolibet anno decidua, ac deinde in caulem erectæ flores & seminaferunt, vt holeræ, & siluestrium innumeræ, quæ sponte sua in campis proueniunt, tamen si ex eis nonnullæ habeantur, quæ caule, floribus, & semine carent, vt cynoglossum, hemionitis, dictamus.

Atque hoc in loco silentio minimè prætereundum censeo stirpes assidue inter se transformari; siquidem herbæ diligentî cultu sæpe arborescunt, cuius rei testimonium præbet malua, quam pluries se vidisse refert Theophrastus, tenis, septenisve mensibus cultam, tanta caudicis longitudine, crassitudine & duritie proficere vt hastæ instar graderet. Et Florentiæ quandoq; brassicam ita altam. 9. episto. epist. 3. se vidisse affirmat Manardus, vt proceritate multas æquaret arbores, & nonnullas etiam superaret. Cultu itidem frutices quandoque temporis diuturnitate in arbores nō pumilas exeunt: sicuti ob eiusdem cultus defectum evenit vt arbores quædam siluescant, ac à sua natura ita recedant vt in frutices degenerent. Tantū enim in plantis naturæ germanitas potest, vt non solum sæpe herba arboris, vel fruticis formam agat, sed etiam quasdam in alteras stirpes facile vertat, dicente Galeno cassiam in cinnamomum sæpe transformari, &

Libr. 1. de
antidot. ca
pit. 114

chialbanum in sagapenum, similiter etiam si-
 symbrium in mentham mutari Theophra-
 stus lib. 2. cap. 5. de plantarum histo. & lib.
 2. de causis plantarum cap. 21. & lib. 5. eius-
 dem tractationis capit. 5. literis prodidit.
 Qua eadem germanitate triticum in loliū,
 hordeum in auenain, & ocimum in serpi-
 lum trāsire quotidie videmus, & idem Theo-
 phrastus literis prodidit lib. 4. de causis pla-
 tarum cap. 6. Radix teste Theophrasto ea
 pars in stirpe dicitur, qua immediate à terra
 attrahitur alimētum. Vnde Virgilius sic ait:
 Pullulat ab radice alijs densissima sylua.

Libr. 1. de
 cau. planta-
 rum cap. 2.
 Lib. 2. geor-
 gicorum.

Scapus in herbis dicitur caulis simplex in
 styli modum surrectus. Ruelius sic dicit. Ra-
 dix est id, quo alimentum elicitur & terræ
 cohaeret; caulis verò, in quod idem defertur
 nutrimentum, simplex, que supra terram as-
 surgit. Is si in styli modum sursum prorepat
 aut in altū feratur scapus Latinis nominari
 consuevit, ducta à columnaribus scapis simi-
 litudine. Vnde Plinius lib. 18. cap. 10. de fa-
 bis verba faciens ait: Inuentus est iam & sca-
 pus, centum fabis onustus.

Libr. 1. de
 natura stir-
 pium ca. 2.

Surculus, Theophrasto lib. 1. de causis,
 plantarum cap. 2. pars ea in planta vocatur
 quæ ex caudice, vel ex ramis simplex ac in-
 diuidua oritur, estq; veluti germen quod-
 dam annotinum, quod præcipuè arborum
 generi

generi conuenire voluit : dicitur furculus Hispanis, pimpollo.

Comam Ruelius appellat quidquid hilari venustate crinium modo summa ramorū, vel coliculorum exornat. Vnde Poeta libr.

4. Georgic. in hunc modum scribit. Ille comam mollis iam tum tōdebat achanti. Cortex Theophrasto lib. primo de histo. plantarum cap. 4. est pars vltima plantæ & à subiecto corpore separabilis. Cor eidem Ruelio est id quod in medio ligni residet & tertium à cortice continetur veluti in ossibus medulla.

Fimbriæ, vt auctor est Ruelius lib. 1. de natura stirpium cap. 2. sunt vestium extremitates, quæ incisuras habent serræ dentibus non abfimiles, à quibus & fimbriata plantarum folia dicuntur, quæ in ambitu veluti lancinata in quasdam fimbrias exeunt : sic etiā & castor quod extremas fluminis oras incolat fiber dictus est.

Matrix autore Theophrasto id est, quod in medio ligni tertium à cortice continetur velut medulla in ossibus : id nonnulli cor alijs medullam appellant.

Lachryma Theophrasto is est humor, qui spontè, vel defecto caudice, vel ramo sine aliqua expressione profilit, & in extremitate ipsius ligni apparet. Vnde Plinius lib. 23. in

Libr. 1. de natura stirpium ca. 1. post principium.

Loco præcitato & capit. 4. ad finem. & ca. 88. ad initium.

Libr. 1. de histo. plantarū cap. 4.

procemio inquit: Lachryma vitium quæ re-
luti gummi est, lepras & lichenas sanat.

Lib. 16, ca-
pit. 34.

Corymbus à Plinio vocatur hederarum
vita dependentibus acinis in orbem coacta,
transfertur tamen ad multos herbarum fru-
ctus. Plinio subscribit Ruellius lib. 1. de natu-
ra stirpium cap. 87.

Palmites vt elicitur ex Theophrasto lib.
5. de causis plantarum capit. 11. & ex Colu-
mella lib. 4. de re rustica. cap. 17. sunt virgu-
læ, quæ è stirpibus quotannis prodierunt, sic
nominari, quod in modum humanarum pal-
marum virgulas, quasi digitos edant.

Papus tam Græcis quam Latinis lanugo
est ex floribus aut fructibus decidua: auto-
res sunt Theophrast. lib. 6. de historia plan-
tarum cap. 4. & Plinius libr. 2. cap. 16. Sic
etiam lanosi quidam villi, qui deflorescenti-
bus aliquot herbis remanent & post modum
in auras euanescent papir dicuntur, vt in se-
necione, soncho, & plerisque alijs fit. Vnde
Plinius libr. 25. capit. 13. dicit esse herbam
quæ senecio dicitur, quod in papos abeat &
lanuginem carduorum floribus similem ha-
beat.

Nucamenta, vt autor est Ruellius lib. 1. de
natura stirpium cap. 2. & cap. 10. in initio di-
cuntur, quæ callo squammatim compactili-
pendent è ramis nucum, roborum, populor-
um,

rum, salicū, & picearū, sic dicta q̄ fiat
quasi quædam naturæ rudimēta pineam nu-
cem nuper enatam æmulantia. Cui ad stipu-
latur Plin. lib. 16. cap. 10. Vocantur etiā
cachries, & ab Hispanis, moxigatos. Hæc
sunt quæ in populo flores populi vocat Ga-
lenus 4. de sanitate tuenda ca. 8. in cuiusdam
acopi medicamenti compositione.

Bulbi, radices sunt rotundæ, tunicatæ, qua-
les sunt croci, lilij albi, hyacinthi, asphodeli,
& colchici. Theophrastus lib. 7. de historia
plantarum cap. 13. herbas quæ radice orbi-
culantur bulbosas vocat. quas lib. 25. de cau-
sis plantarum cap. 4. diutius perdurare scri-
bit, q̄ pluribus tunicis & lentitia polleant.

Baccæ Ruelio dicuntur foetus minutio-
res herbarum si uricum, arborū, qui nō den-
sius vt acini sed dispersius, rariūq; enatun-
tur, vt sunt partus lauri, myrti, vitis quer-
cini, lentiscai atque ligustri. Vnde illud Vir-
gilij: Alba ligustra cadunt vaccinia nigra le-
guntur.

Libr. 1. de
natura stir-
pium ca. 2.

Egloga. 2.

Liber eidem Ruelio loco præcitato, est
pars corticis interior, quæ ligno præsertim
adhæret, olim chartæ vsum præbebat, vnde
his quos scribimus libris nomen dedit.

Siliqua tegumentum est, quo vel grana le-
guminum, vel herbarum semina concludun-
tur: nam herbarum varijs modis semina profe-

runt, vt à Theophrasto discas lib. 3. de histo-
ria plantarum cap. 3.

Geniculi siue genicula sunt nodi, qui in
herbis aut fruticibus conspiciuntur, sic geni-
culatæ radices nominantur à Ruelio, quæ no-
dis quibusdam distinctæ protuberant. Vnde
Plinius libr. 18. capit. 7. sic ait: Genicula an-
tem tritico sunt quaterna, farri fena, hordeo
octona.

N E C velim lectorem latere Græcos au-
tores magnis, & amplis rebus particulam
hippo præponere solere, quod docent
hipposelinum, hippomaratum, hippola-
patum, & alia huiusmodi multa: præterea
medicamenta multa efferri, per us, vel per
os masculinè, vel per on, vel um, genere neu-
tro, vt acorus, elloborus, hyssopus, foenicu-
lus, crocus, lupinus, agaricus, peucedanus;
œsypus, vel acorum, elleborum, hyssopum,
foeniculum, crocum, lupinum, agaricum,
peucedanum, œsypum. Sed de his satis, nam
tempus est docere, quo nam pacto præ-
dictæ plantarum partes colligi,
acreponi debeant, à radici-
bus exordio sum-

pto.

De eruena

*De eruendis, præparandis, ac asseruandis
radicibus.*

C A P V T . I I .

RAdices in plantis formauit natura, vt
eis nunquā alimenti suppeditatio de-
ficeret, quia teste Galeno lib. 6. de pla-
citis Hippocratis, atque Platonis cap. 3. eo-
dem munere funguntur in plantis radicum
extremitates, quo in animalibus os: cui sub-
scribit Aristo. lib. 2. de anima. cap. 4. & 4. de
partibus animalium capit. 10. plantam ani-
mal inuersum vocitans. Nam vt idem lib. de
iuuentute & senectute cap. 1. scribit, quam
habent rationem in plantis radices, eandem
habet in animalibus vocatum os. Quare Ga-
lenus loco citato ait radices fibris quasi oscu-
lis multis nutrimentum præparatum ac con-
ueniens è terra, dulces dulce, amarum ama-
ræ, salæ salsum, acre acres, austeræ auste-
rum (insunt enim omnia hæc terræ) ad se at-
trahere atque conuellere. Quæ Hippocra-
tis est sententia lib. 1. de natura humana tex-
tu 31. & Galeni libr. 2. de elementis in fine.
Coquuntur in ipsis radicibus nutrimenta præ-
dicta ad stirpis partium communem alitio-
nem. Dicente Theophrasto libr. 6. de cau-
sis planta. cap. 15. radices tanquam ventres
esse

Libr. 1. de
causis sym-
pro cap. 7.
& 6. de lo-
cis affectis
cap. 3.

esse plantarum, quoniam cibus in his aliqua
tenus alteratur. Galen. vero tenet venas me-
feraicas radicibus in arboribus proportionem
respondere, terram vero plantis ventriculi
munus subire, nam censet iecur ex ventricu-
lo per meserei venas velut arbores à terra
per radices cibum ad se se allicere. Verum
his in presentia omisis ad id, quod in hoc ca-
pite tradere instituiamus reuertamur. Id au-
tem erat docere, quoniam pacto radices sin-
gulæ sunt colligendæ, præparandæ & asser-
vandæ, vt eis cum datur occasio commodè
viri possimus. Eruendæ itaque sunt radices
cum habitiores, vegetiores, & medicamen-
tosæ magis reperiantur. Quo autem tempo-
re eas dotes illis præcipue insint controuer-
sum est, nec idem apud omnes conuenit.
Sunt qui haud infirmis rationibus nixi cen-
seant omnes radices legendas esse veris ini-
tio, prius quam in folia & caules erumpant:
alii autumno vbi folia deciderunt potius le-
gendas esse volunt. Quæ ramen istarum opi-
nionum sit veritati magis coherens, non vni-
dequaq; facile est inuenire, cum vtrique sua
non desint argumenta. Ego vero illis potius
assentirem, qui dicunt ipsas euellendas esse
à terra cum folia decidunt, & caules contra-
bescunt, quod omnibus (paucis demptis) au-
tumno cuenit. Nam et si verum sit verno
tempore

tempore succulentiores & tumentiores inueniri, eo quod nondum caules folia, & flores emiserint, à quibus omnibus radicū succus extrahitur, humor tamē, quo tunc abundant vber est, atq; excrementitius, & nequam coctus, cuius causa ipsæ radices corruptioni obnoxia redduntur, ac leui ex causa putrescunt, sic vt longo tempore asseruari non possint. Quod intuens Dioscorides in proœmio, stirpium radices effodere præcepit cum stirpes ipsæ à suis folijs exuuntur. Quam sententiam Auicenna sequitur lib. 2. tract. primo. capit. 6. cum sic ait: Et radices sumendæ sunt cum casus foliorum tempus est. Ad quod respiciens Galen. lib. 1. de antidotis cap. 9. scillam colligendam esse docet cum eius scapus & folia exaruerint. Nam etsi rationi consonum videatur, autumnales radices graciliores esse effectas, & succi paucioris, eo quod maxima humoris pars in folia, & scapum abierit. Nihilominus tamen is qui remanet succus non adsciticius est, nec crudus sed potius purus & exactè elaboratus. Dubium tamen cōsideratione dignum hoc loco oriri posset, quo tempore sunt effodiendæ illæ, quæ nunquam amittunt folia, sed toto anno perpetuo virore permanent. Cui respondendum est, huiusmodi cruedas esse protinus cum flores deciderint, ac
scapus

scapus exaruit. Quod animaduertens Mesues, scripsit iridis radices vere esse euellendas, quia eo tempore irides floribus orban-
tur suis. Quare immerito Mesuem reprehendit Manardus eum locum enarrans, dicens non vere ipso, sed potius secundum Dioscoridis doctrinam, cum à folijs denudatur, colligendas esse. Nam hoc Dioscoridis documentum intelligendum esse censeo, in illis quæ folia non seruant, non tamen in seruantibus ea, iridem vero toto anno virere nec vnquã vetera folia exuere, Manardus non animaduertit. Impendenda iridem cura est, vt in illo solo & sub illo cælo effodiantur, quod naturæ cuiusque magis est proprium. Nec enim omnis fert omnia tellus, nec quod uis cælum plantis omnibus est accommodum: sed potius vt Poeta ait lib. 1. Georgic. leges æternæque fœdera certis imposuit natura locis. Hinc factum est, vt in feruidis & meridionalibus regionibus odoratarum plantarum maximus adsit prouentus, minimus vero in septentrionalibus. Quod enim stirpes quædã vnicum ament locum vel certè nõ omnem, cinnamomũ, balsamum, dictamũ, & alia pleraque medicamenta, quæ non nisi certis terris nascuntur, manifestè ostendunt. Vnde Plinius lib. 14. cap. 2. sic ait. Nanque est aliquibus tantus locorum amor, vt ibi omnem gloriam

riam deponant & in alium locum nunquam transeant totę. Pari modo myrtum, laurum, nardum, amomum, palmam, schenuanthos, rhabarbarum, multaęue alia locis quibusdā non nasci, omnibus est in comperto: idque vt idem Plinius scribit, vel fastidio vel contumacia, vel imbecillitate, vel cęlo reuente, vel solo repugnante. Alia licet vbiq; nascantur, non tamen locis omnibus æque bona proueniunt, sed in quibusdam præstantissima, in alijs non æque talia gignuntur. Quod poeta lib. 1. Georg. eleganti carmine expressit scribens in hunc modum.

Lib. 16. ca.
pit. 32.

*Hic segetes, illic veniunt felicius vna,
Arborei fetus alibi, atq; inuisa virescunt (res,
Gramina. Nonne vides croceos: vt Tmolus odo-
India mittit ebur, molles sua thura Sabai?
At Calybes nudi ferrum, virosaq; Pontus,
Castorea, Eliadum palmas Epeiros equarum.*

Atque hinc euenit vt iris in Illyrio nata: petroselinū quod in Macedonia prouenit: mastiche, quę ex Chio aduehitur, crocū Cori- ceum, scamonium Antiochenum, rhabarbarum Indicum maximē probentur. Quę vero medicamenta quibus in regionibus oriuntur præstantissima, Dioscorid. & Galenus alijque veteres exactissimē tradiderant. Sed cur ita eueniat, causa est, quia licet terra plātarum omnium seminariū in se habeat, &

parens

1. de natu-
ra humana
text. 31. &
Gale. 2. de
elemētis ca-
pit. 5.

Libr. 1. de
reme. theo-
rema. 1.

Gale lib. 3.
de fac. na-
turalib⁹. ca-
pit. 13. non
lōgē à prin-
cipio.

Auicēn. 3.
1. d. 3. ca-
pit. 7.

parensillarum sit, suo gremio alimentū na-
turæ cuiusque congruum complectens (ter-
ræ nanque, ut inquit Hippoc. inest acre, dul-
ce, amarulentum, & salum, & alterius cu-
iusque generis, vnde si lupinus, vitis, colo-
cynthis, cucumer agrestis, cucurbita in eo-
dem sint loco sata, vel sponte sua proueniāt,
Mesuē testimonio, lupinus nitrosū humo-
rem terræ, vitis dulcem, cucurbita insipidū,
eolocynthis & cucumer agrestis ex adustio-
ribus partibus terræ amarum trahent). Hæ-
tamen non æquē sunt copiosa omnibus in
locis, sed in quibusdam copiosior est auste-
rus humor, alijs acidus, alijs alius. Verunta-
men plantæ primum alliciunt humorem na-
turæ suæ familiarem, ut acerbæ acerbum,
dulces dulcem, acidæ acidum, salæ salum,
amaræ amarum, acres acrem. Cum tamē hu-
more sibi cognato destituuntur, trahūt quid-
quid primum eis occurrit, etiam si naturæ
suæ minimē congruat, non secus ac ventri-
culus noster per inediam (testimonio Gale-
ni & Auicēnæ) succos quosdam excremē-
titios attrahit. Huiusmodi sunt sanies quæ-
dam biliolæ, pituitolæ, atque serolæ, quas
scilicet trahenti illi cum nutrimento indi-
get, iecur remittit. Cum igitur hæc sic se ha-
beant, stirpes sponte sua ortæ, aut opera no-
stra sata, in loco naturæ suæ congruo, me-
lio-
res

hiores sunt & magis probantur, vtpote vegetiores ac copioso humore sibi cōueniēte nutritæ. Veruntamen quæ in solo nascuntur naturæ suæ nequaquam familiari exiliores sunt, ac ob id minime eligendæ, eo quòd nutrimento sibi cognato destituuntur. Et si quandoque dissimilitudo ad earum salubritatem faciat: quando nimirum illæ in vna, aut duabus qualitatibus excessum amplissimum nanciſcuntur. Sic plantæ quædam solum & cælum naturæ suæ temperaturæ contrarium, meliores euadunt, aliæ contra simili cælo & solo emendantur. Nam guaril, & aquaticum piper calida & sicca medicamenta, solo & cælo naturæ suæ dissimili, hoc est frigido & humido, & mucoso, aquoso, vliginoso, paludoso, opaco & similibus meliora proueniunt, quam in calido & sicco, vt apri co meridionali. Contra quæ humido abundant superfluo, vt turbith, agaricus, hermodactylus, loco nata naturæ suæ simili, hoc est calido & sicco meliora sunt. Ratio est quia hæc humore excrementoso abundant qui in locis siccioribus pariter, ac calidioribus absumitur. Nec solum dispositiones meliores vel peiores & proprietates varias à locis contrahunt plantæ, verum etiam vicinitate vnus ad aliam præstantiores vel deteriores efficiuntur. Sic hermodactylis, auto-

Mesues libro 1. de re med. theorema. 1.

Vbi supra. re Mesue, scillæ aut raphani vicinia vigorem addit: & fenna rutæ, & epithymum thymi, & polypodium quercus contactu perfectiora fiunt, atque ob id talia magis à medicis commendantur. Contra scamonium pro pinquum ipsi xebam & cuidam speciei lactariarū villosæ deterius euadit: vt & polypodiū lapidibus innatū, & epithymū ocimo vicinū. Non etiam negligenda est tēporum ratio quibus singula decerpi postulant. Nec etiam illi sunt explodendi, qui in quibusdam plantis colligendis quædam decreta tempora obseruant. Siquidem Galen. libro 2. de antidotis cap. 11. in principio, alium herbam inter caniculæ æstus colligere præcepit: quo tempore cancri fluuiatiles ad canum rabioforum morsus capiuntur, tanquam vim maiorem eo tempore obtinētes. Sic peoniæ radicem ad epilepsiam, luna decrescente colligendam esse quibusdam videtur. Syrio etiam ardente captamus scorpiones: & anchusæ radicem sanguineo succo madentem tēpore eodem deprehendimus. Sed hæc obiter sint dicta: quare ad pensum redeamus. Radices eligendæ sunt firmæ, benè nutritæ, ac exteriorem corticem extantum habentes, quod Galen. 1. de antidotis capit. 15. his docuit verbis. Radices igitur medicinarum, quæ in vium veniunt extento cortice sint

ce sint non rugoso oportet, hoc enim earum
maciem significat. At hæc si fieri possit inte-
græ à terra eximantur, exemptæ aqua clara
probè lauentur. Quod lib. 7. de compo. me-
dica. secundum locos. cap. 2. titulo arteriace
ab Asclepiade in secundo internorum con-
scriptæ in medio Galenus fecit, filicis radi-
ces nuper è terra euulsas tandiu lauans do-
nec omne terreum ab eis recederet. Deinde
à radiculis & capillamentis quibus ferè om-
nes scatent sunt expurgandæ, ac mox dili-
genti cura (nisi fortè vtendi recentibus ali-
qua incesse-rit vel commoditas vel neces-
sitas) sunt exiccandæ. Nec tamen omnes eo-
dem sunt exiccandæ modo, sed si fuerint mi-
nores, tenuiores vel rariores, quales sunt foe-
niculi, apij, asparagi, brusci, polypodij, ru-
biæ, & endiuix vmbra & vento sunt siccan-
dæ: eo quod Sol, ceu ignis quidam earum vi-
res promptè dissipat. Quod omnibus rara
contextura præditis euenire compertū est.
Verum enim vero si ex eis fuerint quæ natu-
ra sunt crassæ veluti gentianæ, helenij, man-
dragoræ, brionie, rheipōtici, in sole, vel si cæ-
lum est nubilum, aut hyeme, igne tuto sic-
cantur: eo quod tales vmbra siccata situ ta-
bescunt & putridæ redduntur. Quædā inte-
græ siccantur, vt gentianæ, aliæ in taleolas
frustatim dissectæ, vt iridis, helenij. Quod

commodius fiet si tenui funiculo ne partes se contingant traiciantur, aut si cratibus imponatur, sæpè eas manibus versando, ne micidæ fiant. Si vero siccitatis citæ est opus, patellæ ignitæ impositas assiduè voluēdo ficcabis. Curandum tamen est anteaquam siccantur, vt cor illud lignosum, quod in omnibus ferè radicibus includitur, ipsis in longitudinem scissis integrum eximatur: quippe neruo in animali, & non cordi proportionē respondet, vt in examine syrupi acetosi de radicibus prudenter animaduertit Musa. Quare cum frigidum, ac terreum sit atq; omni uino inutile, nullamq; vim obtinens, abijciendum potius quàm seruandum censemus. Vnde Galen. lib. 5. de compo. medicamentorum secundum locos cap. 7. titulo erispi amici ad recentes in mēto, &c. cortice radicis rumicis corde abiectō vtitur. Quod idem facit lib. 2. de antidotis cap. 3. in quadam antidoti compositione aduersus phalangiorum morsus, cortices radicis mandragoræ desumens. Et in eodem lib. cap. 105. titulo, conficiendi autem modus is, qui sequitur, sic ait: Cortices enim radicum in vniuersum commodiores sunt meditullijs ipsarum radicum: & Auicēn lib. 5. tractatu de syrupis, in syrupo acetoso communitalis cum seminibus, cortices radicum fœniculi & apij ponit.

Hæc Galeni verba ex secundo de anti. solum inueniuntur in codicibus Frele-
niani Lugduni excusis, Anno 1550. nō tamē reperiuntur in codicibus Frobenianis, nec in codicibus Venetis.

ponit. Sic enim ait : Recipe, corticis radice
foeniculi & corticis radice apij, ana, vncias
iij. licet Musa loco citato hoc solū faciendū
esse velit, in calidis & aperiētibus radicibus,
nam in frigidis quales sunt endiuia, cicorij,
lactuce, corticem simul cū meditullio desu-
mit. Imo & Plin. lib. 25. ca. 15. in medio, in-
nuere videtur in radice ellebori nigri anti-
quos meditullio dūtaxat fuisse vsos, ita em̃
scribit: Antiqui radicē cortice quā crassissi-
mo seligebant quo tenuior eximeretur me-
dulla, hanc humidis spongijs opertam tur-
gescentemq; acu in longitudinem findebāt,
deinde fila in vmbra siccabant, his vtentes.
Quæ verba aperte ostendunt, meditullia an-
tiquis vsui forè non cortices. Nam quorsum
obsecro dici potest tenuiorem, seu tenerio-
rem medullā ab eis expeti dum ad eam exi-
mendā radicem cortice quam crassissimo
seligebant, si ipsam erant reiecturi? Præterea
meditullia sunt quæ fila propriè dicuntur,
non cortices; quem locū paucos video fuisse
assequutos. Verum nihil nos mouere debet
hæc Plinij sententia, eo q̃ alia Ætij sententia
demolitur, qui libro. 1. sermone 3. cap. 27. de
elleboro nigro verba faciēs, ita scribit: Dan-
tur ex eo scrupuli. iij. plus minus, ita vt te-
nuia circa radices lignula paulū in aqua ma-
desiant, deinde auferatur cortex, & exiece-

tur in umbra, tundaturq; ac cribretur. Ego
 verò in vniuersum affirmauerim, radicum
 cortices vtiliores esse ipsis meditullijs, so-
 lasq; cordibus abiectis sumendas esse. Dum
 modo non sint radices admodum tenuēs, in
 quibus, Musa teste, nihil amouendum est.
 Imo & aliquæ sunt radices crassæ in quibus
 hoc non licet facere, eo quòd hoc corde or-
 bentur, vt gentianæ, cyclamini, aristolochie
 rotundæ, iridis, brionis, centauri maioris,
 nimpheæ atque rhabarbari. Siccatae cum fue-
 rint radices, loco non insolato, non infuma-
 to, non humido, non squalente, non pulue-
 rulento, sed sublimi & moderate sicco sunt
 reponendæ, ne solis calore exurantur, ne ve-
 humore ex testis, vel muro madefiāt, quod
 est documentum Galeni libr. 3. de compo-
 medicamen. secundum genera cap. 2. Eadem
 quandiu vegetæ adhuc existunt sunt seruā-
 dæ. Veratri generis nigrū, inquam, & album
 multos edurare annos, reliqua omnia à tri-
 matu esse inutilia, Dioscorid. literis manda-
 uit: cui aduersatur Theophrastus lib. 9. de hi-
 sto. plantarum cap. 14. dicens ellebori gene-
 ra 30. perdurare annos, aristolochiam 5. vel
 6. nigram vermilaginem 40. centaureā ma-
 iorem 10. vel 12. peucedanum 5. vel 6. ela-
 terium 200. Theophrasto subscribit Plin.
 lib. 20. cap. 1. initio, & lib. 21. cap. ultimo.

iuxta

iuxta finem. Et denique radices omnes tanto tempore asseruari ac recodi possunt, quāto à macie & teredine queunt vindicari. Tenuēs vero & raræ quales asfari, phu, asparagi, rusci, & id genus aliæ per spatium vnius anni dūtaxat perdurant, quare hæ annis singulis mutari debent. Radices quinque communes sunt apij, asparagi, fœniculi, aut secundum alios graminis, petroselini, rusci.

De colligendis, asseruandis, ac eligendis herbis.

C A P V T I I I.

L I B R O primo de antidotis cap. 5. in fine, Galen. medicum consulit, vt omnium herbarum, si fieri possit, peritiā habeat, sin minus pluriū saltem, quibus frequenter vtimur. Peritiā autē habere nullo pacto potest, ni prius ipsas quā ē terra totæ eximātur, multoties conspexerit, videlicet nuper ē solo emergentes, adultas, & senescentes, ac etiam dum fructus futuri sunt, dum ipsi eduntur, dum augescunt, & dum vigent, vt 3. de compo. medica. per genera cap. 2. post principium Galen. scriptum reliquit. Nam vt ait Dioscorides in præfatione, qui pullulanti herbæ duntaxat adstite-

rit, adultam cognoscere non potest, nec qui adultam tantum inspexerit, nuper erumpentem noscet. Quo fit, vt propter mutatam foliorum faciem, caulium proceritates, foliorum seminisque magnitudinem, & id genus alias peculiare notas, nonnulli qui olim has rerum varietates non perspexerunt magno in errore versentur. Quæ vero exal facienda vim obtinent, testibus Galeno 1. de antidotis cap. 14. in fine. & Dioscor. in præfatione, in locis cliuosis, ac ventis expositis, per flatis, frigidis, & aquis carentibus sunt colligendæ. Eo quod (vt ipsi aiunt) tales, viribus validiores ac generosiores experiuntur: contra verò quæ in campestribus, riguis, ac opacis à vento que silentibus locis enascuntur, plerumq; degenerant, ac minus viribus valent, humore locorum, earum calorificam facultatem haud parum demulcente: nam, vt Galen. ait, cuiusque saporis vires aquea retundit, ac hebetat humiditas. Danda etiam opera est, vt serena coeli cōstitutione, & suo tēpore, ac opportunè singulæ demetantur, quemadmodum Galen. fecit lib. 1. de antidotis cap. 5. in fine, ipsas obseruato tempore quo vigent, nec æstiuo sole arefactas, nec citius quam par est auulsas colligens, nondum coctis seminibus aut maturis. Quæ fruticosæ sunt, vt stechas, trisago

Libr. 4. de
simpli. me-
dica. fa. ca-
pit. 8.

go, polium, abrotonum, seriphum, absyn-
thium, hyssopum, testimonio Dioscoridis,
femine prægnantes sunt demetendæ. Aliæ
vero demetiri debent, cum primum flori-
bus suis ornantur: cuius classis sunt Centau-
rium minus, origanum, symphitū petreum,
pulegium, serpillum, amaracus, polium, thy-
mus, chamæpytis, anthemis, fumaria. Colle-
ctæ cum sunt herbæ à terra, atq; ab alijs ad-
uentitijs herbulis, excrementisq; quibus sca-
tere solent sunt expurgandæ, mox in um-
bra exiccandæ; quemadmodum Galenus do-
cet lib. 5. de compo. medicamen. secundum
locos cap. 9. titulo de dentifricorum com-
positione. Nisi quod quæ scapo constant
crassiori, vt acanthus, vel folio humidiori,
vt portulaca, omnino sunt insolandæ: eo
quod umbra siccata procul dubio putre-
scunt, & situ obducuntur. Aliquas tamen nul-
lo modo exiccamus, sed illis recentibus uti-
mur: quibusdā omnino, vt lactuca, buglos-
so, atriplice, beta, brastica, nasturtio, intubo,
hyosciamo, mandragora. Nonnullis verò re-
centibus utimur quando his mitioribus est
opus, vt ruta, mentha, absynthio, abrotano.
Siccatae nanque calidiores sentiuntur, recen-
tes vero minus calent ob mixtam humidita-
tem excrementosam, ac semicoctam quam
multam in mentha esse lib. 6. de simpl. me-

In epistola
ad Crate-
lam.

dicament. facultatibus testatur Galen. Rur-
sus fumaria recens minus aluum subducit,
magis sicca ex Mesue nō obscure deducitur
exhibēte succi eius vncias duas, pulueris ve-
ro drachmas quinque: cōtrarium utiq; ipse
facturas si maiorem purgandi vim in viridi
inesse existimaret. Cæterū cum probè sicca
tæ fuerint decusso puluere, capsulis tiliaceis
vel pineis, vel fictilibus vasis diligenter clau-
sis (nē earum vires euanescant, vt Hippocr.
dicit) debent reponi. Qua in re testimonio
Marthioli errant seplasiariorum plerique,
qui herbas iam arefactas in fasciculos dige-
rentes ad officinarum laquearia suspendūt.
Vbi breui non solum ab aeris ambientis ca-
lore, ac ventorum perflatu viribus manent
destitutæ, sed etiam puluere, & araneorum
telis, ac muscarumcrementis polluantur.
Nec etiam illi culpa vacāt, qui in linteis fac-
culis textura rara præditis eas trabibus ap-
pendere solent: quippe æstius calor in ip-
sos penetrans quicquid boni in herbis inuenit
absumit & abolet, vnde ipse vigorem, ve-
lut in animi deliquium collapsæ, amittūt.
Postmodum cum vtendi tempus instat sem-
per illas eligere oportet quæ præstantiores
sunt, illas abigere quæ viliores. Quæ vero
sint præstantiores & vsui medicinæ conue-
nientes, quæ ve vitiosæ & inutiles, docet Ga-
lenus

lenus libro 1. de antidotis capit. 2. scribens in hunc modum. Qui enim memores sunt eius quod superiori anno emerunt, cum aliud melius illo vident facile hoc illi præstare dijudicant. Ex herbis siquidem quæcunque vna cū semine summis ramusculis adhærente apportatur: pro cuiusq; tamen conditione plurimum seminis habentes, non habentibus, vegetas exilibus, ponderosas debilibus, compactas flaccidis, tempore non consumptas, cito absumptis potiores arbitrantur. Ex quibus liquet, optimas eum vocare semine refertas, vegetas, ponderosas, compactas & tempore non absumptas: vitiosas contrarias, nempe semen non habentes, exiles, debiles, flaccidas, & tempore absumptas. Et in eodem libro capit. 14. campestres quidem generosiores inueniri, in planis vero locis herbas ferme omnes imbecilliores prouenire, scriptum reliquit. At vero ab ipsis, quibus uti debemus quicquid lignosum durūq; existit, est abiiciendum. Accipienda vero ad medicamenta folia, atque ex eis præcipue quæ subtilissima, virentissimaque sunt, atq; in summis ipsis herbis nata, prout est Galeni præceptum 4. de sanita. tuenda capit. 7. Verum de herbis hæc dixisse sufficiat, præsertim, quia ea quæ in radicibus dicta sunt, de collectione, repositione,

tione, duratione illarum, ad herbas transferri possunt: nisi quod herba minus diu seruari possunt; ob id quotannis mutanda.

De colligendis & reponendis floribus.

C A P V T I I I I.

FLORES legi non debent præcocius quam par est ante perfectam maturitatem, nec iusto tardius, cum, videlicet, euandiac veluti deliquio animi affecti decidētiae proximi sunt, sed potius ut plantarum partes reliquæ, tempore medio quo maximè vigent. Auicen. lib. 2. tract. 1. cap. 6. colligendos esse docet post integram illorum apertionem ante extenuationem & casum. Licet capparum flores cum sunt in gemma antequam se explicent decerpendi sint, & rosarum expādi iam coepti, cæteri verò cum omnino expansis folijs patent, antequam flaccescerent spontè sua decidant sunt colligendi. Verum cum maiori ex parte flores ferè omnes sint rara contextura præditi ac reliquis stirpium partibus teneriores, fragiliores & molliores, in umbra ubi locus calidus & editus fuerit siccandi non sunt, tantum abest, ut sint insolandi. Quippe solis fervore, atque nimio aëris calore facile exoluuntur.

tur. Quorum imbecillitatis & mollitiei argumentum est nō mediocre quod ipsi à calore vel frigore nimio lacesiti, vel ab imbribus perculsi protinus emoriuntur: dicentibus Theophrasto libr. 4. de historia plantarum capit. 16. & libr. 5. de causis plantarum capit. 14. & Plinio lib. 17. capit. 14. in medio pessimum esse arboribus si dum florent imbres descenderint: quippe aiunt protinus flores ob nimiam imbecillitatem defluere, atque deperdi Et licet hoc peculiariter oleæ vitique accidere dicat Theophrastus, eò quod, ut ipse ait, simul defluunt fructus propter exilitatem, id tamen cunctis ferè florentibus stirpibus commune esse, apud omnes conuenit. Quæ causa est cur vere pluvioso existente mellis adsit penuria defluentibus utique imbre copioso, floribus, propter imbecillitatem. Quam imbecillitatem intuens Galenus lib. 4. de sanitate tuenda capit. 8. flores pro acopis medicamentis conficiendis, non coquit, nec in duplici vase, nec alio modo, sed tantum ipsos diu macerat: quia coctura breui ipsorum destruitur virtus, licet genistæ, rosæ, & chamæmeli flores insolationem aliquam & cocturam patiantur, ob fortem partium suarum mistionem, & humiditatem quandam excrementitiam, quam secum commistam habent.

Siccen-

Siccentur igitur in locis temperatis, dum
 ficcantur, sæpius reuoluantur ne fitum con-
 trahant, adhibita etiam cura ne ficci pristi-
 num colorem deperdant, quandoquidem
 certum est flores, qui natiuum colorem non
 seruant, vel ab ipso quoquo modo degene-
 rant, nullius esse in medicina vsus. Sunt
 enim teste Theophrasto libr: 7. de historia
 plant. cap. 3. varij florum colores, videlicet,
 candidi, lutei, leuiter rubri, cærulei, atque
 purpurei, quos omnes medicus memoria
 tenere debet, vt intelligat quantum vnum-
 quenque florem à proprio colore degene-
 ret. Flores & omnia, quæ iucundum odo-
 rem efflant, Dioscoridis documento, arcu-
 lis tiliaceis nullo fitu obductis debent ser-
 uari. Testimonio tamen Hippocratis in Epi-
 stola ad Crateuam in vasis terreis probe co-
 ctis sunt reponendi. Probe exiccati, atque
 repositi, ad annum duntaxat durant, qua
 de causa quotannis mutandi. Et si centauri,
 spartij, rosarum, etiam longiori perdurent
 tempore. Chamæmeli itidem diu vegeti
 sunt, item & schenanthos: sic vt nonnullo-
 rum sententia hic per decennium efficax ser-
 uari possit ob moderatam partium suarum
 adstrictionem. Quam vtique adstringendi
 vim Galen. libr. 1. de compo. medic. secun-
 dum locos capit. 3. Sexto item de simpl. me-
 dica.

dicamen. facult. 11. ei adscribit. Herbarum flores soli veniunt in vsum, licet Galen. 4. de sanitate tuenda cap. 7. ipsos vnâ cum tenuissimis festucis quibus adhærent ad diacalaminthes confectionem desumat.

*De colligendis, asseruandis, ac eligendis
seminibus.*

C A P V T. V.

Communis tam in animalibus, quàm in plantis naturæ scopus est, semen procreare, eo quòd ambo modis omnibus sibi simile moliantur producere, vt cum immortalia non existant, saltem quadamtenus sint immortalibus proxima, specie per tot supposititia singularia permanente, quemadmodum libr. 14. de vsu partium, in initio Galen. literis prodidit. Quare cum in femine spes maxima sit speciei propagandæ, & eius quoad fieri licuit prorogandæ, ob id in plantis aliquibus magna id cura est à natura munitum. Ac sæpè non sola fructuum carne, sed ligno, vel osse, vel cartilagine, vel callo tanquam loco tutiori repositum, vt tutatum sit aduersus cæli, & animalium iniurias, licet Theophrasti testimonio. 8. de hist. plan. cap. 3. non in omnibus

bus stirpibus semina eisdem nascantur modis, eo quod quædam suis in plantis nuda proueniunt, quæ etsi decidunt in terrâ non erant se peritura: vt lithospermi, fœniculi, anethi, alia vasculis vel capitulis cooperiuntur, vt hyoscyami, papaueris, nimpheæ, melanthij: alia siliquis includuntur, vt fabæ, lupini, ciceris: alia corniculis reconduntur, vt fœnugræci, fertulæ, campanæ, sinapis, papaueris corniculati: alia circa medullam quorundam fructuum intus continentur, quale est mali medici semen, pyrorû, cotoneorum, citri limonis, cucurbitæ, peponis, cucumeris. Veruntamen, hæc posteriora de sumere oportet cum fructus à quibus decerpuntur perfectam maturitatem sunt assecuti, reliqua omnia ubi ficcari iam coeperint prius quam decidunt: quemadmodum in proœmio nos docet Dioscorid. Non conuenit tamen seminibus protinus post collectionem uti, sed ubi ea in locis siccis reposerimus, diu ab eis abstinendum est. Quo interea pars quidẽ humoris superflui exhalet, pars autẽ etiam coquatur. Desluit enim testimonio Galenilib. 1. de alimentorum facult. cap. 10. à plantis, seminibus, & fructibus postquam collecta fuerint ac reposita, primum quidem quicquid aquosum, ac tenue est, post autem & non nihil humoris naturalis

turalis. Vbi igitur sicca fuerint semina arcu-
lis ligneis, vel, vt Dioscorides ait, chartis vel
folijs in locis ficcis sunt asseruanda; facile
enim ad se omnem cōtrahūt humiditatem;
quemadmodum de tritico, lib. i. de facul. na-
tu. cap. 14. iuxta calcem Galen. manifesta-
uit. Porro seminum omnium tibi commune
sit indicium vt Galen. docet lib. i. de alimen-
torum facul. cap. 10. quod quæ tota plena
sunt, & circumscriptionem externam ha-
bent tensam, meliora sunt: quæ verò graci-
liora, & rugosa, deteriora: quemadmodum
quæ molem multo maiorem quam pro sua
natura habent suntque molliora ac laxiora;
scito ea humiditatē habere superfluam, quā
re optima ratione Galen. prædictis censet
deteriora. Et lib. primo de antidotis cap. 15.
semina inquit vegeta sint necesse est, quod
ex eo, quia tantum corticem habent cōijcie-
mus. lib. etiam de bono & malo succo capit.
15. semina quæ macerata intumescunt, &
pristinam ficcitatem & duriciem cito exuūt
ac mollitudinem & humiditatem acquirūt
optima esse iudicabat, sicuti quæ tumorem
suum & duritiem retinent, deterrima existe-
re arbitratur: eo quod talia difficulter co-
quuntur & substantia terrea constant. Deli-
gantur etiam semina matura, benè habita,
plena & corpulenta, & quæ naturæ suæ vi-

Libr. 3. de
caus. plan-
tarum. 29.

res proprias habent efficacissimas, & odorem & saporem & colorem, sui generis perfectissimum retineat. Sunt namque (Galenus sententia libr. de attenuante victus ratione capit. 5.) omnia facultate suæ plantæ similia, nisi quod illis prorsus sunt sicciora. Porro ad seminum bonitatem non parum solum facere videtur. Nam ut Theophrastus ait, nonnulli semina illa validiora esse affirmant, quæ ager præbeat optimus. Et quanuis multa reperiuntur quæ ultra annum suas asseruēt vires, ea tamen quotannis renouare satius, ac tutius erit, quia quemadmodum ait, Galenus libr. 1. de alimentorum facult. capit. 10. quæ diutius asseruantur vires habent imbecilliores: imo & pauca sunt quæ inueterata rancorem non redoleant, quo fit ut calorem nanciscantur extraneum & sibi non congenitum. Quod intuens Theophrastus libro 8. de historia plantarum cap. 11. dixit semen anniculum optimum putari, bimum verò deterius taleque sterile ferre esse. Et tandem illud semen ab usu medicinæ est abigendum quod sationi inutile putatur. Hoc tamen in loco à medicis præsertim tyronibus animaduertendum est, officinas seminibus quibusdam propria dedisse nomina, aliqua calidam maiora, alia minora appellantes: simili-

ter

ter & frigida. Calida maiora sunt anisi, feniculi, carui, cimini: minora sunt aniseos, amomi, api, dauci, frigida maiora habentur, cucurbitæ, eucumeris, citruli, melonum, frigida minora dicuntur scariolæ, lactucæ, portulacæ, & acetosæ.

De extrahendis, asseruandis, ac eligendis succis.

C A P V T. V I.

CV M succorum in medicina magnus sit vsus, non minori diligentia, ac studio, quam reliquæ plantarum partes sunt præparandi, extrahendi, atque ita asseruandi, vt citra labem & corruptionem toto anno perennent. Et si hi ab herbis & herbarum radicibus, atque fructibus eliciantur: non tamen omnibus vna esse potest extrahendi, reponendi & conseruandi ratio. Qui ex radicibus exprimuntur, vt cirenaicus & glycyrrhyzæ, licet aliqui existiment vere cum primum folia emergunt esse parandos, ego tamen censeo non vere, sed autumno post Arcturum, ac postquâ folia defluerunt extrahendos esse. Mouet me primum Theophrastus lib. 9. de histo. plan. cap. 8. hoc tempore radiciidum facere iubens, ac conueniēs

C : est

est eo tempore succorum parare extractionem quo radiciidum fit. Accedit eò quòd, qui veris initio exprimuntur, propter radicem vberem humiditatem eamque excrementitiam, facile putredinem sentiunt: què admodum cum agebamus de radicibus dictum est. Hoc intelligi debet dummodo radices succulentiores existant, sic vt ab eis humor elici possit, nā si exuccæ sunt & siccæ, melius est ab eis vere succum extrahere. Ex folijs vero, qui eliciuntur succi, anteaquam stirpes flores edant, & earum caules lignescant sunt educendi. Ex fructibus denique nonnulli exprimuntur cum ipsi fructus perfectam maturitatem sunt adepti, huiusmodi sunt malorum punicorum, citriorum, limonium, baccarum myrti. Quidam anteaquam ad plenum maturuerint, vt mororum, iuglandium, berberorum, acatiæ, & prunorum siluestrium: alij ex immaturis adhuc vt omphax, oleum omphancinum, quia in istis frigus & adstrictionem quærimus: quibus qualitatibus immaturi magis pollent. Dicente Galen. libr. 4. de simplic. medicam. faculta. cap. 7. arborum fructus omnes quotquot nobis vbi maturuerint dulces apparent: nuper enatos acerbos, siccosq; esse, consistentia, pro sui nimirum parentis quemq; natura. Deinceps succis ipsis protinus cum
sunt

sunt decerpti Galeni testimonio libr. 3. de
simpli. medicamen. facult. cap. 15. in fine, ne
corrumpantur, aut acefcant coctione qua-
dam, aut insolatione est opus, aut saltem ali-
cuius alterius perdurantis succi mixtura.
Quod confirmat libr. 4. eiusdem tractatio-
nis cap. 23. huius corruptionis causam refe-
rens in aqueum humorem à calore nec mu-
tatum nec deuinctū, siquidem eo teste succi
cuiuslibet tria sunt excrementa. Vnum ter-
reum quale est in vinis fex, alterum aëreum
quod ipsum quoque vini flori proportionem
respondet, tertium aqueum, quod in omni-
bus ebullitionem corruptionemque efficit,
vbi nimirum nec deuinctum nec planè alte-
ratum ebullitionis tempore fuerit: quare
subdit huius excrementi gratia quoddam
succos non nisi coctos reponere, alios in so-
le feruenti exiccatos, nam terrei aëreiq; gra-
tia non admodum corruptos iri succos me-
tuunt, cum ea & separari videant, & greque
corruptibilem fortiantur substantiam, quan-
do quidem temperamentum nacta sunt sic-
cum. Hoc aqueum excrementum cum exa-
ctè deuinctum fuerit in eam, quæ propriè est
succi natura mutatur, quemadmodum pitui-
ta in animalibus per vltiorem coctionem
conuertitur in sanguinē. Nec tamen omni-
bus succis eadem est exiccandi ratio, siqui-

dem alij igne, alij sole exiccantur: igne exiccantur aloë. & succus absinthij, hypocistidis, eupatorij: Sole vero conferuantur, succi florū & fructuum, vt rosarum, granatorum, mororum, limonum & cotoneorum, leuicostura, & deinceps insolatione indigent succi herbarum, vt succus endiuia, borraginis, buglossæ, oxalidis: porro tam ij quam illi insolari debent donec exactè defæcati pelluceant, quod 40. diebus perficitur, vt autor est Mesues libr. 3. de antidotis cap. de infusione rosarum & violarum, Dandaque opera est ne vltra hoc tempus insolentur, aut plurimum coquantur, eo quod Galeno, autore lib. 6. de compo. med. secundum locos, capit. 3. qui plurimum cocti sunt resiccantur: sicuti qui plus quā par est, ad solem æstiuum feruescunt, licet tunc ad moderatam spissitudinem perueniant, per tempus tamen exarescunt, atque in eandem deueniunt ariditatem, vt conteri queant in modum balaustiorum. Quemadmodum igitur succi ne corrumpantur aut acescant statim ab initio coctione aut insolatione indigent, ita etiam alicuius alterius perdurantis succi mistura. Quod Galen. voluit lib. 6. de compo. medica. secundum locos capit. 3. cum sic ait: Corrumpuntur enim succi omnino, si absque melle reponantur. Verum hoc Galeni

leni præceptum duntaxat de succis crassis intelligendum venit, nam tenues, quales sunt rosarum, cichorij, oxalidis, granatorum, fumarizæ & similia, pauco oleo super infuso in vitreis vasis strictorum orificiorum, in quibus continentur probe sine melle cōseruantur, vt solertes seplasiarij facere consueverunt. Crassi vero succi, quos ipsi pharmacopolæ inspissamenta vocāt, quiq; igne exarscunt, melle vt corruptionem non sentiant, indigent. Huiusmodi sunt succus gentianæ, absinthij & eupatorij. Quanta proportione mel succo ipsi permisceri debeat, a nemine hætenus determinatum reperio, præterquā a Galeno lib. 6. de compo. medic. secundum locos cap. 1. titulo de mediocorum pharmacorum compositione iuxta initium, quo loco ait, succum ad mel quintuplum multitudinis esse debere, sic vt quinq; libris succi vna libra mellis superaddatur. Nec etiam omnes crassi succi melle, vt cōseruentur indigent, cum aliqui vino reponantur, vt succus centaureæ. Alij parantur aqua, vt hypocistidis, & rhois, quemadmodum docet Dioscorid. quia mel vtpote calidū & siccū, atque detergens existens, ipsorum remitteret astringentem, & frigiditatem obtunderet. Nec ipsi aliās incorruptibilis materiæ existētes, permissione indigent, cum propria adstringentione,

etione & ingenua siccitate satis à putrilagine possint tutari. Adhibenda etiam diligencia est, vt ipsos protinus cum corruptione sunt passi abijciamus, eo quòd teste Ruelio libr. 1. de natura stirpium cap. 18. corrupti nulla coctura, aut permistione emendationem, aut correctionem suscipiunt, sic vt ad pristinam naturam à qua descuerunt iterum remigrare queant. Et quemadmodum qui pristinum odorem, aut saporem non retinent abijciuntur, ita etiam qui has qualitates languidas obtinent sunt improbandi. Qua de causa dixit Galen. 1. de antidotis capit. 15. succos nec diuturnitate arefactos, nec suas qualitates obscuras obtinentes, esse eligendos. Qualitates Galen. vocat quæ olfactu, gustuque percipimus. Quæ tamen sit unicuique propria & germana qualitas experientia dignoscendum venit: nam vt ait Theophrastus lib. 1. de histo. plantarum capit. 9. succorū varietas multiplex est, quia alij vinosi existūt, ceu vitis, mori, myrti, alij pingues, vt oleæ, lauri, nucum amigdarū, strobilorum, alij dulces, vt fici, palmæ, alij acres vt origani, satureiæ, nasturtij, sinapis, alij amari, vt absinthij, centauri minoris, quod medici fel terræ ob eximiam amaritudinem vocant. Atque hæc de succis plantarum, & earum partium in præsentia dicta
suffi-

sufficiant. Nam non agimus modo de lenticinosis illarum humoribus, sed de his quæ ab officinis propriè succi nuncupantur, tales autem sunt qui ex tota stirpe, parte vè eius aliqua concisa, aut tusa torculari vel manibus vel aliter exprimuntur, protinusque ab expressione liquidi permanent. Qui nanq; à glutinosis seminibus, vt lini, psyllij, fœnugræci, cidoniorū, aut à radicibus, vt altheæ, infusione extractus humor est, cum lentorem habeat, & expressione extractus non sit, mucago, seu mucilago, non succus appellatur.

De euellendis liquoribus & eorum differentijs.

C A P V T V I I .

IN medicinæ vsum varia habentur liquorum genera, quæ quamplurimis ex plantis, aut partibus earum aliquibus, vulneratis, terebratis, scarificatis, castratis, sponte stillant ac defluunt: quorum alij gummi, alij resinæ, alij lachrymæ vocantur. In gummi classe continentur opopanax, ammoniacum, sagapenum, euphorbium, chalbanum, myrrha, thus, sarcocola, styrax, & id genus alia. In resinarum vero genere existunt terebinthina, laricina, pinca, picea, strobilina,

mastichina, abietina. In lachrymarum denique classe, consistunt opium, scamonium, timalorum omnium lac, cancamum, tragacantha. Gummi autore Galeno lib. 7. de simpli. medicamentorum facultatibus, lachryma est congelata concretaque in truncis arborum ipsam producentium. Erumpit ut Plin. ait lib. 37. cap. 3. humoris abundantia, densatur rigore, vel tempore autumnali, paratur postquam planta germinationem produxit: euellitur post fructuum vindemiam. Cuius rei testis est idem Plin. lib. 16. cap. 26. sic scribens: quæ gummi gignunt, post germinationem aperiuntur, gummi vero, non nisi fructu detracto spissantur. Eodem etiam post germinationem tempore, resinarum paramus euentum, ut ex Theophrasto liquet, 9. de histo. plant. capit. 2. dicente therebinthum, & pinum & reliquas resinam facientes arbores, cadendas esse post germinationem. Carent enim nouellæ arbores tēdiferæ resina, anteaquam ad ætatem vigentem perueniant. Quemadmodum & illæ, quæ in ætate consistunt vigoris, priusquam germinet, eò quod utraque, ut autor est Theophrastus lib. 5. de causis plantarum cap. 23. humorem non aggregant: in his ad germinationem in illis vero toto ad incrementum absumpto. Quemadmodum in pueris non fiunt hamor-

hæmorrhagiæ ex Aphor. 27. tertiæ sectionis, quoniam celeriter admodum crescunt, & in eo augmento plurimus sanguis absumitur. In vigentibus tamen arboribus, & ætate maioribus atque in illis quæ germinarunt plurimus humor alimentitius superat, qui foras stillans in resinam abiit, sicuti in adolescentibus sanguinis profluvia maximè vigent, ob id quod, cum corporis incrementum sistatur, plurimus sanguis redundat. Hæc tamen est differentia inter resinam & gummi, quod gummi non statim euellitur donec cō crescat, resina verò cum non concreseat, protinus ex plantis destillans potest euelli: est enim resina succus oleosus & pinguis ad inflammationē propēsus. Inter quam & gummi hoc identidem existit discrimen, quod resina oleaginea quodāmodo est, gummi vero aqueum. Quod experiētia maximè monstrat, quoniam resina igne accenditur, gummi crepitat. Difficile præterea est resinā, & aquam miscere, facillimū gummi & aquam, difficilimū gummi & oleum, facillimū resinā & oleū: quæ experimenta resinæ naturā oleagineam, gummi vero aqueam esse ostendunt. Resinam præterea oleagineam esse cōfirmant ea, quæ Theophrastus lib. 5. de causis plantarum cap. 5. scriptum reliquit, dicens: resinam in arboribus pinguedini in animalibus

malibus correspondere, pinosque ob nimiam
 tedam non secus quam animalia ob pluri-
 mam obesitatem strangulari. Quapropter
 nostri temporis quidam medici naturarum
 rerum ignari merito à Musa reprehendun-
 tur in simplicium examine, eo quod in va-
 rijs compositionibus gummi & oleum mi-
 scent, resinam pariter & aquam: quæ nulla-
 tenus misceri queūt, vt experientia mōstrat.

De euellendis corticibus & eorum differentia.

C A P V T. V I I I.

Corticis quidam à fructibus auferun-
 tur, nonnulli ab arboribus, ac alij ab
 herbarum radicibus, atque earundem
 nominibus appellantur: à fructibus euellun-
 tur cortices citri, malorum punicorum, cu-
 curbitarū. Ab arboribus, decerpuntur cor-
 tices guaiaci, thuris, sambuci, fraxini, à radi-
 cibus detrahuntur capparum cortices, man-
 dragoræ, thapsiæ, pituifæ, & alij huiusmodi.
 Qui omnes non secus sunt ficcandi & repo-
 nendi, atque radices, nec alia peculiari indi-
 gent consideratione, præterquam quod ma-
 lorum punicorum cortices Galeno lib. 6. de
 compo. medicamentorum secundum locos
 capit. i. titulo de mediis pharmacorum

compositione in fine detrahēdos esse iubet, iuxta id tempus quo pūnica mala nondum perfectē matura sunt, nō tamen lōgē à perfectione absint. Arborū cortices decerpēdi sunt illis germinare incipientibus, nam eo tempore facile euelli possunt, ob vberem humorem subtus contentum: quo postea deiciente ægrē diuelluntur, siccescentibus nimirū ipsīs, atq; suis lignis tenaciter adhærentibus. Quæ Theophrasti lib. 5. de hist. plāt. c. 1. est sentētia sic scribētis, Materies omnis quæ decorticāda accipitur, cādenda est quādo arbores ipsę germinare incipiūt, tunc em cortex extricatu per facilis est: quod turgere appellāt, scilicet ratione humoris, qui sub eo cortice cumulari solet, postea inextricabilis redditur, materiesque nigrescit informisq; fit. Hæc Theophrastus. Porro in vniuersū hoc ex Galeno in fi. lib. 6. de simpl. medic. fac. de arborū corticibus scire nosseq; oportet, qđ similem facultatem obtinēt cum suis arboribus, velut & omnes cortices.

De fructuum electione & repositione.

C A P V T. I X.

FRVCTVS autore Theophrasto lib. 1. de histor. plant. cap. 3. ea est plantæ pars, quæ carne constat & semine, quæ vox frequenter pro semine ipso vsurpatur.

Nam

Nam apud Galen. lib. 6. de simpli. medi. facul. fructus vrticæ, & lib. 8. fructus seseleos, fructus similiter maluæ, hyperici, peryclimeni, earundem stirpium sunt semina, de quibus loquitur idem lib. 11. de simpli. medica facul. titulo de ouis, cum dixit: fructus ad generis plantarū propaginem fuisse creatos: in alijs tamen, semina à fructibus nō me diocriter dissidēt, prout distinxit Galenus initio libri secundi. de alimentorum facultatibus, dicens pyri, & mali fructum esse pyrum ac malum, semen autem tria, aut quatuor grana quę in ipsis medijs habent. Idem etiā in ficubus & vuis est dicendum. Etenim fici fructus, sunt ipsi ficus, quod vero in ipso est, semen est fici. Sicut & acinus totius vitis est fructus, solum autem *γρηγορον*, vitis est semen. Omnes tamen fructus diligenti studio sunt colligendi, illi præsertim qui in medicinę vsum reponūtur, cuiusmodi sunt pruna, serica, mala cotonea, myrti baccæ, pistacia, sorba, ficus, punica mala, iuglandes, amygdala, nucleipinci, auellana, passula, camusia, mixæ, mespilla, & alij huiusmodi, qui omnes operæpretium est, vt maturi ex arboribus decerpantur, illis duntaxat exceptis, in quibus ad strictione & repressione est opus, vt sorba, mora, verueres, quos paulum immaturos demetere cōuenit: reliquos
verò

verò omnes exactè maturos nōdum tamen casui paratos euellendos esse, consuluit Auicenna. libr. 2. tracta. 1. cap. 6. Iuglandes tamen amygdala, pistacia, nuclei pinei, & auellanae, non prius ex arboribus decerpantur, quā planè vltimum maturitatis gradum attigerint & ad casum proximam habuerint dispositionem, id autem rectè cognoscitur cum extima inuolucra sponte sua dehiscunt, & arbore cōcussa vnā cum fructibus decidunt: alioqui insolatu contrahuntur & fiderantur. Omnes tamen serena cæli constitutione nō nubibus infestis colligantur. Eo quòd teste Galeno lib. 4. de simpl. med. facul. cap. 12. quicunque fructus statim in prima eorum collectione seu vindemia, per assiduam pluuiam aliena humiditate implentur, quique alio quouis modo humiditatem acceperunt, omnes promptè leui occasione acescunt & corrumpuntur. Collecti Galeni præcepto lib. 3. de compo. medicamentorum per genera cap. 2. in locis siccis reponantur, in quibus aliquandiu sunt asseruandi, vt quicquid humidum & excrementitium est exhallet. Sunt enim fructus omnes virides, teste Galeno lib. 7. de simpl. medicament. facul. titulo de nucibus, pleni semicoctæ humiditatis: cuius causa illi, qui in victum febricitantium veniunt lento igne assari solent. Non
tamen

tamen omnes asseruari possunt, sed illi soli, qui anteaquam putrescant siccantur. Vt auctor est Galen. lib. de bono & malo succo, capit. 5. sunt nanque qui hoc ferre nequeunt, ut per sicca mora, armeniaca, melopepones, & quicunque eiusmodi farinæ existunt, qui prius quam siccescant putrescunt, inter quos nullus persicis fugacior experitur. Nam ut Plinius ait lib. 15. cap. 12. vix gratiam bi-duo retinent, qua de causa cogunt se venundari. Qui vero per annum reponuntur, aut maiori anni parte perdurant, in locis siccis asperginem non redolentibus apponantur, aut super paleas expandantur, aut hordeo vel milio sepeliantur. Fructus porro eligantur bene habiti, foecundi, substantia compacta præditi, in suo vigore lecti, & ex regione legitima aduecti. Optimi etiam sunt corpulenti, & carnem multam ac densam habentes, & exiguo osse constantes, quibus os datum natura est: fugiendi vero sunt leues, rari, rugosi, ex succi, tempore longo tabidi. Vnitate etiam & multitudine, ut Mesues ait, fructus meliores & peiores euadunt. Nā casia fistula cum est singularis, & sola præstantior est: colocynthis vero, & scilla, & cumer agrestis deteriores, virtus enim diffusa remissior est, vnita valentior euadit. Nec ignorare debes, inquit Mesues, rei magnitudinem

Libr. 1. de
re medica.
theore. 1.

dinem & paruitatem, virtutis diffusionem,
& aggregationem facere: ob id colocynthis
magna, est melior, parua, deterior: quia par-
uitas virtutis aggregationem, magnitudo,
diffusionem significat. Et cum teste Aristot.
vnita virtus sit fortior se ipsa dispersa, meri-
to medicamenta maligna, magnitudine, &
pluralitate laudatur, paruitate & paucitate
improbantur, benigna è contrario. Quo fit
vt colocynthis maior & in sua stirpe multis
alijs concomitata, parua & in eadem planta
singulari præstantior censeatur: quoniam
vires malignas & noxias habet dispersas &
diffusas, quas parua & singularis coactas, &
aggregatas possidet. At verò quæ nobis sunt
alimenta aut medicamenta benigna, vt fru-
ctus salubres, & casia fistularis laudantur sin-
gularitate & paucitate, quoniam quem tra-
hunt succum familiaris est nostræ naturæ:
quo fit, vt quanto pauciora & rariora exti-
terint, tanto præstantiora habeantur: quia
ostendant bonæ & proficuae substantiæ plu-
rimum in se continere, sicuti contraria quæ
talìa extiterint, malignæ & deleteriæ. Om-
nes præterea fructus, qui in vetustate repo-
nuntur, Columellæ præcepto in fine capi-
tis 44. lib. 12. de re rustica, cum suis pedicu-
lis legendi sunt: etsi citra arboris noxam fie-
ri potest, etiam cum ramulis, nam ea res plu-

Libr.
par
nim
4. r
gè à

rimum ad perēnitatem confert: eo quod, ob
 continuitatem cum furculis calor illorum
 natiuus in ambientem nos aërem minus ex-
 pirat: ac præterea ex furculis alimēti adhuc
 nonnihil trahentes aliquandiu minus mi-
 nuuntur. In multis etiam huiusmodi pedicu-
 li necessarij existunt, eo quod fructus vnā
 cum ipsis in medicamentorum compositio-
 nes veniunt, vt ex Galeno liquet libr. 1. de
 antidotis capit. 15. dicente: Fructus autem
 qui vnā cum virgulis folijsque calicibus, ac
 floribus in theriacam mittuntur, ij sunt scor-
 dij, nepitæ, marrubij, stechadis dictami, po-
 lij, chamedryos, camepythyos, hiperici, cen-
 taureæ, sunt enim ij quos superiori sermo-
 ne semina etiam diximus appellari. In qui-
 bus vero caro adest, ipsa sola in vsum medi-
 cinæ deuenit, eò quod reliquæ fructus par-
 tes (teste Galeno lib. 9. de simpli. medic. fa-
 culta. titulo de terræ differentijs) terrenæ
 sunt ac siccæ, ofsibus animalium proportio-
 ne respondentes. Licet nonnulli medici cō-
 primere & exiccare volentes, nonnullorum
 putaminibus vtantur, vt glandium, auella-
 narum, ac aliquorum ofsibus, vt palmularū.
 Porro fructus reponi debent sicco & frigi-
 do loco, quo nec fumus nec teter perueniat
 odor. Deinde subtracti sic componi Colu-
 mellæ testimonio debent, vt flosculi sursum
 pedi-

Lib. 12. de
 re rustica
 cap. 45.

pediculi deorsum spectent, quemadmodum etiam in arbore nati sunt: & ne inter se alterum ab altero contingatur. Id etiam eodem Columella docente obseruandum est, ut vnumquodque genus separatim proprijs arculis reponatur: nam cum vnà diuersa genera clausa sunt, inter se discordant & sæpè vitiantur.

De simplicium medicamentorum tritura.

C A P V T X.

TRITVRA est partiũ medicamenti comminutio percussu, vel friatu idoneo inter duo corpora dura facta: quæ non tantum siccis medicamētis, verum etiã humidis ac virentibus adhibetur, quamquã in hoc discrimen existat, quod sicca cribri succussione descendũt, humida verò ac mollia contusa vi coclearis aut rudiculæ per cribrum cernũtur. Terantur medicamenta ob quatuor præcipuas rationes, videlicet, ut promptius ætũ fiant quæ esse potestate dicuntur, & ut in vnum melius misceantur, ac ut aliquam facultatem nouam adipiscantur, quam anteaquam trita essent non habebãt, & ut deniq; vis quædam malefica obtundatur. Hos tres posteriores trituræ vsus docet

Mefues libr. 1. de antidotis capit. de tritura, priorem verò tetigit Galen. lib. 1. de simpl. medicam. facul. cap. 11. & 12. de quibus omnibus hoc loco sigillatim agendum, quantum ad præsentem tractationem conuenit. Primo itaque teruntur medicamenta, vt promptius quod potentia sunt in energiam reducantur: nam quemadmodum ligna minutim cōcisa facile fiunt ignis, quæ verò sunt crassa ægrè incenduntur: ad eundem modum ait Galen. cap. primo lib. 3. de temperamentis, medicamenta quæ potentia sunt calida, quod tenuius sunt trita, eo citius & facilius à nostro calore actu calida euadere, & nos vehementer calfacere. Etenim piperis grana si integra ore contineamus, aut deglutiamus, parum ea & post longum tempus calfacereprehendimus, cum eadem met trita comminuta ac cribrata, linguæ ventriculoq; imposita vehementissimum caliditatis sensum concitent. Atque hinc constare arbitror plurima potestate calida, quemadmodum iuncus odoratus & similia non comminuta, facile ignis flammam nutrire, verum quia à nostro calore comminui non possunt nè exiguum quidē caliditatis sensum in nos posse mouere. Quia quemadmodū Galen. docet, ignis, vt qui omnium est tenuissimus simul & calidissimus & in profundum facile per-

Libr. 1. de
simpli. me-
dicam. facul.
cap. 11.

meat,

meat, & comminuit, vincit, extenuatque, transmutat atque in suam denique naturam conuertit, vndequaque, scilicet contingens, & quod contingit exuperans: at nostra caliditas supra quā, quod crassæ sit essentia, & alituoſa insuper infirma est, vt non facile mutet quod contingit. Ex quibus Galeni verbis infertur, medicamenta potestate calida tenuissimè puluerata promptè actu calida euadere, quia celeriter mutas ea calor in omnes illorum partes permeat illas protinus ad operationem excitans. Nam cum teste Galeno lib. 3. de temperamentis capit. 3. nos calfacere non possint, ni prius à nobis caleſcant, quanto ocysus id patiuntur, tanto citius nos recalfaciunt. Idem iudicium tibi esto in siccis ac potentia frigidis. Nam sicca quo magis sunt comminuta, eò vehementius, ac citius exiccant. Exemplo sunt nobis vsta omnia, quæ vt magis siccent pollinis modo læuigantur, & cribro tenuissimo cernuntur. Frigida etiam nisi comminuuntur refrigerare nō possunt, adeò vt videatur sentire Galenus sola hac partium eomminutione, & aduentitij motus acquisitione, ipsa in actum redigi. Dum lib. 3. de simpl. medicamentorum facul. cap. 20. ait, medicamenta potestate calida alterari eo duntaxat, quod incalescant à nobis potentia tamen frigida,

tum quòd cōminuantur, tum quòd adsciti-
 tium accipiāt motum. Et paulò inferius sub-
 dit. Medicamenta potentia frigida, vt actu
 nos frigefaciāt non prorsus ex se obtinent,
 verum à nobis prius perpetiantur, vt refri-
 gerent oportet, etenim in minuta conteri, &
 aduentitium motum accipere, affectus sunt
 medicaminū. Teruntur secundo medicamē-
 ta ob mīstionis necessitatem, quia quæ te-
 nuissimè trita sunt in compositione melius
 mīscuntur, cum sic partibus suis minimis se
 mutuo contingant: qua ratione promptius
 & valentius inuicem in se agunt & patiun-
 tur, ex qua mutua actione & passione re-
 ctius fermentantur, ac tandem vnam com-
 positi virtutem producant, non aliter quam
 elementa in mīstione in vnam mīsti comple-
 xionem conspirant. Et propter hanc cau-
 sam autore Mesue terendi ratio, theriacæ,
 & mithridato & compositis propè omni-
 bus plurimam affert vtilitatem: nam si teste
 Galeno lib. 1. de simpl. medicam. fac. capit.
 14. corpora rara celeriter ab igne accendun-
 tur, quia profundas omnes eorū partes flam-
 ma vnde quaque contingit, non sine ratione
 partes quæ minimæ sunt cingente eas circū-
 quaque alterante promptè mutabuntur, &
 alterationem patientur. Tertio modo terun-
 tur medicamenta magis vel minus, vt facul-
 tatem

Mesues li-
 bro 1. theo-
 rema. 1.

tatem acquirant à priori diuersam, sic medicamenta exactè trita & in pollinem tenuissimum læuigata efficiuntur vretica, cum tamen prius essent alui deiectoria. Nam quæ tenuissimè sunt tusa, & cribro tenuissimo excreta maximè in totum corporis habitū digeruntur, è diuerso crassiora in ventre hærent, quia angusta venarum ora rectè subire non possunt. Ob id Galen. lib. 4. de sani. tuenda. cap. 7. diospoliticon crassius facit cum aluum per id ducere studet, tenuissimum vero & minutissimum pollinis modò, cum vrinæ mouere affectat. Quæ verba Meues de cumino loco supra citato refert ex Galeno scribens in hunc modum. Confert medicamenti tritura, vt aliquam facultatem nouā adipiscantur: sic Galen. cuminum læuissimè terendo effecit diureticum, quod prius erat deiectorium. Ad eundem modum Manardus in fine secundæ epistolæ libr. 12. Rhabbari tenuissimum puluerem indecocto polypodij, glycyrrhyzæ, & adianti in dysuria bibendum exhibet, ad vitiosorum humorum renes & vesicam obsidentium per vrinæ meatus expurgationem. Quamquam hoc fieri nō debeat nisi cum huiusmodi partes vitiosis humoribus non ad modum sunt refertæ, nam si fuerint per deiectiones, & pharmaca deiectoria κατάρκιναι Græci vocant.

cant non per vrinales meatus euacuari debent, vt lib. 7. method. cap. 13. iuxta finem Galen. docet. Propter eandem per vniuersum corpus expeditam penetrationem species omnes cordiales, vt diarrhodonis, diamargaritonis, trium sandalorum, pariter & cerebrales, & diamusci tenuissimè pulueramus. Etiam si talis trituratione naturæ harum medicinarum summopere aduersetur, omnibus ipsis tenuem contusionem renuentibus, vt post videbimus: pulueres tamē stomaticos, vt aromaticum, rosatum, dianisum, negligenter terimus, eo quòd ipsos ventriculo adhærere & immorari optamus. Ob quem etiam scopum, & quia vim purgatricem habeat, hieræ genera omnia non multum elaboramus, ne ex deiectionibus fiant vretica: quod si Galen. lib. 8. de compo. medi. secundum locos cap. 3. post medium hieram per angustissimum cribrum excernendam esse scribit, dicendum est, id non scripsisse ex propria opinione, sed potius ex ea, quæ Themisonis fuit, loquitur enim de hiera Themisonis. Farinas verò & reliqua emplastrorum medicamenta exactè læuigamus & per angustissima cribra transmittimus: quemadmodum Galen. præcepit lib. 9. de compo. medicam. secundum locos capit. 3. in malagmate ex baccis lauri. Quod duplici ratione fa-

ne facimus, primo vt melius per cutis meatus in profunda affectæ partis loca ingredia-
tur, quod intuens idem Galen. lib. 5. de com-
po. medic. secundum locos, cap. 9. titulo de
dentifricorum compositione, quibus vtor,
præstantius esse dentifriciū autumauit, quā
to exactius simplicia fuerint trita. Secunda
ratione & magis præcipua, vt partibus affe-
ctis citra molestiam imponantur, vt pruden-
ter admodum animaduertit Celsus lib. 5. ca-
pit. 17. sic scribens: Laboriose verò cōterun-
tur ea ex quibus emplastra pastilliq; fiunt,
nè lædant vulnera cum imposita sunt. Vlti-
mo in puluerem mollissimū illa terimus
medicamenta quibus crassius tritis vis no-
xia & malefica inest, vt ea terendo euane-
scat, quod in colocynthyde fieri debere A-
ëtuaris lib. de compo. medicam. titulo de
simplicibus medicamentis purgantibus, &
Mesues titulo de tritura summopere præci-
piunt. Adde etenim, quod vt Mesues ait, si
portiones eius crassiores sensuque perceptæ
sumantur, cum sint spongiosæ, villis ventri-
culi & spiris intestinorum adhærent, humo-
reque inibi reperto imbutæ tument, & par-
tes dictas tumefaciunt, ac vlcerant: quæ ver-
ba multo ante Mesuem à Paulo scripta sunt
lib. 7. cap. 4. in hunc modum, læuigetur au-
tem colocynthis accuratè quoniam asperi-

tates ipsius interaneis adhærētes, vlcera con-
citant & nervos consortij lege afficiūt. Pro-
pter hanc etiam rationem turbit exactè pul-
uerandū esse cum Musa in examine pillula-
rū aggregatiuarū, censeo: nam gummosum
nimis cum sit, partes eius gummi illo tan-
quam glutino quodam ventriculo & intesti-
nis adhærent, & eadem mala quæ colocyn-
this afferunt. Crassius vero teratur colocyn-
this cum in trociscos alhandal est forman-
da, sed ter quaterq; puluerādi sunt trocisci
& formandi, vt ea tandem tenuissime pulue-
retur. Eadem ratio est de metallicis quæ Ga-
leni sententia, lib. 2. de compo. medica. per
genera cap. 2. post principium, diu ex aceto
terenda sunt & dissoluenda, vt citissime cor-
poris meatus subeant, & citra noxam ad pe-
nitiora vsque penetrent, quæ si inter eundū
in via hærent, non sine maximo morbo, &
rosione munere suo fungerentur, & præser-
tim quæ ex his calida sunt. Quomodo hu-
mores corporis tenues faciliè citra rosionem
perspirāt, crassiores verò retenti & obstruē-
tes, grauando, & si acres sunt rodendo vehe-
menter infestant. Scamonium tamen antio-
chenum (quod præstantissimum esse perhi-
bent) etiam si maleficentiæ non exigua sit
particeps Mesue sententia pauca eget tritu-
ra, quia debili textura constat, & virtutem

cito exhalabilem habet. Accedit ad hoc quod, vt inquit Actuarius loco citato & Aëtius lib. 1. sermone 3. cap. 25. læuissimum cum sit facile in corpus abripitur, & omnē in ipso immūditiam commouet, febrilemq; calorem adauget. Qua propter crasso modo tritandum est; vt tantisper in ventriculo immoretur, in quā mora ventriculo non affigitur, nec intestinorum spiris adhæret, quemadmodum colocynthis, eo quòd raram est, atque friabile, & omnis tenacitatis expers: quare cum vno loco nō permaneat, sed quoquo versus feratur exulcerare interna non potest. Quod autem ea quæ loco mouentur nō erodant etiam si mordacitate participēt, testatur Galen. lib. 3. de temper. cap. 3. quo loco hanc, inter alias reddit causam eius, quod quæri posset, videlicet, qua ratione aliqua cuti imposita, vt sinapi, muria, allia, ac cæpe hāc erodūt, ac exulcerāt: intas verò deuorata, hoc facere nō possūt. Quod cum hactenus non intelligeretur, decepit Manardum in annotationibus in Mesuem, & alios plerosque arbitantes scamonium quemadmodū colocynthim læuissimè esse terendum. Teruntur etiam medicamēta magis vel minus pro ipsorum terendorum medicamentorum natura, nam quæ crassa sunt, dura, solida, densa, neruosa, membranosa, fra-

ctu

ctu contumacia, & in centro facultatem habentia diu terenda sunt, si ipsa in puluerem comminuere consilium est: nam interdum hæc minus conterimus, dum ea tantū ad coctionem paramus. E contrario vero non vehementi attritu, sed potius moderato, atque mediocri sunt contundenda, tenuia, rara, friabilia, & facultatem imbecillam, ac superficiali fortita, etiam si læuissimum puluerem requiramus: eò quòd talia violento ictu & nimis diuturno, exanimantur viribusque dissolutis languent, meliori illorum parte in tenuissimum puluisculum abeunte. Adde quod longus attritus corporum durorum, pistilli, videlicet, & mortarij calorem non mediocre in medicamentis quæ atteruntur, vel gignit, vel auget, qui non solum medicamentorum facultatem peruertit, verum etiam si imbecilla est, dissipat, diffflationē illam per prius dictam agitationē excitatam, fouens atque augens. Quam caloris ex attritu corporum durorum generationem, planè indicat farina, quæ ut Syluius ait, ex breuissimo contactu lapidum molarium calida in subiectam arcam decidit. Ad eundem modum quæ ex succis & liquoribus & lachrymis refficcatis proueniunt, ut aloë, myrrha, acatia, quia teste Galeno lib. 4. de compo. medica. per genera. cap. 4. facile teruntur, ac promp-

ptè

ptè in puluerem mollissimum abeunt, non diu nec vehementer sunt læuiganda, ne ipsorum virtus exhalet, ac substantia tenuior euolet, quemadmodum in medicamentis tenuibus & rara facultate præditis vsu venire solet. Cinnamomum autem & casiam etsi omnium æquè calidorum tenuissimam substantiam fortiantur, diu terenda sunt, quia interno cortice multum fibroso & neruoso fractuque contumaci constant. Quo habitu prædita medicamenta, adde etiam duro, denso, solido, crasso, multum diu teri debent sine metu dissolutionis facultatis ipsorum. Nec etiam in talibus medicamentis verendum est calorem extraneum ex multa tritura adiscere, quia hic non solum nõ obest huiusmodi medicamentis, verum etiam mirum in modum prodest, ea impensius attenuando. Quod animaduertens Galen. lib. 6. de compo. medicam, per genera. cap. 2. & lib. 3. capit. 3. nonnulla in sole terit, vt æris squamã, mannam thuris, alumen fissile, eruginem, calcithim, calcanthum, & similia. Ex multa enim tritura in sole quidpiam vstioni simile à Sole rebus ipsis accedit, licet calorem igneum non assequantur. Pharmaca etiam adstringentia, atque terrestria, vt galla, mallicorium, & thus, quia in profundo virtutem habent, & crassa sunt essentia prædita mul-

multam efflagitant contusionem, nisi forte inter ipsa aliqua sint friabilia, vt balauſtia. Præſertim vero tenuiſſimè ſunt pulueranda quæcunque ex iſtis cum tenuibus & diſcuſſorijs medicamentis permilcentur, vt id quod affectis partibus influit repellatur, vel alterius cuiuſpiam vſus gratia. Eò quod talia Galeni ſententia lib. 2. de compo. medica-
men. per genera cap. 16. niſi elaborentur tri-
tura quoad vſque in puluerem redigantur
tenuiſſimum, ijs quæ trahendi, ac digerendi
vim obtinent noxam magis quam præſidiũ
ſunt allatura. Ad eundem modum & metal-
licis omnibus, quia terreſtri conſtant ſub-
ſtantia, & ob id craſſarum partium exiſtũt,
Galenĩ decreto lib. 2. de compo. medic. per
gene. cap. 2. poſt principium, & lib. 3. eiuf-
dem cõmentationis cap. 3. tenuitatem com-
paramus: ſubigentes diu in Sole æſtiuo cum
aceto vetuſtiſſimo, atque acerrimo, vt in
profundum corporis, & ad punctum ner-
uum penetrare poſſint, atque vt partibus
acuto ſenſu præditis ſine moleſtia ſint oc-
cuſſura, quod in omnibus medicamētis quæ
ex lapidibus componuntur, atque in aſpe-
ris, & mordacitate conſtantibus perpetuò
eſt obſeruandum: quemadmodum Galen.
lib. 13. metho. cap. 22. ijs docet verbis. At ve-
ro exquiſitus membri ſenſus leue eſſe quod
inijciẽt

inijciendum nihilque debere in se asperum, fabulosumvè habere omnino indicat, hinc igitur excogitatum commodè est, tum humido oui vtendum, tum quæ terrea corpora ophthalmicis, id est, ocularijs medicamentis miscenda sunt, ea esse cum summa diligentia ad vnguem læuigāda. Quam sententiam lib. 9. de simpl. medicam. facult. titulo de pyrite lapide confirmat in hunc modum scribens. Cæterum vbi in vsum vocantur lapides admodum vehementer contusi, atque ad læuorem redacti sint oportet. Similiter, atque ea quæ in ophthalmicas facultates admiscentur. Etenim nisi pollinis instar comminuantur, adeò vt in profundum corporum quibus applicantur subeant, assimiles manent istis marinis, & fluuiatilibus arenis, quæ & ipsæ communem omnium lapidum vim possident. Rhabarbarum itidem quod optimum est, quia id graue, ac purum existit, nec virtutem superficiariam habet, ob prius expositam causam, exacta tritura vegetius, ac vigorosius euadit: quemadmodum scripsit Meues, quo loco etiam ait, raro ac laxo contrarium euenire, taleque impensius pulueratum vim purgatricem propè omnem amittere. Verum dicet, opinor, hic aliquis si optimum rhabarbarum exactius terendum est, sequitur omne tale pro-

tinus

tinus fieri vrinæ prouocatoriū quemadmodum supra ex Galen. Mesue, & Manardo fuit manifestum. Cui respondendum est diuerso modo contundi rhabarbarum cum stademus aluum deijcere, ac cum volumus vrinas prouocare, siquidem cum illud deiectorium paramus nihil aliud molimur, quam id in æneo mortario quot satis sit contundere, cum tamē optamus vrinam multam prouocare non hoc solum sufficit, sed postquam abundē sic tritam est, oportet illud tenuibus cribris secernere, ac mox etiam denuò exactē læuigare, ac denuò per alia multo angustiora cribra transmittere. Quod præceptum in herbis & radicibus, ac omnibus alijs medicamentis quæ in tenuissimum pollinem sunt redigenda obseruat Galen. lib. 3. de compo. medicam. per genera cap. 7. Obseruandum etiam est non solum in hoc rhabarbaro verum etiam in omnibus ferē aridis medicamentis ne dum conteruntur puluisculus quisquam ex eis in ambientē nos aërem euolet, quod fieri prohibebimus si semina cucurbitæ, aut melonis vetustate oleaginea, aut oleum paucum dulce, vel amygdalarum dulcium, aut omphacinum (si res quæ contunditur adstrictionem magis exposcerit) miscuerimus. Hæc enim non modo virtutem ipsorum exhalare & in polli-

nem

nem tenuissimum euolare prohibent, sed etiam succos & alias tenaces ac viscidas medicinas (si quæ fortè contunduntur) mortario adhærere non permittunt. Adde quod trituram faciliorem & commodiorem reddunt. Qualem vim Galen. opobalsamo tribuit. libr. 1. de antidotis cap. 15, in terenda theriaca. Iubens imas rutabuli partes opobalsamo frequenter inungere, atque opobalsamum ipsum hac vna in re totū absumere.

De simplicium medicamentorum coctione.

C A P V T. X I.

COCTIO medicamentorum quemadmodum aliarum rerum, teste Aristot. cap. 3. quarti libri, methewo. elixatione fit & affatione, medicamentorum tamen coctio magis elixando fit, minus verò affando: in præsentia tamen de ambabus agendū est, ab elixatione exordio sumpto. Coctio itaque, prout elixationem significat, nihil aliud est quam aliquorum simplicium virium in aliquem liquorem ebulliendo receptio: qua inquam elixatione simplicia coquantur, ut stirpium, ac animalium partes, quemadmodum & terrea omnia: interdum & integra animalia, ut viua vulpes

E in oleo

In simplic.
examine.

in oleo ad oleum vulpinum conficiendum. Metalla tamen propriè coctionem non admittunt, quia etiam si decies coquantur vim suam in liquorem, in quem ebullierint immittere non possunt, nec in substantia alterationem pati: nihilominus tamen in ipsis decoctionis vocabulo abutimur. Nam aurum quandoque ebulliri iubemus & coquidicimus, cum tamen verè non coquatur, nec liquori in quo ebullierit vim aliquam medicamentosam largiatur. Atque hinc factum est, ut Musa de quibusdam medicis summo-
pere admiretur, qui ut vires animales ægris augeant, & cor ut dicunt roborent ac exhiberent, aureas monetas inter capones decoqui iubent: ex quibus, eius opinione, nihil aliud absumitur quam multarum manuum sudor quæ ipsas tractarunt eis in hæres. Liquor in quo medicamenta ipsa coquuntur magna ex parte aqua est: eaq; vel simplex vel cõposita: simplex item ut pluuia, vel fluuia, vel fontana, vel destillata: cõposita verò est bituminosa, sulphurea, aluminosa, salsa, marina, ad hanc etiam reducuntur lixiuium, lotiũ, vinum, acetum, mellicratũ, butyrum, lac, interdum vero liquores duo, aut plures ad coctionem permiscetur, pro variis medicorũ scopis. Ignis coctionis autor sit purus, clarus non turbidus, aut fumosus, nec ex lignis aut carbonibus.

carbonibus semiustis, & qui terreā facultatem nondum exhalarunt cōtractus. Quem admodum Galen. docet lib. 7. de compoſi. medic. ſecundum locos cap. 2. poſt princip. & 4. de ſanitate tuenda cap. 6. quibus locis præcipit coquere medicamenta ad prunas, hoc eſt, ad mollem & non fumantem ignem. Fumus nanque medicamentiſ omnibus que coquuntur, ſed præcipue pectoralibus ſumopere eſt infeſtus: eo quòd alienam qualitatem rebus coctis imprimat, atq; eiſdem inſuauitatem conciliet. Quod fieri prohibebimus ſi ignem lignis odoratis atque aridis, vel vitium ſarmentiſ aluerimus. Quibus materijs nutrito igne viperas Galen. cōcoquit. 1. de antidotiſ cap. 8. pro paſtillis viperiniſ coquendiſ. Studet enim ſemper Galen. vt igniſ qui medicinæ vſui in ſeruire debet puruſ ſit, & ex ἀκαπυα materia accendatur, nō ſolum in illiſ medicamentiſ coquendiſ quæ intuſ ſumuntur, verum etiam in eiſ quæ exteriſ admoventur. Nam lib. 1. de compoſi. medic. per genera cap. 5. de emplaſtriſ quæ ex argenti ſpuma præparantur verba faciendiſ inter alia ſic ſcribit. Cæterum obſeruato ne coctionem ligniſ aut carbonibuſ peruri incipientibuſ moliariſ, nam fumuſ eiſ facile nigredinem conciliat. Peruſtiſ igitur antea carbonibuſ cum exacte ardent, tunc coctione

auspicari. Quod si illam per hos absolui nō valebit, in alio foco simili modo carbonibus præparatis cacabum superponito. Hæc Galen. Nec solum ignis impurus, atq; fumosus medicamento facilè nigredinē, ac in suauitatem conciliat: verum etiā eidem malignā quampiam, & venenatam qualitatem impingit. Quo fit vt (quemadmodum Galen. est autor lib. 7. de vsu partium capit. 8.) ex carbonum extinctorum quodam odore aliqui moriantur, & lib. de vtilitate respirationis cap. 4. ab extinctarum prunarum foetore nos suffocari scriptū reliquit. Ignis porro coquens pro natura & facultate coquendorum medicamentorum temperandus est, ita vt sit primū blandus, & paulatim si res postulat intendatur: coctioni enim vehemens & repentinus nocet, quod vrat, non concoquat, & facultatem medicamentorum dissipet, vt diligentissimus Mesues lib. 1. de antidotis capit. de coctione dixit: quod in electuario rosato observauit lib. 3. iubens illud flamma lenta coquere, quemadmodum, & syrupos propè omnes blando igne coquit. Instrumenta coctionis sunt multi generis vasa, aurea, argentēa, ænea, stannea, ferrea, cuprea, plumbata, stannata, vitrea, atque terrea. Sed hæc bene cocta sint necesse est: quia quæ exactè penitusque cocta nō sunt, vt ait

vt ait Galen. lib. 4. de sanitate tuenda, cap. 5. lutosâ potius quam figulina existunt. In vase lapideo citra cōdita & miuam simplicem coquit Mesues, & Galenus libr. de theriaca ad Pisonem capit. 13. in vase testaceo vyperas coquit, & libr. 3. de compo. medicamentorum secūdum locos cap. 3. titulo Lampo- nis ad Ozenas, & lib. 6. cap. primo, titul. stomachicū ex malis punicis Andromachi, mala punica in vase æneo coquit, atque in eodem stannato Nicolaus Alexandrinus coquit Diamorum. Ætius lib. 2. sermone. 3. capit. 99. in vase ferreo coquit collyrium. Ad- uertendum tamen summa diligentia est, vt omnia medicamenta acida aut acetum susci- pientia in terreis vasis probè coctis & stannatis coquantur. Quod si Nicolaus Alexan- drinus oxifaccarum & oximellitem coque- re iussit in vase æneo stannato, non ob id fe- cit quia fictilia stannata cognita suo tempo- re non fuerant, vt putarunt nonnulli: quo- niam eorum Haliabas, Nicolao Alexandri- no multò vetustior libr. 10. practicæ cap. 3. ad medicamentorum repositionem mentio- nem fecit: sed potius, vt ego arbitror, quia- fusus erat stanni præstantia: quòd vt lib. 34. cap. 17. Plin. scribit illitum æneis vasis sa- po- rem gratiorem facit, & compescit æruginis virus, qua de causa ærea vasa stannabantur,

qui mos in omnibus cupreis aut æneis vasis
 medicamentorum coctioni aut destillationi
 deferuiantibus perpetuo est obseruandus,
 illis dūtaxat exceptis, in quibus oculorum
 colleria, aut coquenda, aut destillanda, aut
 adseruanda sunt, quæ stanno debent carere,
 vt ex viridi æris oculis accommodo aliquid
 medicamento affricetur. Quod obseruauit
 Dioscorid. in præfatione, ocularia medica-
 menta æneis, aut cupreis vasis recondere iu-
 bens. Veruntamen licet hæc vera sint, tutius
 est prædicta acida medicamenta, aut ace-
 tum suscipientia in vasis fictilibus probè co-
 ctis & stannatis coquere, eo quod cocta in
 metallicis ferruginem quandā referunt, quæ
 medicamentorum facultatem vitiat: terrea
 vasa, quæ nostro hoc tempore medicamen-
 torum coctioni deferuiunt, cuncta plumbā-
 tur & stybiantur, in quibus licet plumbum,
 & stybium adeo tenacissimè adhærent, vt
 vix atteri, aut euelli queant, tutius tamen
 meo iudicio erit, vt vasa eadem stannentur
 sine miscela aliqua plumbi, aut stybij. In qui-
 bus fictilibus vasis benè stannatis, olea & vin-
 guenta sunt coquenda, eo quod in metalli-
 cis si coquantur excedentem sibi asciscunt
 calorem, ex quo fit, vt frigiditas frangatur
 in frigidis, in calidis caliditas intendatur. Vi-
 trea omnibus essent accommoda, ac præ om-
 nibus

nibus venirent laudanda, ni facile frangeren-
tur, sicuti picata maximè sunt vituperanda,
tanquam nullo medicamēto coquendo vsui
existentia, qua de causa abigit ea Galenus
in fine. 10. libr. de compo. medic. secundum
locos: quemadmodum plumbea tanquam
omnium nocentissima lib. 1. de antido. cap.
8. censet esse vitanda. Cuius maleficientiæ
argumentum est non exiguum id quod se-
ptimo libr. de compo. medic. secundum lo-
cos cap. 2. titulo confectio ex capiribus pa-
paueris, ipse scriptum reliquit, videlicet, a-
quam per plumbeos canales deriuatam dy-
senteriam facere. Coquuntur interdum me-
dicamenta in diplomate, hoc est, in duplici
vase, id autem est (autore Galeno libr. 7. de
compositione medicamentorum secundum
locos cap. 2. titulo arteriacæ, à Critone con-
scriptæ, & 4. lib. de sanitate tuenda cap. 8. &
lib. 3. de compo. medic. per genera cap. 5. &
capit. 8. in fine. & libr. 8. methodi capit. 5. in
principio) cum in lebetes, in quo sit aqua fer-
uens inferitur exiguum vasculum pharma-
cum concoquendum in se habens. Ad quem
modum iubet olea & vnguenta omnia, &
arteriacas compositiones, & ad hæc propo-
lim, ceram, resinam, ladanum, seuum, atque
chaluaniū coquere, qui modus hodie à se-
plasiarijs ob negligentiam ac auaritiā, non

vsurpatur, coquentibus prædicta medicamenta in vasis simplicibus, quo fit, vt resoluta, vsa, atque euanida reddātur. Adde quod olea simplici vase cocta assequuntur odorem tetrum & ingrātū, & quæ frigida sunt, naturam frigiditatem remittunt, quæ verò sunt calida calorem intendunt. Coquuntur medicamenta multis rationibus, videlicet, vt quorundam vires imbecillas augeamus, quod fit in coctis simul his quæ sunt valentiora, vt aloë in malo cidonio simul cum scamonio cocta euadit purgantior: & vt valentiores minuamus, sic omnia acria decocta fiunt meliora, horum enim vehementiam, si qua inest coctio frangit, qua de causa porra, & allia cocta in aqua acrimoniam remittūt, & vsui apta fiunt, vel vt alienas ac venenosas in totum demamus, quod sæpè fit, nonnunquam solis ipsis incoctis. (quia vt Mesues ait coctio ipsa per se humorem excrementosum coquit, flatus resoluit, vapores mordaces ad nauseam ventriculum euertentes dissipat, atque eorundem acrimoniam, motus in corpore molestos, vim deniq; valide serrantem, excoriantemque frangit) interdum vero coctis vnà cum alijs, atq; oppositis. Sic Galen. libr. de theriaca ad Pisonem cap. 10. viperas cum anetho, & sale elixat, vt facultatem ab eis venenosam demat.

de cun -

Ad eundem etiam modum ellebori radices, raphani radicibus transfixas inter cineres assandas imponimus, vt raphanus ipse pariter & radices purgent mitius quam elleborum ante coctionem: cuius rei Galen. meminit lib. quos purgare oportet. Ad quem etiam modum idem Galen. in procemio ad libros de alimentorum facultatibus scamoniū malo cidonio circumdatum in clibano coquit, vt clemētius, atque mitius purget. Coquuntur etiam quædam medicamenta, vt facultatem à priori oppositam, nanciscantur, cuius rei testimonium exhibet brassica, quæ autore Galen. lib. 3. de simpl. med. facul. cap. 15. modicè excocta ventrem subducit, diutius vero percocta eundē adstringit. Quod multò aliter ab Aristo. acceptum est lib. 3. problem. problema. 17. dicente, medicos ea in plenum excocta ad alui vehementes deiectiones fuisse vsos, quam rem præter Galen. ni auctoritatem arguit etiam experimētum, siquidem compertum est, quod si plurimū excoquatur ventrem cohibet. Idemque debeta, lente, conchularum, ostreorum & veterum gallorū carne, loco præ citato censet Galen. omnia enim hæc in prima coctura subducunt, & multo magis si cum suis iuribus deuorentur. In secunda vero iure prioris abiecto, aut ipso diutina ebullitione ser-

uato astringunt. Animaduertendum est non solum in prædictis simplicibus, verum etiã in alijs omnibus quibus liquor nouus consumpto priori est affundendus, vt secundus semper calens affundatur: cauendumque admodum est ne aërem aut aquam frigidam medicamentum quod excoquitur attingat, nam planè tabescet, & percoqui amplius non poterit etiam si diutissime coquatur. Quæ Galeni est sententia 2. lib. de alimentorum facultatibus titulo de brassica. Multa etiam coquuntur sicut saccharum atq; mel, vt coctione, ab spumea, & excrementitia substantia expurgentur: ignis enim, vt calida cætera, homogenea congregat etereogenea disgregat. Rursus alia coquuntur, vt diu seruari possint. veluti suillæ pinguedines, aqua à seplasiarijs Ianuario mense coqui solent, vt citra raucedinem reponantur, vnguentum rosato Maio mense componendo, sic etiã electaria, vnguenta, cerata, emplastra, eclegmata, sapas, atque syrupos coquendo siccamus, donec hæc omnia crassam assequeuta sint consistentiam, vt seruari ad vetustatem possint: cum tamē apozemata, fructuum, ac enematū decoctiones alizque ijs similes, eò quod tenues & liquidæ existant, breui corrumpantur sic, vt per octo tantum dies ad plus citra corruptionem perdurent. Quæ enim

enim minus cocta sunt licet quo sunt liquidiora eo sapidiora, ac gratiora existant, minus tamē diu seruari possunt, vt oximel Galeni, potu, multò incundius est, quam quod officinis ad mellis crassitudinem paratur, veruntamen parum durat, nam in aëre calido vix dies quatuor integrum seruatur, liquidum tamen, ac tenue præter hoc quod potu suauius est, etiam in febribus nullo caloris metu bibi potest, vt censet Galen. lib. 8. metho. ca. 3. in medio, quæ dos ad mellis crassitudinem cocto pharmacopolarum oximel-
liti per se non inest, veruntamen sic coquitur, vt diu possit seruari. Diamorum præterea cum melle coquitur donec absumpta humiditate excrementosa putredinis effetrice seruari in annum possit, quod mel solum citra idoneam coctionem succo mororum præstare non potest. Coquuntur denique medicamenta, vt melius inter se permisceantur, atque ex omnibus etiam facultate diuersis, ac sæpe contrarijs, facultas vnà con-
crescat, & coalescat, qui vsus compositis medicamentis propè omnibus quæ coquuntur est communis. Coctio item omnis facienda est pro coquendorum substantiæ ratione, si quidem coctionem non sustinent omnia æ-
qualem, sed quædam debilem, alia valentem, alia mediocrem, qua de causa aliqua pa-
rum,

Primum.

Mesues li-
bro 1. theo-
rem. 1.

rum, alia plus, alia plurimum sunt coquenda : quæ omnia theorematibus nonnullis fient manifesta. Omnia enim virtutem citò exhalabilem maximèque resolubilem obtinentia parum diu, nec valenter excoquenda sunt, quod virtus eorum à coctione immodica facile euanescat. Virtus facile resolvitur vel quia imbecilla est, aut admodum tenuis, vel in superficie posita, vel quia in subiecto raro consistit: his verò contrario modo affecta medicamenta diu coquenda veniunt, talia autem sunt densa, crassa & in centro facultatem habentia. Cognoscemus autem medicamentum, virtutem facile aut difficulter resolubilem obtinere hoc experimento, si manibus id contrectauerimus, & post modicam contrectationem odorem proprium amiserit, vim in superficie, aut in subiecto raro obtinere indicium est: si verò manibus contrectatum medicamentum, quanto magis id patitur, tanto vehementius proprium spirat odorem, suas habet in profundo vires easque ad modum firmas. Quod exemplis facile innotescet, si enim ozimi folia modicè manibus tractemus odorem prorsus deperdunt, similiter etiam si violas per manus modicè ducamus odorem brevissimè amittūt, & nescio quid herbarei redolent, si verò lauri, vel citri, vel nardi folia pertractemus, quanto

quanto magis id facimus, tanto magis odorem proprium respirant. Vnde facile colligemus ozimum & violas, suas habere in superficie vires, easque multum languidas: spicam vero, laurum & citri folia in centro, atque admodum firmas. Simplicia præterea quæ terrea substantia non attenuata, & styptica quatenus styptica sunt insignita, maiorem ferunt decoctionem, minorem verò, quæ aquam, minimam verò quæ aëream. Non temerè adiectum est in stypticis quatenus styptica sunt, rosæ enim absinthium, rhabarbarum, aloë, mirabolani, quia vnà cum styptica substantia amaram facultatem in superficie habent & eam purgatoriā, ac faciliè exhalabilem, minorem ferunt decoctionem quam styptica substantia postulat. Rursus glutinosa pingua, adstringentia, & quæ integra coquantur, plus ebulliri debent quam friabilia, non pingua & in minutas partes distincta. Insuper quæ mel liberalius accipiunt vt lib. 4. de sanita. tuend. cap. 7. iuxta finem, docet Galenus, coqui largius postulant, eò quod multum mel multam egerit spumam, & eò vsque coquendum est donec omnem spumam euomerit, quod non nisi multa coctione & longo tempore euenire comperitum est, propter eandem causam, quæ (auaritia forte seplasiarorum) vitiosum mel suscepe-

Secundū.

Tertium.

Quartum.

Quintum.

Sextum.

ſceperunt, quemadmodum in eodem libro cap. 6. habetur, coqui diutius debēt: & item quæ paucum & optimum mel ſuſcipiunt ſi ijs parantur, qui mel & dulcia cætera auerſantur: nam eo pacto, vt ait Galen. c. 7. præcitatō minus eſt dulce & minus ſtomachū eorū, qui à melle naturaliter abhorrent ſubuertit. Ad hæc odorata quatenus odorata ſunt minus decoctionē ferūt quā non odorata: diximus quæ odorata ſunt quatenus odorata, quia quæ in profundo vires ſuas ſitas habēt aut fortem partium ſuarum miſtionē, vt chamemalū & ſchinanthū decoctionem medio crem ferre poſſunt. Fœtida diutius ebullire oportet, modo non exigatur fœtor in affectus qui medetur curatione, vt in vteri affectibus ac præfocationibus. Præterea quæ lubricando purgant, vt manna, caſia, thamarindi, pruna, Meſue ſententia, coctione nō admodū iuuantur, quare parū coquenda ſunt, ne vis eorū lubrica perdatur: quæ vero purgant cōprimendo, vt rhabbarū, mirobolani, aloē, roſæ, ſi purgatoria volumus medicamenta parū diu coquenda ſunt, nam coctio multa, vim eorū purgatricem ſuperficiariā, ac parum firmiter in his raris corporibus miſtam facile diſſipat. Si vero hæc aſtriſtoria optamus, diu ebullienda veniunt, vt diſſipata vi purgatrice terrea & aſtringens valida rema-

remaneat. Hoc tamen in decoctionibus maximè obseruare oportet, q̃ medicamēta quę multam tolerant decoctionē, & nō nisi longo tēpore coqui possūt in decoctionis principio sunt immittenda, quę mediocrē in medio, quę verò exiguam in fine. Multā tolerant decoctionē, atq; ob id initio decoctionis ponūtur polypodiū, hermodactylus, aristolochia, atq; radices propè reliquę, quę omnes concisę vel cōfractę immitti debēt. Vnde etiā cum eis, aut paulò post conijciuntur ebanū, spartę, parrillę sarmenta, ac cętera ligna, nisi sint aromatica vt agalochū, fantala alba, aut virtute imbecilla, & superficialia constantia. Inijciuntur præterea cum his radicum, & arborū cortices, vt capparorū, guaiaci, dum modo in superficie vires nō habeant. In principio etiā decoctionis ponuntur lapides (exceptis pretiosis) ponūtur etiā metalla, quia durissima sunt & coctū difficilia, quod si Galen. lib. 2. de cōpo. medic. per genera capit. 7. iuxta calcem in emplastro mellino eruginem immittere iubet in fine decoctionis cum iam cacabus ab igne propè modum est auferendus: dicendum est hunc esse casum particularem, quemadmodum cum in emplastris viridibus crudam æruginem ponit solius coloris gratia. Prædictis omnibus coqui iam cæptis semina sunt iniicienda,

cienda, regula tamen vniuersalis non est, quia sunt quæ ante, & alia quæ post immituntur, ante initio, videlicet, decoctionis ponendum est hordeum, eò quod teste Galeno in fine commentarij 18. primi de ratione victus in acutis non nisi longo temporis tractu coqui potest, aliàs enim flatuosum nimis non esset. Post & in fine coctionis injiciuntur semina frigida maiora nimirum cucumeris, cucurbitæ, peponum, citruli, eò quod Mesue sententia substantiam tenuem languidam ac vreticam fortiuntur. Hordeum cum ptisana componitur, integrum est ponendum, vt ex Galen. liquet libr. 1. de alim. facul. titulo de hordeo, quo loco cocos Romanos reprehendit, propterea quia hordeum in mortario contundebant ex quo erant ptisanam paraturi. Post semina, herbæ siccæ parum concisæ, etsi crassiores sunt confractæ immittantur, deinde virentes minutim incisæ, aut confractæ ipsas manibus contorquendo: excipiuntur adiantum, epithymum, quæ teste Mesue paucam sustinent decoctionem, hoc tempore ponuntur fructus exossati, ac semine purgati, & incisi, vt ficus, vux passæ, pruna, mixæ, serica. In decoctionis fine ponuntur flores propè omnes, vt stæchadis, borraginis, violarum, quia aut nullam, aut exiguam admodum coctionem

nem

nem patiuntur. Ob id olea quę ex floribus fiunt, insolantur, nõ coquuntur, & quę ex floribus validā odoris gratiā obtinentibus, vt rosis & chamemalo constant, pluribus diebus insolantur, quę verò ex inualidioribus, & facile diffilabilibus, vt lilio & violis patetioribus, ne virtus eorū euanescat: flores enim coctura facile exanimantur, quare postremi in decoctione sunt iniijciendi. Verū chame malum licet tenuis sit essentia, quia tamen fortē habet facultatis mitionē aliquantulū coqui potest. Sub finem identidem iniijciuntur succi siccati, gūmi, resina, vt aloē, thus, myrrha, mastiche, sub quod etiā tēpus mitti debent crocū, macer, cinnamomū, castalignea, & alia omnia aromatica medicamēta. Quod claris verbis voluit Galen. libr. 2. de compo. med. per gen. cap. 7. dicens. Postea verò si emplastrū, vel thus, vel myrrhā, vel aloēm capiat hæc iniijcienda sunt cum medicamētum ab igne tollitur, vtpote coctionē non ferentia. Quam sententiam lib. 6. de cōpo. med. secundū locos cap. 1. titulo de mediocorū pharmacorū cōpositione his confirmat verbis. Myrrham verò & crocū melius est in fine cocturæ iniicere eo vsq; cū alijs coquendo aut olla in terram posita mouendo, donec omnia probè vniantur: amplior autem coctura ipsorū destruit facultatē

aromaticorum medicamentorum. Et paulò inferius titulo decoctio pharmaci ex malis punicis, subdit, tēpus autem indendi ipsa non est principium, sed vbi propè perfectè coctum fuerit pharmacum, aut etiam penitus coctum olla iam in terram posita: sunt autem hæc, costas, amomum, & quod macer appellatur. Et iterum in eodem titulo de mediorum pharmacorum compositione citato, sic ait. Spuma argenti equidem & plumbago, atque alia multa metallica per cocturam meliora fiunt: crocus autem & myrrha, multaq; alia aromata in decoquendo vires amittunt. Nec tamen huic sententiæ aduersatur ipse in fine libri. 6. de sanita. tuend. in diacidonio zinziberem & piper post modicam coctionem & legitimam de spumationem imponens, & deinde ad melis crassitudinem coquens, quia piper aroma non esse elicitur ex eodem Galen. lib. 9. de compo. medic. secundum locos capit. 4. post principium. & parum ante titulum de colicis pharmacis ab Andromacho conscriptis in cōpositione Philonis Tarsensis, dum ait ex aromaticis appellatis medicamentis Philonem solam nardum inieciisse, innuens piper & reliqua medicamenta, quæ Philo ipse suscepit aromata non esse: licet hunc cōponendi modum non perpetuò Galen. obseruat,

feruat, siquidem libro. 8. de compo. medic.
secundum locos capit. 4. iuxta finem in eo-
dem diacidonio, zinziberem & piper ari-
dum inspergit postquam malorum coto-
neorum succus cum melle & aceto coctus
ad lentum ignem Attici mellis crassitudinē
acceperit: censeo quē parum referre zinzibe-
rem, & piper (etiam si aromata esse fatea-
mur) in hoc diacidonio & similibus crassis
medicamētis in media coctione iniicere, co-
quod à succorum tenacitate amplexantur,
ac fortiter retinentur sic, ut etiam si perfi-
stat coctio euanescere non possit. Longè à
medicamēti, ab igne, separatione anteaquā
planè refrixerit iniiciuntur moschus, amba-
rum, caphura, lapides pretiosi, pulueres, aro-
matici & cordiales. Quia in medicamentis
quæ igne coquuntur maior calor quam te-
pens, vehementior vè quam is qui ex attri-
tu corporum durorum gignitur, talium me-
dicamentorum vires dissipat. Quapropter
hæc aromata teruntur quidem quāquam mi-
nus quam alia, non autem coquuntur, sed
reliquis iam dudum ab igne depositis ac te-
pentibus miscentur. Finis & terminus co-
ctionis cuique medicamento est saus, citra
& ultra quem medicamentum est deterius,
quem tunc primum consequetur cum sco-
pum nobis propositum attigerimus, ut si

medicamentum coquimus ad vires eius minuendas vel abigendas, si quantum satis est minuiamus, aut abegimus scopum propositum iam sumus consequuti & conuenienter coximus: quæ methodus in alijs scopis teneri debet. Coctionis terminus in syrupis est cum lentore tenaci & crasso incipiunt filum facere, siue cochleari effundatur paulatim, siue inter digitos eius portio tractetur, vel cum marmori, aut vngui imposita eorum gutta concreta manet nec aquæ modo diffluit. In emplastris verò coctionis terminum expectat Galen. lib. 1. de compo. medica. per gene. cap. 4. post princip. & lib. 4. capit. 13. & lib. 5. cap. 15. & lib. 7. cap. 10. cū digitos à tactu non inquinant adhæsu tenacissimi. In alijs coquimus ad dimidias, vel ad tertias, vel ad quartas, coctio ad dimidias dicitur ad dimidiæ partis consumptionem, vel donec pars dimidia superfit, coctio ad tertias est cū ex tribus partibus vna est absumpta, sicuti ad quartas cum vna ex quatuor. Nonnunquā tamē Galen. hunc scopum neglexit, vt in diacodio lib. 7. de med. compo. secundum locos cap. 2. titulo confectio ex capitibus papaueris, dicens in coctione capitum papaueris terminum cocturæ esse non vt tertia, aut quarta, aut aliqua alia aquæ pars absumatur, sed vbi primum in totum flaccida:

flaccida fuerint facta: & consequenter ait: succum enim ipsorū exprimere volumus, quod abundē sufficiet ipsis flacidis factis. Ad eundem modum capita ranarum ad oleum ranarum, lumbrici ad oleū lumbricorum, vulpes ad vulpinum, viperæ ad pastillos theriacos & ad oleum viperinum coqui debent, donec ipsa coquēdo in aqua tabida reddantur. Lib. 6. de sani. tuend. cap. vltimo. in stomachicis emplastris scopum coctionis statuit Galen. mellis aut sordium crassitudinē, quem alibi plerunque in alijs sumendis obseruat. Atque hæc de coctione dixisse sufficiant, coctionem enim clariorem reddet trituræ cognitio, proinde si quid in hac parte deficere videatur ex præcedenti capit. cognosci poterit, nec identidem repetendum est nè de re eadem frustra bis agamus.

De assatione. CAPVT. XII.

Assatio (teste Aristo. cap. 3. libr. 4. methodicorum) coctio est quæ ab arido alienoque calore perficitur, ea verò quæ medicamentis adhibetur potius absumptio quam coctio existit, quia ipsa magis cōsumit humiditatē excrementosam quā crudam concoquat. Porro medicamentorū, quæ assantur prunis, alia subcineribus, alia.

in clibano, alia super clibani testudinem: & hæc omnia vel nuda vel instrumento frixorio (quod sartaginē vocant) vel patella ignita, vel testa superposita, vel noua olla conclusa. Galen. lib. 4. de compo. medic. secundum locos. cap. 6. cadmiam cypriam affat, primum eam ad pollentæ magnitudinem cōfringit, deinde Attico melle subactā in vas fictile ore obturato, ac luto circum lineto conijcit: foramine iuxta medium oris facto, vt id quod affatur transpiret: ipsum vero vas intra prunas erectū statuit, & prunis succensis vrit, atque vbi. exignitum vas fuerit exhalationes per foramen elatas animaduertit, nam si nigriores efferantur amplius vrit, cum tamen albidiores apparent affationem sufficienter factam putat, ablatoque vasculo & dempto operculo affatum medicamentū eximit. Et licet medicamenta quæ affantur pauca admodum sint non tamen ob paucos vsus affationem patiuntur: siquidem affantur interdum (Mesuē testimonio in fine tituli de coctione) vt eorum vis per ignem augeatur quo pacto scilla affata vehementius purgat, cō quod per affationem acrimoniam vehementiorē defumit humiditateque ipsam obtundebat absumpta. Nam vt 4. de simpl. medic. facult. cap. 8. Galen. scribit, cuiusque saporis vi-

res aquea retundit, atque hebetat humiditas. Qua de causa idem lib. 9. de compo. medic. secundum locos cap. 2. titulo pharmaca potabilia ab Asclepiade ad splenem, scyllā assat pro lienosis: efflagitantibus lienis affectionibus fortiora medicamenta, ut ex ipso Galen. elicitor 5. de simpl. medic. facult. capit. 12. in fine. & 13. metho. cap. 18. in principio. Scyllam Cryfermus referente Galeno lib. 9. de compo. medic. secundum locos cap. & titulo præcitatis, luto oblitam assabat, Galen. tamen lib. de theriaca ad Pisonem cap. 13. sordidum id esse putat: qua de causa illam eo loco & primo lib. de antidotis cap. 9. triticea pulicula inuoluens calidis cineribus assandam subiicit pro pastillis scylliticis componendis. Est ubi & assatio, medicamentorum duplici, & interdum repugnante facultate prædictorum, facultatum unam vel perdit vel minuit, alteram intendit atque auget: veluti mirobolanorum, & rhabarbari vim purgatricem cōminuit, adstrictoriam intendit. Ad eundem modum balanus myrepfica. 1. ben, vomitoriam virtutem assatione amittit, deiectionem valentiorē seruat ob id, quia arido calore ignis, humiditas eius larga, atque nitrosa ad nauseam ventriculum cogens partim excoquitur, partim verò absumitur, remanente dun-

taxat virtute deiectoria, quæ cum à contraria non impediatur, vehementius subducit. Alia simplici virtute insignita assando eam minuunt, vt cæpa sub cineribus assa minus aeris, & esui aptior euadit. Eadem ratione opium ob eius narcoticam malignitatem. Apollonius & alij insignes viri torruerunt: sed quia torrendo omnis eius efficacia infesum ita pefaciendo aboletur, Galen. horum opinionem non probat 3. libr. de compos. medicament. secundum locos capit. 1. titulo quæ Apollonius ad aurium dolores scripserit, quo loco opiam non tostum ma- uult, illius frigiditatem castorij caliditate obtundens. Ad eundem modum & psyllium, Mesues assando minus subductorium efficit, eo quod per siccationem humiditate lubrica spoliatur: quam subducendi facultatem simul atque causticam in ipsius medulla delitescentem Græci haud quaquam agnouerunt: toti eius corpori refrigeranduntaxat virtutem tribuentes: quare hæc iudicio meo Arabum fuere inuenta. Assantur etiam medicamenta, vt sicciora reddita facilius & melius teri & læuigari queant, præsertim vbi celer vsus pulueris exigitur. Et denique alia assantur, vt maiorem exiccandi vim adipiscantur, quæ ratione cum inummodice frigitur in vase fictili à Galeno li-

bro 4. de sanitate tuenda cap. quinto. quod coctum in camino, quam optimum fit ad diaspolicum.

De ratione macerandi medicamenta.

C A P V T X I I I.

Maceratio antiquis parum fuit frequens, posterioribus tamen medicis vſitatiffima. Veteres tamen non nulla ſimplicia interdum liquore aliquo ante coctionem infunderunt, teneritatem maceratione ad coctionem celeriore vel condituram conciliantes. Veruntamen noſtro æuo ob plurimos vſus medicamenta infunduntur. Primo, vt meliora fiant, malefica illorum facultate per infuſionē correctā, quæ ratione turbith, lacte caprino recenter mulcto maceratum, & poſt ſiccatum Meſuæ fit clementius, nec ventrem poſtea turbat: granum quoq; gnidium quod Mecereon nuncupant, & eſula aceto macerata acrimoniam efrænem ac ferrantem eidem Meſuæ depoſunt. Serapio tamen cap. 361. eſulam lacte bis aut ter mutato per diem & noctem macerat, verum de his lib. 3. de curandi ratione per medicamenti purgantis exhibitionem fuſius à nobis differitur. Macerantur ſecun-

do medicamenta, vt ingenitam facultatem intendant sic turbith, succo cucumeris agrestis maceratum materiam crassam à partibus longinquis vehementius euocat: & hermodactilus aceto scyllino aut scyllæ succo, aut raphani tēperatus, ab articulis noxios humores vehementius trahit: agaricus item Oximellite infusus purgantior euadit. Tercio infunduntur medicamenta, vt eorum vires in liquorem in quem infunduntur transeant: qua de causa rhabarbarum, agaricum, senam, epythimum & alia multa maceramus: quod multis de causis facimus, primo, vt facultas medicamenti ad distantiores proprius peruadat, nam citius subeunt, ac distribuuntur liquida quam crassa, quomodo potu, quam cibo facilius implemur, ex aphorism. 21. sectionis secundæ, secundo vt portiones purgatrices fiant gratiores: quia liquida suauius quam crassa ab ægris sumuntur. Sic rhabarbarum infusum & colatum delectabilius multo quam in puluere aut infusum sed non colatum suscipitur. Tercio, vt duarum facultatum contrariarum vna ab altera seiungatur, sic rhabarbarum & mirobolani infusa virtutem deiectioniā liquori transmittunt, astringentiam intensiorem seruant. Ob quem identidem scopum rosas & violas aquæ nouies infundimus, vt syrupus inde pur-

dè purgatorius fiat. Infunduntur in aceto, itidem in oleo quod ab ijs rosatum & violatum appellatur. Nec solum medicamento- rum facultas in liquorem transit, sed substā- tiæ eius tenuior portio interdum etiam & crassior, vt casia fistulæ, thamarindorum & similium, præsertim si infusum per colum- rarum transmittitur vel dum colatur valen- tius exprimitur. Infunduntur quarto medi- camēta, vt nouam facultatem lubricam adi- piscantur, sic medulla colocynthidis muca- gine tragacanthi humectata promptè per ventrem totum lubricat, nec ventriculo nec intestinis adhæret. Ad eundem modum sca- monium oleo violato maceratum expedi- tē deorsum peruadit, nulla aut minima par- tium quas permeat noxa. Denique infundū- tur medicamenta, vt tenerescant ad conditu- ram vel coctionem faciliorem, qua ratione lignum Sanctū, spartam parrillam, radicem chinam diu ante coctionem maceramus, vt teneriora reddita melius, ac facilius coqui possint. Vnde Galen. lib. 2. de articulis com- ment. 12. macerare pro mollire interdum accipi dicit: maceramus etiam eadem post coctionem per duas vel tres horas anteaquā colentur, eo quod si protinus cum ab igne tollimus ipsa colarem magna fieret par- tium subtilium & ignearum dissipatio. Li-
quor

quor verò in quo macerantur medicamen-
 ta maxime varius existit pro varijs medico-
 rum scopis. Est enim is aqua atque hæc fon-
 tana, vel pluvia, vel stillaticia, vinū, serum,
 lac, acetum, vel alicuius alterius medicamen-
 ti succus, vt supra fuit visum. Tempus simi-
 liter variū existit, videlicet, semihora, hora
 horæ etiā plures. 6. 8. tota nox, nox simul
 cum die, bīdūm etiā tridūm, & interdū
 plurimorū dierum spatium, Galen. Libr. 4.
 de sanitate tuenda. capit. 8. semen abietis &
 flores populi macerat dies 40. sæpe etiā
 duos & tres in oleo, quotidie medicamentū
 dimouens in sole calido, postea oleum ex-
 primit, quod digerens est & acopum. Lib. 7.
 de compo. medicam. secundum locos cap. 2.
 titulo confectio ex capitibus papaueris, Ga-
 lenus medicamēta quæ humidiora & mol-
 liora sunt per diem vnum macerare iubet, ac-
 cipit sub diei nomine etiā noctem: quæ ve-
 ro duriora & ficciora existunt longiori tem-
 pore infundit. Nam vt quædam parum diu-
 terenda & coquenda, sic infundenda: quod
 virtutem habent imbecillam, vel superficia-
 riam, vel rara contextura præditam. Ani-
 maduertendum etiā est, quod ex macerari
 debentibus, abijcienda sunt humentiora, &
 mollia valde, atque duriora, eo quod, vt lo-
 co supracitato Galen. ait, humentiora aquo-
 sum

sum & debilem aut crassum quidem, sed crudum succum obtinent, sicciora verò nimis exiguum. Eadem dum infunduntur parum sunt terenda, quia teste Galeno lib. 4. de sanita. tuend. cap. 8. contusa citius liquorem in quo infunduntur sua qualitate vique insufficient. Modus autem liquoris ad infusionem satis erit, cum infusa prorsus liquore tegantur: nisi simplicia nimis sint arida & per multum temporis spatium macerari debeant, nam tunc paulò plus adijci debet. Et tandem pro varijs medici scopis addenda vel minuenda est ipsius liquoris quantitas. An imaduertendum etiam est, quod quando maceratio per aliquod temporis spatium decoctionem præcedit, tunc omnia simul infunduntur, tam quæ exiguam, quam quæ immodicam decoctionem patiuntur, quia illa quæ immodicam tolerant decoctionem, suam vim exhibent rebus infusis quæ exiguam sustinent decoctionem, & ita horum vis in decoctione seruatur, quod non fieret si primo infusa non fuissent, sed à decoctione incepissent. Cum verò coquuntur, & non præcedit infusio tunc ordo seruandus est, ut quæ maiorem ferunt decoctionem primo injiciantur, deinde quæ minorem, denique quæ minimam: quæ Musæ docta est sententia in examine syrupi de absinthio. Verum
hoc

hoc Matthiolo non placet lib. 5. epistolarū censens eos improbandos non esse qui in antidoto hamec, rhabarbarum per se macerāt, ut illud in fine decoctionis addant, sibi persuadentes rhabarbarum modicā vel nullam admittere coctionē. Nam cum vis ipsa exolues, vel Mesue ipsius testimonio, in tenuissimis rhabarbari partibus cōtineatur nulli dubium esse putat, si diutius decoquatur: quin tenues illarū partes in auream euaporēt. Quorum (inquit Mesues) vis facile resoluitur, quia vel imbecilla est, vel in superficie posita, vel in subiecto raro consistit, omnia huiusmodi parumper, nec valenter coquenda sunt. Qua propter illi opinioni Matthiolus non facile subscribit quæ tenet medicamenta diuersa, diuersarumq; partium, vbi simul macerantur, adeò simul coire, ac colligari: ut nulla post hac coctione possint earum dissolui facultates. Nam tametsi Mesues ipse scribat coctionem, medicamentorum facultates diuersas optimè miscere, adeò ut ex omnibus vna tantum resultet, ac velut concretam faciat actionem: iubet tamen si quæ fuerint imbecilla, ea minus valenter esse coquenda. Ideoque tum Mesues ipse, tum medicorum omnium cætus, exoluentem rhabarbari vim, potius maceratione: ex qua nihil per vaporem deperdi potest, quàm coctione

ctione à cæteris facultatibus ſeparant. Atq;
hæc eſt Matthioli opinio, quæ ni fallor, mul-
tis modis confutari poteſt. Primo, quia in
eadem antidoto plura ſunt medicamenta,
quorum quædam ſimilem cum rhabbarbo,
alia eò multo minorem coctionem ferunt;
vt epithymum quod autore Meſue, parum
diu coqui ſuſtinet, cum tamẽ rhabbarbarum
legitimum & integrum, eiſdem Meſue te-
ſtimonio aliquandiu teri coquiſque viribus
integris valeat. Rurſus abſynthiũ, thymus,
ſenna, violæ, roſæ quæ ſancè confeſtio ha-
mec recipit, non maiorem rhabbarbo co-
ctionem tolerant, quinimo nonnulla ex eis
non paulò minorem. Quare ſi rhabbarbarum
veluti opinatur Matthiolus, ſolum per ſe
macerandũ foret, vt in fine decoctionis me-
dicamento indatur, idem in his omnibus ſer-
uari deberet. Nam ſi hæc parũ quemadmo-
dum & rhabbarbarum, & ex eis nonnulla in-
terdum illo minus ebulliri patiuntur; non
eſt cur hoc priuilegium ſoli rhabbarbo ad-
ſcribatur, cum ſit alijs multis cõmune. Qua-
re pro antidoto hamec paranda multis vaſi-
bus opus eſſet, quæ aliorum infuſa excipiãt.
Porro Meſues iubet ſimplicia illa dies quin-
que ſero lactis macerare, non annotans num
quædam per ſe, quædã vnà cum alijs eſſent
maceranda, quod certè annotaſſet ſi ipſe pu-
taret

taret hanc diuisionem fore necessariã. Quare cum hoc Mesues non expresserit, clarè voluit cuncta illa simul esse infundenda. Ad hæc, coctio quæ post macerationem fit maiori ex parte brevis admodum est, & quæ medicamenta exoluere non valet, hic enim est vnus ex macerationis vñibus, vt per eam medicamenta tenere scant ad faciliorem coctionem subeundam. Id Mesues (quod miror Matthiolum nō animaduertisse) in iam dicta confectione, significauit dicens, semel deinde feruefiant, quod idem est, ac si diceret, parum bulliant, aut vnum tantum feruorem patiãtur, in qua sola ebullitione ob temporis, quo fit, breuitatem, distributioni coquendorum medicamentorum, sic vt hæc prius, illa posteriùs iniiciãtur, locus non datur, quod ferè omnibus quæ post macerationem coquantur peculiare esse arbitror: talibus nanque longo ad coctionem tempore opus non est. Quod si in syrupo de absinthio infusa ad dimidias coquere Mesues præcepit, ob id est, quia illa prius macerauerat 24 horas in vini albi antiqui boni odoris, & in succi cydoniorum añã lib. ij. & semisse. Et cydoniorũ succus sua stypticitate impedimento est, nè medicamentorũ vires euaporèt, detinens nè illæ dispersæ aboleantur. Sed sine tali succo, quod sola maceratio id efficiat

ciat hinc fit manifestum: rosæ præsertim recentes, autore Mesue coctionem nullam sustinent, facultas namque earum tergens & purgatoria, mox igne resolvitur adstringenti iam manifestiori remanente: sed si prius vna cum alijs infusæ fuerint sustinent. Siqui dem Mesues in prædicto syrupo. 24. horas maceratas simul cum absynthio & nardi spica in vino & succo cytoniorum, coquit ad dimidias liquorum. Illas itidem in electario hamec vocato, præmissa iam dicta circumstantia, coquit. Nam cum dies quinque in sero lactis sufficiente, eadem rosæ vna cum rebus alijs maduerint, iubet deinceps omnia feruefacere, tanquam coctionem ipsæ iam tolerantes, quam antea quam diluerentur non tolerabant. Ex quibus fit manifestum (id enim probare intendebamus) quòd quando coctionem maceratio antecedit, ordinem coquendorum seruare opus non esse. Nec Matthiolo in hoc esse assentiendum: ratio est, quoniam medicamenta diuersa, diuersarumque partium, vbi simul macerantur adeò vnà coeunt, ac colligantur, vt nulla deinceps coctione possint illorum vires dissolui.

*

G

De ra-

CAPVT XIII.

Distillatio est extractio humoris plantæ alicuius vel animalis partis à sicco terreo vi caloris facta: humoris dico, quia stirpes vel animalium partes in quibus nihil prorsus humoris. inest distillari non possunt: quandoquidem ex terra elementari siccissima, & durissima & ossibus iam planè terreis, ac ex plantis in totum exsiccis, atque aridissimis tolli vaporem non videamus: cum vapor mediæ inter aquam & aërem naturæ existens non eleuetur nisi ex corporibus humiditate aliqua præditis. Vi caloris dixi quia quæ per filtrum, arenas, vas figulinum crudum, seu hedereaceû, vel lapideum fiunt humoris transmissiones, distillationes non sunt nisi abusiue loquentibus, eo quod calore non efficiantur. Distillatio antiquioribus medicis inusitata fuisse videtur, licet eius nonnulli ex Arabibus meminerint, vt Mesues libr. 2. titulo de absynthio quo loco hæc scribit verba. Aqua autem sublimationis eius fit, sicut aqua rosata & similia quæ fiunt in vasis sublimationû. Et rursus titulo de rosis de ea loquitur dum ait. Aqua earum quæ fit per infusionem est mundi-

mūdicatiua, absterfua, folutiua, & ea, aquæ fit per fublimationem eft multæ confortationis. Ex hac rofata aqua diffillaticia iulepum componit lib. 3. cum ait iulepum alterū rofatum fit ex aqua rofarum libris iij. fac cari albi libras ij. Quæ verba de alia aqua quam diffillaticia intelligi non poffunt, eo quòd parū antea de eo iulepo egerat, quod ex rofarum infufione componitur. Ex quibus perfpicuum fit allucinari illos medicos pariter & feplafarios, qui arbitrantur diffillatarum aquarum Mefuem fuiſſe ignarum in fyrupo glycyrrhizæ aquam diffillatiā rofaceam iniiciendam eſſe negant, cum ex prædictis conſtet Mefuem eius non fuiſſe immemorem: quare in prædicto fyrupo hæc & non infuſio rofarum, veluti nonnullorum opinio fuit eſt imponenda. Meminit etiam diffillationis Auicen. 11. 3. tracta. 2. cap. 4. cum ait, ſupra bugloſſam verò ſis audax & non timeas malitiam eius, & vt ere ea cum omni quod in potu tribuis, & in cibo das: etenim iam cucurrit conſuetudo, vt in potu tribuatur, & ſimiliter aqua eius diffillata. Hæc Auicenna vt hinc cunctis pateat aquas ſtillare rem nouam non eſſe, ſed Auicennæ & Mefuæ tempore uſam fuiſſe. Verum iſti non admodum nec nimio opere, ſed perfunctorie de diffillatione egerūt. Poſte-

riores tamen ea frequentissimè sunt vsi propter hominis ætatis huius delicias & nouorum morborum malignitatem. Adeo vt diligenter distillatarum aquarum vsus in affectibus quibusdam, decoctis non parum anteferri debeat. Siquidem in ardentibus febribus & æstiuis feruoribus sitim valenter restringere, & potantis gustū oblectare, aque distillatæ queunt, si potus ex eis paretur. Præsertim si illæ iulapio cichorij aut oxalidis, aut granatorum, aut violarum, aut ex acidolimonum mixtæ bibantur. Idem præstant in pestiferis febribus, & adhæc cor, & principalia membra roborant ac omnem malignitatem ab eis depellunt. Valent itidem eadem ad oculorum collyria & ad oxirrhodina in capitis dolore, & phrenitide ac ad epithemata in cordis ac iecinoris affectibus paranda. Quos vsus nec herbarum ipsarum succi nec decocta præstare possunt, aut si præstent non adeo aptè commodèque præstant. Conducit præterea non parum distillatarum aquarum artificium ad florum, & nonnullarum herbarum odores seruandos: quales illi sunt qui ex floribus rosarum, citrorum, aurantiorum, myrti, loti vrbanae, atque ex alijs plantis quarum flores suauissimè olent, spirant: quorum distillatæ aquæ quantum ad medicum vsum cōducant, omnibus

nibus incomperto esse arbitror. Atque hæc quidem rationes extitere, quæ medicos impulerunt ad destillationē efficiendam. Quā naturæ imitatione inuenerunt, vapores ex terra, sed præcipuè ex aqua & aquosis corporibus vi solis & astrorum atque caloris in terra conditi in mediam vsque aëris regionē eleuantis: cuius frigiditate in nubem coguntur, quæ soluta in pluuiam distillat. Hanc naturæ aquam separandi rationem ars imitata humida corpora alambico imponit, postea vi ignis tenuat in vapores, qui capitelli frigiditate coacti in aquā alueolo in fine capitelli inserto coeunt, quæ mox per eiusdem rostrum in subiectum vas receptorium stillat: non secus ac vapores ex sanguine, & ex reliquis humoribus, ac ex solidis partibus cibo atque potu caloris natiui, aut aduentitij vehementia in cerebrum elati, & eiusdem frigiditate in pituitam vel pituitosam substantiam densati in subiectas partes defluunt, & quanto intensior fuerit frigiditas tanto magis, ac minori tempore condensatio vaporū perficitur. Quod intelligentes solertes pharmacopolæ alambicorum sumitates pannis frigida aqua humectatis per ministros assidue refrigerare præcipiunt. Vt vapores sursum elati citius ac vehementius concrescant. Idem pharmacopolæ non leui diligentia

ignem distillationis autorem seligunt, vt sit ex carbonibus omnino accensis & semiustis à quibus malignitas omnis antea expiraue- rit. Fugitur, qui ex suffocatis & semiaccen- sis lignis aut carbonibus consistit, eo quòd qualitatem quandam alienam rebus distil- landis, vt & coquendis aut aliter præparan- dis impingat. Sed multò magis à distillatio- ne abigendus est ignis ille, qui accenditur ex pannis, aut carbòne terræ, aut ex cespiti- bus, aut bubulis stercorebus ficcatis, vel alicuius alterius animalis fimo, qui non solù alienam qualitatem, vt prior, verum etiam graueolentiam quãdam aquis distillatis im- primit. Qua de causa distillatio quæ à putre- dine fit, vel fimi equini vel alterius cuiuspiã rei, vel calce paulatim irrigata & sæpe muta- ta etiam sichymistis in multis fuerit ex usu, medico tamen recipiendâ nõ est præsertim si intra corpus res distillata est suscipienda, nã admouendorũ minor habetur cura. Alam- bica etiã quæ distillationis vasa habentur mul- ti generis existũt, cuprea, fictilia, vitrea, atq; plũbea, ex his cuprea præ cæteris vsurpan- tur, magisq; in vsum veniunt: quod sine mul- to sumptu parètur & ad stillandũ sint aptis- sima: quæ benè exterlsa, ne quid æruginis ha- beant, & probe stannata puro stanno, atque sincero esse oportet. Talia nanque securissi-

ma sunt & sine noxa aliqua eis quotidie utimur, ut alibi copiosius ostendimus. Atque hinc est quod Galen. stanneis vasis ad multorum medicamentorum repositionem sine ulla noxæ formidine utatur. Nam libr. 3. de compo. med. secundum locos. cap. 3. nō longē à sine succum extractum ex tribus differentijs malorum punicorum, austeris, dulcibus, & acidis in vase stanneo depositū, modicē coctum adseruari oportere scripsit. Et lib. 6. eiusdem operis cap. 1. titulo stomaticum ex Belsa Heræ in fine ait. Cæterū pharmacum hoc in stāneo vase reponitur, quod stomachicis & dyssentericis ibidē conferre dixit. Et lib. 1. de antidotis capit. 8. pastillos viperinos in stanneo vase recondi debere dixit, donec theriaca sit conficienda. Et eandem theriacam in eodem stanneo vase suo tempore reponi lib. de multitudine. c. 8. idē Gale. scriptum reliquit. Hali Abb. itidē lib. 10. practicæ cap. 3. cui titulus est de regimine simplicium medicaminum, & quomodo in compositis sint ponenda, inquit, sicque deinceps sublata, in argenteo condentur vase aut fictili stannato. Nec refert Galenum loco præcitato dixisse stannū plumbo adulterari, quod fugere oportet: nam his verbis non vult quod purum, atque sincerum stannum est, vsurpandum non esse, cum eodem

in loco ipse ad pastillorum viperinorum repositionem illo sit vsus, sed tantum aduertit stannum quod in medicinæ vsu venire debet sincerum purūq; esse oportere & haud quaquam plumbo adulteratū. Nam plumbum noxium existit, & ob id fugiendum. Quo puro atq; sincero stanno plurimo Hispania abundat. Atque de hoc alambici genere hæc dicta sufficiant, superest, vt ad alia transeamus. Fictilia ex luto debent esse puro, atque diligenter cocto, probèq; stannato qualia Talobricana habentur, sed istis meliora sunt vitrea, quia puriora & densiora, verum nisi paulatim incalescant & refrigerentur prius quam aëri frigido exponantur celerrimè franguntur. In quo etiam discrimine sunt terrea, ob quam causam chariora habentur, ideoque neutra à nostri temporis seplasiarijs vsurpantur, nisi à per paucis admodum, qui sciunt luto sapientiæ vocato paulatim circumlinire ac ficcare quantum eius vas ignis violentia attingere debet. Plumbea omnium nocentissima sunt, atque ob id minimè vsurpanda, dicente Galeno libr. 7. de compo. med. secundum locos cap. 2. aquam per plumbeos canales delatam dysenteriam facere. Quæ si vera sunt maior metus inest ab aqua plumbeis alambicis distillata. Quare perperam, & cum maximo ægrotantium incom-


incommodo faciunt illi seplafriarij qui capi-
tellis plumbeis tanquam frigidis, & ad va-
porum condensationem aptioribus in aqua-
rum distillationibus vtuntur. Accedit eo q̃
cærusa non pauca insuperficie concava plu-
bei capitelli in ipsa distillatione gignitur:
quæ aquas ipsas inficit & magna ex parte
lacteas reddit donec subsederit. Nec tamen
hoc in loco omittendæ sunt distillatio-
nis differentiæ, quæ plurimæ & numerosæ
admodum habentur: nos tamē de his in præ-
sentia agemus quæ medico vsui existunt, il-
lis omissis quæ chimistis viles esse possunt.
Primus modus fit fundo vasis rem distillan-
dam continenti inflammato per calefactam
& veluti ignitam fornacem, quæ interdum
velut in arcem struitur & eius lateribus va-
sa inferuntur penetrantibus intro fundis la-
terioribus res distillandas continentibus. Se-
cundus fit per aquam in maiori vase ebullen-
tem & alambici fundum cōtingentem, quē
modum licet Galenus agnouerit nesciuit
tamen ad hunc vsū accommodare: conten-
tus olea & vnguēta duplici illo vase calface-
re. Tertius & quartus à duobus istis accepti
sunt, in quibus nec ipsa fornax ignita partē
imam vasis attingit vt in primo, nec vt in se-
cundo ebulliens aqua, quod fit constructo
alio vase oblongo instar vacuæ cuiusdam co-

lūnæ cuius ima pars fornacē vel aquā ebullientē attingat, suprema vas in quo herbæ vel res distillādæ ponūtur suscipiat. Et sic in tertio, alambici fundū calfit per ignitū aērē, in quarto p. aquæ vaporē accēsum fursum p. cauitatē colūne elatū: dicit hic quartus modus balneū Mariæ à muliere Maria noīe in Germania huius balnei inuētrice, alij maris balneū vocāt noīe accepto à mari, eo q̄ magna adest aque copia, quē in magnovase ebullit, sed siue hoc siue illo modo dicat nihil refert. In hoc tñ tres priores modi cōueniūt qđ minima caloris violentia liquores ab herbis extrudunt, q̄a aqua feruēs aut ab ea, vel à prunis elatus vapor mitius agūt in rē distillādā quā ignis ipse p se, atq; ob id Gale. in diplomate illo vase sup. c. ii. explicato liquat, calefacit, & coquit ea quorū vires ignis violentia dissipari nō vult. Nō d̄fuerūt etiā q̄ ex iuniorib⁹ medicis distillatarū aquarū vires tāquā euanidas fuggillare sunt ausi, dicētes à qualitatibus primis omnes nasci operationes illis dūtaxat demptis, qui ab occulta proueniūt facultate. Qualitates autem primæ licet via quadā regia & certo tactu dignoscātur, plurimū tamē ad earū notitiā cōferre aiūt sapor, atq; odores, nā alterius cecæ & occultæ qualitatē operationes Galen. teste lib. i. de comp. med. secundū genera, c. 16, & 6. lib.

de simp. med. facul. tit. de Alyso, & titul. de Abrotono. & lib. 9. tit. de lapidibus in prin. nec sapore, nec odore, nec calore nec ullis sensuū qualitibus, sed operibus solū percipiūtur. Qualitates verò primas. cū secundis, atq; tertijs ita cōnecti dicunt, vt his mutatis, mutari etiā primas sit necesse, & ex cōsequēti omnes operationes quę per ipsas vel cōstabāt, vel efficiebātur. Cū itaq; in multis aquis per chemicā artē ab herbis extractis videant odores, atq; sapes disimiles & quandoq; etiā cōtrarij (nā aqua ab absynthio dulcis, a menta & ozimo mali odoris existit) rationi cōsonū videtur vires & operationes in ipsis nō remanere quę erant in toto cōposito. Nā cū in absynthio tres agnoscant sapes acer, videlicet, astringēs, & amarus, in aqua verò eius distillatitia levis tātū ac veluti fatua dulcedo sentiatur asseuerare sunt ausi, simul cū trib⁹ illis saporibus vires quę per illos indicabātur per sublimationē fuisse amissas, Tātū potuit istorū ratio, vt ea nostri tēporis medicis distillatarū aquarū vsum suspectū formidolosūq; reddiderint, vt tētib⁹ herbarū decoctis, potius quā ipsarū distillatitijs aquis seu liquoribus: quare cū hęc res nō levis mōmēti existat decidēda ista cōtrouersia est nō nullis traditis theorematibus quibus tota quæstio dissoluetur, & quid in ea verē te-

nendum fit elucescet: & vt rem ipsam aggrediar sciendum in primis est, aquas ab herbis frigidis vel crassa substantia constātib; extractas, vt cichoreo, lactuca, portulaca, solatro, oxalide, bugloso, rosis, hisq; similibus, suas vires & qualitates integras seruare, quas odores ac sapes pristini declarant. Ratio est quia harū rerū aqueæ & frigidiores partes, quæ solæ ab istis medicamentis expetuntur ab immodico calore deperdi nō possūt, sed integræ per alambici rostrum descendentes in receptorio vase colliguntur. Quæ vero ab herbis calidioribus vel tenui substantia præditis projiciuntur vt absynthio, ozimo, menta, violis, lilio, vires pristinas & qualitates amittunt, quā rem clarè indicat odor ac sapor mutatus cuius causa est, quod tenuiores ac calidiores partes ob immodicum assiduumq; calorem euanescūt, solæ aqueæ seruantur, in quibus horum medicamento-
rum operationes non consistūt. Quare meo iudicio Musa reprehendēdus venit in aquarum examine putans herbas frigidas & humidas suam non seruare frigiditatem & humiditatem, cō quod ex igne in alambicum recepto non nihil caliditatis acquirūt, suam ab aqua ipsa auferentis naturam: quia hæc caliditas ascititia est, quæ breui perit, & naturalis frigiditas perstat, quemadmodū de-
meco-

meconio calefacto. 3. de temperamentis capit. 3. literis Galenus prodidit, quod calorē animalis refrigerare est potens, & ob hanc causam necis periculum afferre. Aquæ tamē per tres posteriores modos extrusæ quantū cunque ex calidis & tenuibus herbis eliciantur, proprias reseruant vires & qualitates, ac præsertim quæ per quartum distillationis modū, quem balneum Mariæ diximus nuncupari extrahuntur. Ad quem modum ex absynthio aquam extraxit Manardus in fine. 15. epistolarum. & lib. 19. epistolarum. 2. pristinum amarorem adseruantem. Ratio est quia miti ignis illius distillationis calore tenues & raræ medicamenti partes, nec diffilari, nec deperdi possunt, sed potius vniuersæ colliguntur & adseruantur integræ. Sin verò frigidæ & crassæ herbæ per hanc distillationis formam eliquentur, solæ tenues & aëreæ partes stillabuntur, crassæ vero & frigidiore, quia non nisi vehementissimo calore cedunt in fundo vasis vnā cum fœculenta parte manebunt. Ex quibus intelligitur herbas frigidas & crassas melius communi isto modo qui per alambica cuprea benè stanna ta fit quam alijs distillari, raras vero, atque tenues per secundum præsertim, sed & per tertium & quartum, licet his tribus modis distillata parum diu seruari possint: vt pote, quia



quia excremētosa & minimè defœcata existunt. Nec omittendus est hoc in loco quintus distillationis modus, qui fit per vas magnum æneum cucurbitæ magnæ formam referens, quod igni incubans res distillandas continet huic collum crassum trium dodrantum ineſt, & collo insidet capitellum etiam æneum parte sui summa lateſcens, in qua est veluti ſitula aquam frigidam continens, vt celerius vapor largus à capitello refrigerato concreſcat, & in aquam denſetur, quæ foras in vas receptorium ſtillat per roſtrum intra capitellum penetrans, eſt & aliud roſtrum in ſitula per quod aqua in ea contenta poſtquam calefacta eſt vacuatur. Alij loco colli, & capitelli fiſtulam ex ferro albo (quod Hiſpani, hoja de lata, ſeu hoja de Flandres vocitant) vel ex alio metallo conſtruunt per longam in multos anfractus inſtar tubæ ductilis vel ſerpentum contortam, quam, magna ſui parte in aquam frigidam mergunt; tales modi ſunt Hiſpanis pharmacopolis extrahendi liquorem ex vino quem ipſi aquam vitæ vocitant: dicturi potius vitis. In omni tamen diſtillatione hæc ſcire perpendere que oportet, quod pars rei quæ diſtillatur natura tenuior, leuior, rarior, liquidior, ac magis ſuperficiaria vi caloris primum tenuata tollitur, poſtea humidior & aquoſior, quòd ſi
ulterius



ulterius persistat distillatio, id etiam humidum rei aqueum quo tanquam visco terrena corporū partes iunctæ cohærēt, quodq; rebus omnibus ex elementorum permistione cōcretis est commune colliquatur. Quomodo teste Galeno libr. 2. prognost. comment. 28. calor in nobis valentior nouam, ac teneram pinguedinem primo absumit, deinde duriorem ac vetustiore ab his deinceps nouam ac teneram carnem, mox duram, ac vetustam, postremo iam solida corporis mēbra depopulatur.

De vsu & ratione lotionis simplicium medicamentorum.

C A P V T X V.

LO T I O purgationis species existit, quæ aqua, vel aliquo alio liquore sepe mutato perficitur, hanc medici ob multos scopos vsurpāt, primo, vt sordes aliquorum medicamentorum detergantur, quæ de causa herbae, semina, radices, & reliqua medicamenta si puluere vel luto sunt polluta, lauantur aqua fontis, donec sordes omnis fuerit ablata, quod cognoscetur cum aqua pura manet, atque clara. Hæc lauationis differentia omnibus sordidis medicamentis communis est

nis est, & consueta valde, etiam si sint rosæ, violæ, adiantum, in tabus, vel aliud cichorii genus, quia paruarum virium existit. Nec credendum est Mesuem de hac intellexisse, cum dixit: vim superficiariam dictarum herbarum lotionem dissipari, sed de altera potius quæ vehemētiorum est virium & simul intus & foris fit, seu per totam rei lauandæ substantiam perficitur. Lauantur secundo medicamenta, vt eorum facultas velut in profundo delitescens in apertum se prodat quæ ratione cadmiæ etiam non vstæ & aliorum quorundam tergendæ occultam vim lotio detegit. Galeno lib. 4. de compo. medic. secundum locos, titulo de coquentibus iuxta principium. Tertius lotionis scopus est, vt virtus medicamenti malefica amoueatur, & quæ efflagitur super sit, sic teste Galeno libro, 1. de compo. medic. secundum genera cap. 8. vsta omnia si lauentur, moderatiora fiunt & acrimoniam vstione acquisitam deponunt ac minus mordacia efficiuntur. Quæ ratione lib. 9. de simpl. med. facul. in fine. æs vstum quia acre est, & subastringens lauat Galenus, vt cicatricem inducat in carne molli, nam in dura ipsam inducit citra lotionem. Et Mesues semen vrticæ succo trágacanthæ lauat ne in transglutitione fauces, & œsophagum adurat, licet Galeno libr. 6. de simpli.

simpli. medicam. facul. non vehementer calefaciat, sed tantum essentia tenuitate & detergendi facultate titillet, atque ob id ventrem subducatur. Quod si partes vrtica herba contactae pruriunt, id non caloris acrimonia, sed punctura fit minimorum aculeorum quibus tota secatet herba. Ob hanc identidem causam cyaneum lapidem & armenum idem Mesues abluit, ut vim vomitoriam molestam amittant, & tantum clementer fiant deiectionaria. Quarto denique lauantur medicamenta, ut à liquore in quo lauantur facultatem aliquam nouam acquirant, qua de causa Galeno. lib. 1. de comp. med. secundum genera. cap. 18. post medium, metalla aqua lauantur, si affluens in vlcus humor est acer & mordax, vino austero, si humor affluit largior, aceto vel aqua marina si vlcera sunt tumida & cum labijs crassis & callosis attenuationem multam efflagitantibus: sicq; in reliquis liquorem mutat pro affectus & partis natura. Ad eundem modum Mesues aloem ex aqua aromaticam lauat, ut potentius ventrem roboret, ex decocto autem valenter purgantium uti agarici & turbit, ut purgantior euadat. Sic etiam calida succo refrigerante ut cucurbitae & lactucae lota, frigiditatem, deposito aut saltem remisso calore induunt: e contrario vero frigida succo calfa-

H ciente:

ciente: & in vnuerſum liquor quouis ceteris medicamentis in ſe lotis vim ſuam ad portionem largitur. Modus vero medicamenta abluendi, non vnus omnibus exiſtit, de ſingulis tamen ſigillatim agendum à durorum & mollium lotione exordio ſumpto. Quæ promptè liquantur, vt oleum, cera, pix, reſina, Galeni teſtimonio cap. 15. lib. 2. de ſimpl. med. facul. modicè ſunt calfacienda, ac mox infundenda in vas magnum lati oriſicij, ſemiplenum aqua repenti puriſſima, ſimul & omnis qualitatis experte, quando nimirum medicamento nullam nouam facultatem addere volumus, ſed tantum ipſum purgare, aut facultatem eius merſam detegere, aut noxiam amouere: deinde corpus quod lauandum eſt in aqua ipſa terito, tundito, frangito, inanibusq; impenſe ſubigito: vt videlicet vnaquæque pars abluendi medicamenti aquam tangere poſſit, vt in eam ſuam qualitatem exuat: denique aqua hac affuſa in ſinceram aliam vaſi infuſam, recalfactum ipſum medicamentum immitti debet, & rurfus admodum diu contundi, ac mox deinde tertio, quarto, ac ſæpe deinceps faciendum donec noxiam illam qualitatem quam tollere volumus in aquam depoſuerit: quod cognoscetur cum aqua, nullam ex loto medicamento qualitatem, (quam guſtus,

stus, visus, aut olfactus percipere possit, amplius referuet. Oleum tamen lauando minus esse verberandum, quam ceram, picem, resinam, Galen. censet ne adeo aquæ miscetur vt egrè postea separari queat: sed ita verbera, vt dum quiescere paulisper fueris innatans detrahare possis, quod illi ob innatam leuitatem promptum est. Hac lotionem oleum non modo mordacitatem & falgiginem exuit, sed etiam fit candidius, aquea ac rufa eius substantia separata ac deterla: lotū id oleum componendis frigidis oleis vt rosa ceo, violaceo, ac nenupharino & vnguentis albis ac frigidis optimum est ac suscipiendum. Et pharmacopei qui illo in compositionibus prædictorum medicamentorum non vtuntur merito sunt taxandi, licet omphacinum lotionem non admodum egeat: atque hunc in modum omnia quæ cal fieri & fundi sustinent lauare docet Galenus. At si quæ sint lapidosa & dura velut cadmia, æris scama, æs vstum, lapides, ossa, testæ, cerusa, lytargiros, plumbum, chalcitis, spodium, pompholix, stibium, cianus, calx, & metalla cætera: eiusdē Galeni testimonio tenuissimè sunt comminuenda, mox in aqua fontana & purissima multum diuque terenda, subinde tandiu aqua est effundenda quoad nihil in ea innatet, maneatq; prorsus ipsa à

contriti medicamenti qualitate immunis. Nam quandiu aut qualitatis eius quippiam in gustu apparet, aut aliquid innatat tandiu terendum atque infundendam est: hocque pacto quoduis medicamentum lotum, mordacitatis prorsus expers euadet. Verū aqua non prius est abijciēda, quam corpus quod lauatur quiescendo in fundum vasis subsederit: quod prædictis terreis corporibus ob insitam grauitatem facile euenit, sicuti oleo & pinguibus innatare ob natiuam ipsorum leuitatem. Lib. 9. de simpl. med. facul. titul. de differentiis nominata passim terræ modum docet Gale. lauādi terram prout in Lemno insula lauabatur, ait enim ipsam aqua macerandam esse atque in lutum redigendam, & post valentem eius conturbationem paululum quiescere sinendam, mox aquam supernatantem auferendam, deinde quod sub ea est lutum tollendum, reliquum quod ad imum subsedit lapidosum, scilicet & arenosum vt inutile & superuacaneum abijciendum, & lutum illud pingue postea siccandum, quod dum mollis ceræ consistentiam accipiebat in paruas portiones diuisum in Lemno insula, vt idem Galen. refert Dianæ sigillo signabatur. Lauandi vices quidam numero definiunt vt pompholigem & hæmatitem, ophthalmici medici septies lauare iubebant

bebant pro oculorum collyrijs. Calcē aqua marina bisterve per æstatem sub æstu caniculæ libro. 6. method. capit. 2. in medio pro puncto neruo lauat Galen. Aloēm lib. de compos. medic. titul. de coniunctis humoribus purgandis. §. hiera picra, Galeniter lauat Actuarius. Quam sententiam Musa sequitur in examine pillularum alephanginarum. Quonā pacto metalla lauari debeant docet Galen. lib. 4. de compo. medic. secundum genera. cap. 10. quo in loco in metallorum lotionibus consumere præcepit 24. horarum tempus, dum inquit: convenire toto die diligenter conterere quamlibet rem metallicam, & ipsam mox cum liquore per noctem relinquere, ac postero die manē illum auferre, & alium mox superfundere, postea rursus terere, & similiter illum sequenti aurora liquorem emittere: docetque medicamenta hæc & alia quæ luatione indigent æstate esse lauanda: quod similiter observavit in calcis lotionē. lib. 6. method. capite. 2. & quod de metallicis ait, idem de lapide Cyaneo & armeno est intelligendum, nam convenit ipsos æstate lauare, & in qualibet luatione. ne. 24. horas consumere.

88 . De simpli. medic. delectu.

De ratione lauandi aloëm.

C A P V T X V I.

IN lotione aloës magna est disputatio inter nostri temporis medicos & myropolas, circa aquæ effusionem magnopere contententibus inter se aqua in qua lauatur effundenda, ne sit, an potius seruanda, quæ de causa huic controuersie integrum dicere caput constitui, vt rectius præsens disputatio decidatur & veritas ipsa elarius elucescat, quod fiet animaduertis prius causis ob quas aloë lauari præcipitur. Medici ob tres præsertim scopos aloëm lauari iusserunt, scilicet, vt à fabulo & à fæcibus emundetur, & vt aliqua illi virtus addatur vel intendatur, & denique vt duarum ipsius facultatum roborantis, videlicet, & subducentis fiat separatio. Primum docuit Dioscor. in fine cap. 22. lib. 3. cum ait, lauatur vt quod sit arenosissimum tanquam inutile subsideat, & leue ac pinguisimum assumatur. In eadem est sententia Plin lib. 27. cap. 4. in medio. atq; in hac lauatione nullus hætenus dubitauit aquam exhauriendam esse cum scopus sit partes impuras atque excrementitias tollere, non facultatum aliquam eius intendere vel amouere. Lauatur tunc eo modo quo terram lauare docet Galen. lib. 9. de simpli. med.

med. facult. videlicet, vt primum ipsa mace-
retur, aqua nullam facultatem medicamen-
tosam habente, & vbi post eius conturbatio-
nem per aliquale spatium quieuit & aloë
ipsa confedit, effundatur quæ innatat aqua
& quod pingue & purissimum est colliga-
tur, quod verò lapidosum & arenosum sub
eo resedit abijciatur. Ex quo intelligitur pu-
rissimam aloë qualis fucotrina à Dioscori-
de iudicatur hac lotionem non egere. Ablui-
tur secundo aloë vt virtus eius intendatur,
quam lauationem tetigit Mesues titulo de
lotione cum sic ait: lotio facultatem medica-
mentorum valentiorē efficit vt aloë ex
aqua aromatum lota potentius roborat, ex
decocto autem, valenter purgantiū (vt aga-
rici, turbit, & similia) si lauetur purgan-
tior euadit. Atque cum ob hunc scopum la-
uatur, omnes medici consentiunt aquam nō
esse effundendam sed cum ipsa aloë coimbi-
bendā: de hac intelligēdus est Gale. lib. 8. de
cōp. med. secūdū locos. c. 2. in med. tit. aliud
vt Lāpon, Pelusiota, qñ sic ait: accepta aloës
Indicæ libra vna, aquā pluuiā sufficientē su-
perfundito, & sub caniculæ æstus donec re-
ficcetur terito. Mesues hāc operationem lo-
tionē vocat improprie tamen & abusiue, &
latius sumpto vocabulo, cū verius infusio,
maceratio, seu coimbibitio sit dicenda, quia

rei quæ illi miscetur facultates impertijt proprijs intus in ea manentibus. In tertio scopo medici tota vt aiunt via dissentiunt: lauatur enim tertio aloë (quemadmodum dictum iam est, vt duarum facultatum fiat segregatio. Nam aloë penè sola purgantium medicamentorum, Plinij sententia cap. 4. lib. 27. aluum soluit, & stomachum confirmat, quas duas atque contrarias facultates eidem tribuit Galen. lib. 7. metho. c. 11. & lib. 8. de compo. med. secundum locos. c. 2. ac medici quando solam confirmantem exposcunt ipsam à subducente seungunt, quæ remotio prestat, vt docet Galen. loci citatis, & ad hæc lib. 3. de simpli. med. facul. cap. 18. dicens; Facile est colligere in aloë mistam inesse facultatem: at si quod expurgat ab eo quod non purgat segregari posset non etiam admiratione afficeret: quanquam id sanè quodam modo præstari queat, nam si aloë accuratè lauatur aut debilitè, aut planè nihil ventrem subducat. Circa hanc lotionem dubitant nostri temporis medici; vtrū aqua in qua lauatur abijcienda sit, an potius coimbibenda & cum ipsa aloë incorporanda. Quæ in re tres adsunt sententiæ. Prima tenet, aquam esse asseruandam & cum aloë coimbibendam. Secunda, solā lotionis aquam esse suscipiendam & exiccandam vsuiq; res-

con-

condendam aloë ipsa abiecta. Tertia, ipsam aloë relictā euacuandam. Nos tamen in præsentia quæ istarum sit verior disquiremus & quid in hac re sit faciendum monstrabimus. Primam, Galeni sententia fulciri nituntur qui lib. 8. de compo. med. secundum locos cap. 2. in medio sic scriptum reliquit. Accepta aloës Indicæ libra vna, aquam pluuiam sufficientem superfundito & sub caniculæ æstibus donec resiccetur terito, atq; vbi primo per hanc aquam aloëm ipsam edulcaris, postea eam quæ ab aromatis excolata est aquam affundito, &c. quibus verbis clare voluisse Galenum asserūt aquam esse asseruandam & non effundendam. Addunt etiā aloën succum esse qui totus in aqua dissoluitur ac liquefit, & si aqua euacuetur vna etiam cū illa eum euacuari ac diffundi. Alij tenent aloëm post modicam in purissima aqua agitationē horæ quarta parte aut paulo diutius esse, subidere sinendam, & tunc quod clarius supernatat inclinato vase in aliud simile, sed minus per colum seraceum esse transfundendum, post sole, aut igne lento esse siccandum, idemq; secundo atq; tertio esse cum noua alia aqua agitandum & siccandum & prolata aloë vtendum. Verum meo iudicio neutra istarum opinionum vera est. Tertia quam veram esse arbitror, te-

net aquam cum post modicam conturbationem quieuerit esse euacuandam. Quæ lauandiratio planè est à præcedenti diuersa in qua aqua sola seruatur, in hac tamen abijcitur. Vt hanc sententiam veram esse existimem, mouet me primum Galenus, qui libro. 3. de simpl. medic. facul. cap. 15. scribit in hunc modum. Si aloë accuratè lauetur, aut debiliter, aut nihil soluet: idè vsu venit æris squamæ, æriq; vsto, quippe quæ nos indiligenter lota obscurâ modo purgandi vim retinuisse sumus experti. Cum igitur his verbis Galen. in eodè censu ponat æris squamam & aloën & ob eundem lauaret scopū, sequitur quod si eius sententia lib. 1. de cōp. med. per genera. & lib. 2. de simpl. med. facul. cap. 15. in æris squamæ lotionè aqua euacuatur, identidem in aloës lauatione ipsam euacuari debere: præterea aquam abijcit Actuarius libro de compo. medicamen. cap. de coniunctis humoribus purgandis præcepta: titulo hierapiera. Galeni & inter iuniores eam abijciunt Musa in examine pillularum alexiphaginarum, & Ioannes Nauasquesius, sangosianus, in commentarijs in theoremata vniuersalia Mesuæ, titulo de lotionè. Rursus huius lauationis finis hoc ipsum suadet, nam si is est vt pars astringens & corroborans sola & solutionis expertus, aut

cum

cum solutione exigua maneat, si pars solvens subiectatur in partibus tenuibus calidis ac superficialibus, eæ autem aqua abstergantur, ac in ipsa supernatant, sequitur aquam hæc in se continentem partes esse expellendam, alias enim eadem partes, quas abigere tentamus iterum cum aloë coimbiberentur, nec illa, post lotionem absque multa solutione maneret. Ut hinc perspicuum sit, quantum aberrent secundæ opinionis autores, tenentes solas has tenues partes quæ in aqua ipsa deferuntur esse assumendas, & pro lota aloë usurpandas. Rursus si aqua esset asseruanda quemadmodum primæ opinionis autores tenent, talis profecto operatio, non lotio esset dicenda, sed potius maceratio imbibitio, seu imbutio. Nec valet argumentum, cui ipsi præcipuè innituntur: aiunt enim aloën esse succum, & totum in aqua dissolui ac liquefieri, quare si amittatur aqua id quod pingue, & frugis est ipsius aloës, simul etiam amitti atque deperdi esse necesse, relicto tantum in vasis fundo, tanquam grauiori, terreo ac arenoso; nam qui hoc dicunt inexpertum sunt, & naturarum rerum ignari, quia si post conturbationem quiescere permittatur haud multo post tempore, vniuersa

uersa aloës substantia in fundo vasis congregabitur atque in vnum coibit, sic vt crassior omnis pars subideat, aqua verò aloës qualitatibus prædita superferatur. Ad Galeni testimonium libro. 8. de compon. medic. secundum locos, cap. 2. cui etiam adherent, dicendum, Galenum ibidem de secundo lotionis modo fuisse loquutum: qui fit vt aloës amaritudo remittatur quam remissionem Galen. dulcorationem vocat, & eius facultas corroborans vigoretur: aqua pluuia non tantum illius dulcoratur amaritudo, verum etiam astrictio intenditur, eò quod teste Galeno, libro septimo de comp. medic. secundum locos, cap. 4. titulo vsus prædictorum Andromachi, &c. aqua hæc astringendi vim habet. Aliã aqua quæ ab aromaticis excolata est solum corroborans facultas augetur: nec eo loci eam aloës præparationem lotionem appellauit: solitus aliàs sic ipsam frequenter vocare, sed potius dulcorationem aut coimbibitionem, seu macerationem. Quot vicibus abijcienda sit aqua ex superioribus fuit manifestum, vbi ex Actuario & Musa docuimus aloën ter esse lauandam: nam toties aqua est euacuanda, quoties aloë ipsa lauatur, poterit etiam quater lauari, & pluries, donec aqua ipsa ab aloës qualitatibus quas gustus

&

& visus præcipuè diiudicant, prorsus maneat immunis: cum facultatem subducētem in totum nitimur amouere. Sit igitur praxis lauandi aloē hęc, quā etiam in opere de purgādi ratione tradidimus. Accipiatur optimæ ac purissimæ aloës libra, teratur cū dupla aqua pluuiā aut rosacea, tribuletur circiter, aliquandiu rudicula lignea in vase lapideo vel æneo, tecta sinatur subsidere horæ quarta parte aut paulò diutius, tūc aqua supernatans inclinato paulatim vase abijciatur: mox alia noua aqua superfundatur minori tamen quantitate sic vt sit sexquilibra, tribuletur, subsideat, aqua effundatur, quod tertio faciendum est, & quarto prout presens medicus iusserit; si vero nullus adsit medicus sufficiet ter fecisse: post aloē sole vel si hyems est, lento igne est exiccanda, & ad vsus recondenda. Melius autem lauatio fiet æstate quo tempore metalla ac reliqua medicamenta lauantur. Eligitur autē in hac aloës lotionē aqua pluuiā, vel rosacea tanquā tenues & astringentes, quare ob tenuitatem magis aloēn peruadent, astringitione vero confirmantem eius facultatem intendēt.

Et hęc de lotionē aloes & reliquorum medicamentorum dicta sufficiant.

IOANNIS
BRAVI PETRAFI-
tani Doctoris Medici, & rei
medicæ in Salmanticensi Academia
interpretis, De simplicium medi-
camentorum delectu &
præparatione.

LIBER SECVNDVS.

De Galanga.

CAPVT PRIMVM.



GALANGA radix est antiquis
medicis incognita: nobis autem
notissima. Hanc perperam pu-
tauit Musa esse verum Diosco-
ridis acorum, vt in sequenti capite videbi-
tur. Cum (vt ex Manardo constat in enarra-
tione electuarij de gemmis; Mesue) antiquis
medicis fuerit ignota. Depingunt eam opti-
mè Ruell. lib. 2. cap. 4. similiter Matthiol.
libro. 1. in Dioscor. cap. 2. in hunc modum.
Galanga radix est geniculis scatens; subru-
bra intus & extra; & in quosdam nodos
crassio-

crassiores ex interuallis intorta, sapore acerrimo, linguam admodum vellicante: odore cyperum quadamtenus imitante, quamobrem ab aliquibus herbarijs (testibus Matthiolo & Ruelio) cyperus Babylonicus dicitur, propterea quod ex Babylonia ad nos asportatur. Iure reprehenduntur fratres Mesuae commentatores à Matthiolo: putantes galangam esse radicem iunci odorati. Nam iuncus odoratus, schinantus est, cuius radix galanga esse nullo pacto potest. Radicem cyperi in aceto impostores cum pipere macerant & galangam mentiuntur. Detegitur fraus Ruelij & Matthioli testimonio in abractione, nā in adulterata intus nulla acrimonia fertitur.

Galanga Ruelij
Sententia laudatissima est.

{ ponderosa.
rubenti cortice.
gustui perquam acri.
odorata.

Quæ verò candicat & pōdere cedit, aut odore vacat, aut crebris scatet foraminibus, & in puluerem fatiscit, improbanda est. Tertio ordine calidam & ficcā faciunt. Concoctionem adiuvat, ventris dolorem à frigore ortum leuat, & flatum ab eo discutit, mastica tollit oris factorem, in nares immissa cerebrum

rebrum roborat, ac memoriam adauget, rutibus acidis opitulatur, deuorata aduersus omnes vteri frigidos affectus prodest.

C A P V T I I.

De Acoro.

A C O R V M quod ab Apulleio piper apum nuncupatur (eo quod alucarijs suspensum nunquam diffugere apes dicatur.) Herba est ad nostra vsque sæcula incognita: fecit certè herbariæ rei ignorantia, vt hætenus in legitimi acori locum rufa quædam radix, inutilis, inodora, gladioli cuiusdam lutei, passim in palustribus, & vliginosis quibusdam locis nascentis successerit; hæc itaque radix ad nostra vsque sæcula pro vero acoro accepta est, eo sanè argumento quòd folia & radices iridi similia proferat, quæ quantum facultatibus & qualitatibus à vero acoro recedat, Dioscoridem legenti patere poterit. Verum enim acorum Dioscoridis sententia candicans esse debet, gustu acri & odoratum. Radix hæc rufa est, inodora & acrimoniæ expers. Animaduersus fuit hic error primum ab Hermolao barbaro, mox à Manardo, Fuchsio & Matthiolo. Deceptus etiam est Musa asseuerans verum Dioscoridis acorum aliud non esse quā

cam acerrimam & odoratam radicem quam officinæ Mauritanos sequuntur galangam nuncuparunt. Maluit enim cum Leoniceno suo præceptore aberrare : quam cum Hermolao & Manardo benè sentire : siquidem galangam folia iridis habere nullo nobis testimonio constat. Cum sola radix ad nos afferatur, nec folia vnquam Europæ visa fuerint. Verum cum galanga cyperus Babylonicus dicatur rationi magis consonum est ipsam cyperi folia habere. Rursum verum acorum vt ex Dioscorid. habemus, album est & acre: galanga rufa admodum & acerrima, sed præter hæc ei etiam refragantur ea quæ Galen. lib. 6. de simpl. medicam. facult. scripsit nempe acori radicē gustui non solū acrem esse, sed etiā subamaram. Cuius amaritudinis galanga prorsus est expers, etiam si Musa bile fortè perfusus suam degustans galangam eā amaram fuerit expertus. Probatur præterea aliud esse acorum à galanga testimonio Serapionis de his seorsum proprijs capitibus agentis vt potè de rebus genere & facultate diuersis. Constat etiam hoc ex Actuuario qui in cōpositione aureæ Alexandrinæ acorum & galangam ponit tanquā res diuersas, quod idem fecit Nicolaus Myrepsius in suo antidotorum libro. Verū itaq; acorū erit vulgaris hic noster calamus
aroma-

aromaticus quod olim suspicatus fuit Hermolaus. Hoc etiam videtur sentire Manarà. lib. 6. epist. 3. dicens calamum aromaticum ignotum hoc nostro æuo esse, quod enim vulgus eo nomine vocat, radicem esse non calamum putat. Nec calami illius radicem, sed vel acorum esse (vt etiam suspicari Hermolaus quodam loco visus est) vel aliã quãdam rem nobis ignotam, & subdit: ego quoties acoro opus est non vulgari illa radice, & iniucundi odoris, sed vocato aromatico calamo vti consueui. Hoc itidem tanquam verissimum tenet Matthiolus. Quod si notas à Dioscor. de acoro traditas consideraremus, inueniemus certè illi omnes ad amissim conuenire, radix enim est iridi similis, geniculata, alba, acris, odorata, & amaritudinis non expers, folia etiam sicca, quę inter radices ad nos afferuntur, cõsiderauit Matthiolus & reperit folijs iridis similia esse.

Eligi debet Dioscoridis testimonio.	{	Densum
		Candidum
		Plenum
		Carie non exesum,
		Odoratum.

Calfacit & exiccat ordine tertio, autore Galeno libro. 6. de simplic. medic. facult. Vri-

nam mouet, & lienes induratos iuuat, ce-
ratoidis tunicæ crassitiem detergit simulq;
extenuat.

C A P V T I I I.

De Agallocho.

PRetiosissimum lignum ex Arabia & In-
dia, ad nos aduehitur, hoc Dioscor. lib.
1. cap. 21. Agallochum vocat. Medici
qui ex Arabia floruerunt à nonnulla simili-
tudine coloris aloës (vt arbitror) lignum
aloës nominant: officinis nomen hoc reti-
nuit. Lusitani quorum nauigatio totum
mare Athlanticum & Orientale domauit,
oculatum nobis testimonium exhibent in
insula Taprobana, & in alijs locis illi cir-
cumuicinis nasci ac gigni. Hoc paucis ab
hinc annis portari cœpit cum antea pro eo,
ligno quodam Rhodico vteremur, quod
ad nos imprudenter afferebatur. Quod
etiam, Ruelius verum Aspalathum existi-
mauit, Matthiolus quandam oleastri spe-
ciem. Agallochi in libro de simplic. medic.
facul. Galen. non meminit, nec alibi, nisi in
lib. de substitutis, vbi minus centaurum, pro
Agallocho accepit, verū ille liber (ni fallor)
Galeno adscriptus est.

Hoc

Hoc eligi
debet Dio-
scoridis sen-
tentia.

{ Thuiæ ligno simile.
Maculatum.
Odoratum.
Gustu astringens cum quadā
Graue. (amaritudine.
Cute inuestitum.
Aliquantulum versicolore.

Quod etiam cum suffitur vehementiorem
spirat odorem quam antea quam suffiretur,
& in ipsa crematione thuris modo lique-
scit, atque cum in aqua submergitur super
illud guttæ quædam emicant crystallum
vel margaritā æmulantes. Hoc tamen quod
ad nos affertur per Lusitanorum nauigatio-
nem tantum bonitate atque præstantia ex-
cellit, vt etiam non suffitum aut crematum
suauissimè odoratum experiamur, cum id
quod in Italiam per Venetos deportatur
tantæ præstantiæ non sit, vt ante crematio-
nem odoret, ita Matthiolo, affirmante. Cau-
sa autem huius diuersitatis est quia hoc no-
strum ex insula in qua nascitur à Lusitanis
euellitur, id tamen quod in Italiam affertur
ex flumine Gange colligitur. Quod secum
(vt autor est Serapio) quam plurima frag-
menta desert, præsertim cum pluiarum co-
pia incrassatur & crescit. Cuius rei testimo-
nium præbet id quod Venetijs venditur: to-
tum enim (vt refert Matthiolus) dilaceratū,

ruptum, & rasum ex longo aquæ cursu videtur, atque ob id sola contrectatione sine igne, vt ad nostram Hispaniam allatum, minime suauiter odoratur. Thuia arbor est cuius meminit Theophrastus lib. 3. de plantarum historia cap. 6. & lib. 4. cap. 1. & lib. 5. cap. 5. ego aliquando suspicatus sum hoc lignum rhodicum (cuius supra memini) Thuiam esse, mouit me primum Dioscor. dicens agallochum simile esse Thuiæ, quæ similitudo maximè reperitur inter hoc lignum rhodicum & agallochum. Suspicionem etiam adauget Theophrastus cap. 5. libri. 5. de plantarum historia, thuiam cupresso assimilari, & per multum tempus incorrupta perdurare dicens, quod illi non nisi ex magna densitate prouenire potest: quæ densitas si in vlllo alio maximè in ligno rhodico inuenitur, suspicatus etiam nonnunquam fui per thuiam thædam intelligi posse, partem videlicet pinei ligni obessam resina ac veluti strangulatam. Agallochum (Serapionis autoritate) excalfacit & exiecat ordine secundo, quod etiam commanducatum aut collutum iucunditate sua his os corrigit quibus id maxime fatet. Imbecillum firmat stomachum siue ventriculum, cor vehementer roborat, iocinoris infarcti vitia expedit, modernè etiam his, quibus humido lentore stomachus

stomachus languet ita de eo scribentibus
Paulo, Dioscor. & Auicenna.

C A P V T I I I I .

De Margaritis.

PRETIOSÆ admodum res sunt mar-
garitæ, quæ non modo ad mulierû ho-
minumq; cultum, sed etiam ad medica-
menta maximo luxu expetuntur, maioriq;
multo pretio apud proceres habebantur quâ
par esset profectò, vt ex illo vnico Cleopa-
træ vnione ab ea coram Marco Antonio in
aceto dissoluto perspicuè probari potest
qui à iudicibus coenæ, ducentorum quinqu-
ginta mille aureorum fuit in æstimatione,
ita Plin. lib. 9. hist. mundanæ. cap. 35. scri-
bente. Latinis margaritæ & vniones dicun-
tur, Hispanè perlas, & aljofar. Licet (vt Mu-
sa de eis verba faciens scribit) hoc nomen
perla omnibus ferè gentibus commune sit,
pauca admodum intercedēte varietate, dicū-
tur vniones nō vt aliqui opinantur quia vna
tantū in vna tantū cōcha reperiatur. In qua
opinio est Solin. cap. 56. Nā vt autor est
Petrus Martyr Decada. 3. c. 10. in India Hi-
spaniæ. 120. vniones in vno cōchilio sunt re-
perti. Et qui per Indicā nauigationē iter fece-
re Lusitani, 130. vniones vna cōcha captos

fuisse testantur. Sed dicuntur vniones (vt Plin. ait loco supra citato) quia nulli duo reperiuntur indiscreti. Hos Græci medici Actuarius antiquiores silentio prætermiserunt: cæterum Actuarius eorum ineminit libro de comp. medicamentorum in antidoto Aureo Alexandri. Et in antidoto dimargarito, eosque vniones & margaritas vocat. Animalia quæ margaritas gignunt in Oceano Indico nasci scribit Plin. sed fertiliorem eorum prouentum dicit esse in Oceano Taprobanæ, & circa Arabiam Felicem in Persico sinu maris Rubri. Certum itidem est nasci & capi margaritas in Oceano Septentrionali Scotiæ, & Anglico & Britannico sinu: sed eas quidē paucas, nec adeo pellucidas vt Orientalibus comparari possint: è quibus contextum thoracem quem Dianæ templo Iulius Cæsar dicauit, fuisse asseuerat Plinius. Ad hæc non in mari tantum, sed etiam in fluminibus aquæ dulcis conchæ proueniunt quæ gestant margaritas. Huius rei testimonium perhibet Matthioli dicēs ab ipso in Bohemia degente, in Hugotaba flumine, compertas fuisse conchas quæ pulcherrimos vniones includebant, magnitudine, forma, & candore præstantes. Earum origo vt tradidit Plin. hæc est, tempore quo hæc conchilia ad generandum stimulantur,

pan-

pandunt se se & quadam oscitatione, rore
fœcundo implentur: quæ postea gravidæ
factæ pariunt, partusque concharum sunt
margaritæ, quæ varietatem accipiunt pro
varietate roris accepti. Si purus influxerit,
candorem concipiunt, si vero turbidus sor-
descunt, exdemq; pallide sunt cælo nubilo.
Ex quibus constat aeris eis maiorem socie-
tatem inesse quam maris. Si eadem conchi-
lia tempestiue satientur, partus grandescunt,
si fulguret comprimuntur: nec satiantur ac
pro ieiunij modo minuuntur margaritæ. Si
tonuerit panescunt, ac repente comprimun-
tur, & euanidi vniones sine corpore confi-
ciuntur: tuncque sunt conchiliarum abortus.
In aqua, mollis vnio apparet, exēptus pro-
tinus durefcit. Illorum omnis dos in candore,
magnitudine, orbe, læuore, pondere, con-
sistit vt Plin exacte scripsit. Quare Plinij &
Serapionis autoritate margaritæ eligendæ
sunt.

- { Magnæ quo enim maiores eò melio-
Claræ & perspicuæ. (res.
- { Albæ.
- { Læuorem habentes.
- { Graues.
- { Rotundæ.

Duo illarum genera noua medicina agno-
scit vnum perforatarum, aliud non perfora-

tarum quando perforati vniones despiciuntur, illi sunt qui natura aliquod habet foramen quia aliquem malum affectum acquisi-
uere: non perforati simpliciter probatiores sunt. Quanuis qui aliqua sunt arte perforati despiciere non licet. Cauendum tamē nē diu
præparatis vtamur, nam (vt Musa scribit, & nos ipsi aliquando vidimus) in puluerem re-
ducti vires amittunt & facillè possunt adul-
terari. Margaritæ refrigerant & exsiccant or-
dine secundo, vt ex sententia Rasis attulit Se-
rapio. Quæ etiam cor mirum in modum ro-
borant, tristitiam abigunt, mentem exhila-
rant, cordis sanguinem purificant & at-
tenuant: morbis à melancholia ortis meden-
tur, visum acuunt, & abstergunt, falsas abo-
lent imaginationes, oculorum humiditates
exsiccant, cordi trementi succurrunt, æstuan-
tem corporis calorem extinguunt, collirijs
oculorum & medicamentis cordialibus in-
duuntur: ita enim de eis Arabes sentiunt: om-
nesq; qui de illis latius scripserunt.

C A P V T V.

De Camphora.

Camphora gummi quodam esse in in-
tima arboris cuiusdam parte inuentū,
quasi medullæ locū occupans ab Ara-
bibus

bibus habemus. Quam arborem læuem esse & ferulaceæ naturæ tradunt, tantæque magnitudinis vt sub ea hominum centuriæ cõdi possint: cum frequentibus fulguribus cælum coruscat, aut crebro tonitru cõstrepat, vel cum terra motu concutitur, largioris huius prouentus præsagiũ erat. Lusitani qui meridionale pelagus nauigarunt in insula Burnei camphoram inueniri dicunt: & qui in illa regione sunt, gummi arboris esse tenent. Illam frigidam tertio ordine medici ponunt, & æstuatẽ corporis ardorem extinguere affirmant. Legitimæ camphoræ probatio autore Ruelio lib. 1. cap. 26. de stirpium natura, talis est. In calido pane camphora ponatur, & si humore madeat, sinceræ est argumentum: sin contra perarescat spuria & factitia certitudo est. Caterum perniciosus error irrepsit in vulgus, vt pro vera camphora re quadam factitia, acri, mordaci, facile inflammabili, odorata & calida quondam fuerit vsus. Quare cum vera camphora careamus, & hæc qua vtimur spuria sit & à vera longè distans, ne in re nobis ignota temporis aliquam faciamus iacturam, ideo hac omissa ad alterius medicamenti examen accedamus.

*C A P V T V I.**De Myrrha.*


MYrrham lachrymam esse arboris cuiusdam in Arabia nascentis à Dioscoride habemus, ex cuius arboris vulnere lachryma hæc in subiectas segetes defluit, alia circumcaudicem concrescit. In arboris effigie describenda Theophrastus, Dioscor. & Plin. aliquantulum variant, forte quidem quia non semper vna spectatur effigie, vt Ruelius est autor libro. 1. cap. 98. Plin. tamen lib. 12. cap. 15. myrrhæ arboris effigiem diligenter expressit hisce verbis, myrrham in eisdem syluis vbi & thus, nasci aliqui tradidere, arboris altitudo quinque cubita attollitur, spinoso caudice, duro & in torto crassioreq; quam thuris, cortice læui vnedoni simili constat, folio etiam oliuæ crispiori tamen & aculeato. Quatuor eius species connumeravit Dioscor. troglodithicam, caucalim, ergasimam, & amineam: primasque tenere troglodithicam dicit, caucalim vero ergasimam & amineam improbari. Licet Galen. lib. 1. de antidotis cap. 14. amineam vt meliorem laudarit, forte diuersum myrrhæ genus à Dioscoridis genere intelligens vt Matthiolus sentire videtur. Bona nos myrrha carere censet Manard. libro. 6. epist.

epist. 3. diuerso in nostra & antiquiori myrrha reperto odore, motus: quia hæc inquit quæ apud nos myrrhæ loco habetur pro odore suauis teterrimum virus obolet. Mandardum sequuntur Musa & Matthiolus, qui putant veram myrrham ad nos non afferri, vel si affertur esse illam speciem deteriore a Dioscor. dictam caucalim & ergasimam: quod sic probare nituntur: optima myrrha Dioscor. testimonio, debet esse viridis, pinguis, acuta, odorata, vndique concolor, & in eius fractione internatos quasi vngues candidos ac leues ostendens; hæc vero qua vtimur est sicca, torrida, nigra, pallida, puluerulenta, & pessimo odore prædita. Vnde ipsi colligunt hæc nostram optimam non esse. Aliquam veram ad nos adportari non negat Matthiol, verum ita raram & paucam putat, vt non nisi ad ostentationem ferretur, & ad aliarum dignoscendarum regulam. Musa pro comperto affirmat hanc nostram esse verum antiquorum: Bdellium cui Matthiol. non assentit, quia nec transparens & pellucida apparet, & si talis aliquando reperitur potius gummi adulteria sunt, quàm myrrha. Nec incensa vt odoratus vnguis suauem odorem spirat, cum Bdellium Dioscor. testimonio, translucidum taurini glutinis in morem sit, & suffitu vnguis odorati similem

lem odorem habeat. Addit etiam Matthiol. aduersus Musæ sententiam, Bdellium digitis ductum tractumq; facile lentescere, & cō fractum intus pingue expectari, hæc vero quam habemus myrrha digitorum attritu conteritur & fracta perquam aridam se se offert. Verum si sensibus iudicanda res est, certè diligenter intuēti quam plurima fragmenta optime passim occurrunt, quæ omnibus vel saltem pluribus dotibus quas antiqui bonæ adscribere, prædita sunt: quæ etiā suffita suauem odorem spirant, licet antequam cremarentur illum non spirarent siquidem nō omnia similiter spirant. Vt Ruellius lib. 1. de natura stirpium cap. 18. optime quidem intellexit, sic scribens: quædam non nisi detracto cortice, quædam verò non nisi vsta, vt thura, myrrhæque. Inueniebatur Galeni temporibus in optima myrrha opocalpassum, quod intra corpus assumptū mortiferum est venenum: vt ipsemet Gale. lib. 1. de antidotis cap. 11. scribit: est autem opocalpassum lachryma seu succus, calpalsi arboris cuiusdam venenosi atque lethalis. Manar. lib. 6. epist. 3. male hūc Galen. locū interpretatur, pro opocalpasso, opobalsamū legens, putansq; opobalsamum in optima myrrha inueniri, quod Gale. nec somniauit quidem, sed nec in eruēdo huius Galeni loci

loci vero sensu, ab errore immunis fuit, Matthiol. dicēs: myrrhā opocalpasso adulterari cū nō hoc dicat Galen. sed opocalpassum in optima myrrha inueniri, hoc est nasci eo modo, quo in casie plāta cinammomi virgulta aliquot nascuntur. Quod vero ad electio- nem eius attinet præfens declarat schema.

Myrrha eligenda est Dio- scoridis testimo- nio.	Recens
	Squalore obsita
	Leuis
	Vndique concolor
	Fracta internatos quasi vngues candidos ac leues ostendens.
	Minutis glebis,
	Amara, Acris Odorata Calfaciens.



Lib. 2. de comp. med. per genera. c. 9. & 6. de comp. med. per locos. c. 1. tit. de mediorum pharmacorū cōpositione, emplastris & alijs cōpositionibus myrrhā recipientibus adijci debere docet Galen. cum medicamētum ab igne tollitur, vt pote ipsam coctionē nō ferentē, & 8. de simpl. med. facul. ordine. 2. cal- facere & exiccare affirmat. & lib. de substitu- tis, eius loco odorato calamo vtitur. Cōstāti- nus verò eodem amararū amygdalarū pōde- re. Myrrhæ tantæ sunt facultates, vt dicat Ma-

Manar. lib. 18. epistol. in fine epist. 1. nō esse
ferē antidotū cui myrrha nō misceatur, idq;
ob varios eius vsus. Caput sopore grauatur,
agglutinat, astringit, resiccat, menses trahit
putredini adeo resistit, vt mortuorum etiā
corpora à corruptione præseruet, scorpion-
um ictibus utilis est, vermes necat, contra
veterē tussim magnitudine fabę deuoratur.
Horrores febrium discutit, duabus horis an
accessionem cum pipere & aqua pota: subie-
cta linguæ, suctu gutturis scabriciem emen-
dat, obtulam vocem expedit commanduca-
ta, graues halitus oris, & ingratum spiritus
factorem abolet. Has enim & alias quamplu-
rimas facultates ei posuere Galen. Dioscor.
& Plin. atque alij.

CAPVT VII.

De Myrrhæ stacte.

Libro. 1.
cap. 61.

STACTE Dioscoridi, myrrhæ recen-
tis exigua aqua rufæ, pingue serum est
organo quodam expressum. Plin. lib.
12. cap. 15. non ex myrrhâ arte exprimi, sed
ex ipsâ arbore naturaliter stacten prodire
scribit. Quo loco de myrrhâ arboribus ver-
ba faciens sic inquit: Sudant prius sponte
quam incidantur stacten dictam, cui nulla
præferatur. Stacte nominatur vt voluit
Ruelius

Ruelius lib. i. c. 98. quoniā ē stillatitia myrrha fiat. Summē aberrare eos, qui stactē speciem myrrhæ contra alias distinctā esse arbitrantur, optimē à Musa animaduersum est, cū ex omni specie myrrhæ stactē fieri possit, præsertim si pinguisima est. Hanc Serapio & medicorum vulgus styracem liquidam appellant, cum vt suprà dictum est, ius sit potius vel pinguisimus myrrhæ flos, machinis extractus. Esse verò Dioscoridis stacten liquorem eum qui à Serapione liquidus styrax nuncupatur, vtriusque capita conferenti facile constabit. Omnia enim ea quæ Dioscorides de stactē scripsit, in liquido styrace cap. 46. ad verbum transtulit Serapio. Stactē Dioscoridis testimonio probatur puritate (commendatissima enim quæ impromiscua & oleo est libera, & perquam odorata.) Eadem quæ myrrha præstat, sed efficacius, cum Dioscor. sententia, minima stactes portio cōpos sit virium plurimarū.

C A P V T V I I I.

De Styrace.

STYRAX autore Dioscor. lib. i. cap. 67. lachryma est arboris cotoneo malo similis, quæ ex Pisidia & Cilicia deuehitur, nascitur etiam in Creta, sed illa uolubilis

his si Plinio creditur lib. 12. cap. 25. Prestantissimus tamen styrax ille est qui in Pamphilia nascitur, qui licet paucissimus, tantum ab alio distat quantum à vino quod in tabernis venditur Phalernum. Ita Galen. doceat lib. 1. de antidotis cap. 14. Vnde eiusdem testimonio è calamis asportatur, hinc à nostratibus medicis styrax calamita dictus est. Nam cum optimum styracem intelligere volunt semper calamitæ cognomen apponunt. Quare merito à Musa reprehenditur Pandeſtarius putans calamitem ab styrace, specie differre: huius etiam erroris non fuit iuuenis Nicolaus in compositione aliptæ muscatæ, ponens calamitem styracem, & calamitem rubrum tanquam specie diuersos, reuera tamen vt ex Galeno loco supra citato colligitur, optimus styrax calamita dicitur, qui propterea quod ex Pamphilia in calamis affertur, calamitæ cognomen accepit. Hic etiam Galeni locus Manardo dedit occasionem libro. 8. epistola. 1. titulo de styrace, putanti vitium esse in litera Dioscoridis vbi habet gabalites, nam legendum esse calamites censet ad Galeni normam loco supra citato. Verior enim est Marcelli sententia vertentis gabalites cui patrocina-tur Plin. loco supra citato. dicens in Syria Iudæa proxima supra Phœnicem styracem gigni

gigni circa Galba & Marathunta & Castium Selenci montem. Dioscor. è Galbanis euchi scribit, quod prorsus idem est. Quod ad electionem eius attinet Galen. supra citato loco maximè pallidum, odorem, saporemque vehementissimum habentem accipiendum esse scribit. Dioscorid. ramen consummatam eius doctrinam & electiones dedit, quæ præsentî schemate comprehenduntur.

Styrax Dioscorid. testimonio præfertur.	{	Sordescens.
		Flauus.
		Resinosus.
		Albicantibus gummis.
		Quamplurimū in sua odoris gratia remanens.
		Emollitus melleum liquorem reddens.

Improbatur.	{	Furfurosus.
		Friabilis.
		Niger.
		Cano situ obductus.

Styrax Dioscor. & Galen. testimonio lib. 8. de simplic. medic. facul. excalfacit, emollit, concoquit, tussi medetur & faucium atque pectoris vitij, vuluæ præclusæ, duritiæve

laboranti opitulatur, cit menses potus, ap-
positusque aluum emollit, neruorum no-
dos illitu discutit. Lib. 2. de comp. med. se-
cundum locos, cap. 1. titulo de capitis in fe-
bribus dolore, dicit Galen. styracem paucū
potatum, vultus tristitiam discutere, mul-
tum vero somnos turbulētos dementiamq;
inducere.

C A P V T I X.

De Moscho odorato.

PRodigiosum naturæ miraculum vide-
re est, nempe animal quoddam Indicū
pretiosissimum odoris genus ex umbi-
lici vomica quotannis expromens: cum in
reliquis animalibus erumpentes abscessus
non nisi quidpiam olidum, putre ac færens
eruētent: quod à recentioribus Medicis,
moschos appellatur. Nam antiqui, hoc est
Hippoc. Diosco. Teophrast. Galen. & Plin.
nusquam de moscho loquuti sunt (intelligo
autem de nostro vocato moscho odorato)
quia muscum herbam, & arborem, & mari-
num muscum ad vnguem tractauerūt. Græ-
ci quidem posteriores vt Ætius, & Paul. mu-
sci quidem vel moschi meminerunt, quid au-
tem sit non exprimunt, sed apud ipsos in
compositionibus quibusdam mistus inueni-
tur,

tur, vt apud Ætium licet videre, lib. 4. ferm. 4. cap. 12. & deinceps in omnibus cōpositio- nibus quas moschatas appellant ob id quia moschum recipiunt, in ijs mistum inueni- mus. Cæterum nusquam eius naturam & ge- nationem explicuerunt. Licet Ruel. libr. 1. cap. 27. de natura stirpium longissimam ex Ætio sententiam afferat: quam certè nus- quam mihi apud Ætium videre licuit, licet non ignorem opuscula quædam sub nomi- ne Ætij diuendi: quæ tamen autore Matthio lo lib. 1. in Dioscor. cap. 20. sunt potius Si- meonis cuiusdam Septi.

Nunc tamen quæ Serapio. cap. 185. de moscho memoriæ mandauit expromam. Moschus omnis eo autore in vmbilico cu- iusdam animalis gignitur quod capræ simi- le est vnico armatum cornu prægrandi, cor- poreq; peregrina hæc capra figura ab alijs non dissidet, sed dentibus tantum caninis di- screpat, quos verrium more exertos palmi longitudine gerit, quam capram incolæ ga- zellam nominant, nos capram vel dorcadē peregrinam nuncupare possumus. Musa qui sæpè hoc animal vidit eò quòd Alfon- sus Ferrariæ Dux frequenter illud in deli- cijs habuit, in colore ceruo simile dicit esse, dorcade aut capreolo paulo maius & non- nunquam æquale: in figura capreolo simi-

le, ungues multifidos habens vt capreolus, esseq; dicit agile valde & velocissimè currens. Huic itaque animali (ait Serapio) in venem ruenti, quasi furijs stimulatò vmbilicus intumet prægrandi quadam vomica in qua congeritur crassior sanguis, quo tempore & pabulo & potu fera abstinet, in terraq; erebro voluitur qua versatione vmbilicum turgentem lutofo, sæculentoque sanguine, qui ibi coierat exprimit, sic molestiam aliquo modo demulcens: concepta sanies anteaquam vomica rumpatur suapte natura ad maturitatem expectat, ad quam cum ventum fuerit fera titillantis humoris lancinatu noxio lacefsita, coribus & saxis se se longo insolatu candētib; affricat magno oblectamento, donec rupta vomica tota saniei vis à ventriculo supra lapides effundatur non aliter quam abieffus pure eq̃cto fractus disiliit, ita vētriculus maturo humore per naturam exsaniat, vltusq; postmodum dicit cicatricem. Rursumque ruens sanguinis imperus eò se recipit impletque vmbilicum dum abscedens in consimilem vomicam extuberet.

Cæterum indigenæ qui loca vbi versantur huiusmodi feræ ad unguem norunt saxa facile deprehendunt quibus fusa colluuijs & candenti sole resiccata cohæsit. Sed hoc

hoc animal hanc egestam sanie[m] abditis
cotibus reponit, unde colligitur vt tran-
seat in usus nostros. Hunc igitur incolae
metunt, & vtriculis ferarum earum asser-
uant, quas venatu captauerant. Hic mos-
chus multo venditur, dignus quo reges
& principes exornentur, nam in pretio-
sa odoramenta venit, & quotidianis ve-
stium suffimentis est dicatus quo tædia ala-
rum, narium, & graue sudoris virus abole-
tur, & si corpus habitum expiret in sua-
uem: ille hac odoris gratia etiam occul-
tatur. Et vt summarim dicam omnia qui-
bus miscetur odoris iucunditate commen-
dat: & tam latè fuscque iactat odorem,
vt eius momentum confestim domos im-
pleat, huncque diutissimè seruant qua-
eumque eo fuerint imbuta. Quod si ali-
cui mirum videatur quo modo pus adeò
redolere possit: non esse mirandum, re-
spondet Musa: quia omnibus non redo-
let, imo aliquibus ita displicet vt noceat,
alii illum odorantes capitis dolores incur-
runt, alij attonitum morbum, mulieres
præfocationem vteri. Possumus etiam di-
cere (vt idem Musa optimè animaduert-
tit, esse amicitias & inimicitias inter odo-
rabilia & animalia odorantia, sicuti sunt
inter alimenta & alita, nam nobis huma-

ol. 111

nū stercus mirè displicet, nō solū ob odorē, sed & visu, tamen canes & gallinæ eo vescuntur tanquam re odoratissima, quia eorum odoratus à nostro longè diuersus est: & multis brutis sapiunt quæ nobis amara videtur: ideo non mirum si hominibus id quod pus est alterius animantis redoleat cum in maturitatem peruenerit, nam id quod ab ipso animali immaturum discerpitur non tantum olere referunt. Colligitur tale sic. Venatores (ait Serapio) præteritis cassibus aut laqueis insidias moliuntur & interdum captant, aut sagittis vel missilibus enecant, à quorū umbilicis vomicæ folliculum, sanie immatura oppletum discerpūt. Sed præcox adhuc hic moschus tetro & insuauis odore displicet, verum tantisper libero aëre suspendunt, dum ab actō prorsus fatore maturuerit. Is hac cōcoctione perfecta miram sibi conciliat suauitatem licet non parem illi qui ab animali spontè erumpit. Simile quippiam in arborum fructibus fieri consuevit, qui præcoces decerpti, tandem exusta acerbitate & dulces & suaue olentes euadunt. Duo moschi genera ambo ex locorum varietate desumpta cognouit Serapio. Tum bacinum nempe & fenitaceum, tum bacinum antepōnit odoris suauitatem, quam odoris præstantiam caprarum pabulo refert acceptam: quæ
nardo

nardo inibi copiosa nascente cæterisq; odoratissimis herbis eo loco prouenientibus vescantur. In senitarum quidem agro capras herbas odoratas pasci etiam dicit, sed odoribus impares. Addit etiam tumbacinos hanc faniem è vomicæ folliculo non eruere, sed blandienti cæli serenitate, ab ipsis saxis in quibus ab animali excidit, probam & iam maturam colligere. Senicos vero vomicæ ventriculum exprimere, & inclusam immaturamq; faniem expromere, adulterijs permiscere, & nubilo parumq; arridenti cælo vitreis vasis recondere. Auicē. cap. 464. addit, citrinum, idest luteum cæteris perfectiorem esse. Nobis huius coloris moschum hactenus videre non licuit, nisi per citrinū, ferrugineum, vel passeum colorem intelligamus vt Musa optimè animaduertit, quo colore præstantissimum moschum præditum esse comperimus. Adulteratur sanguine hircino. Verum tali dolo fucatus, cum digitis subigitur, quædam fragmenta veluti sanguinis trombi in digitorum attritu adinueniuntur, cum tamē sincerus multum friabilis sit. Alij rubra terra adulterant, cuius probandi ratio (vt docet Ruellius libro. 1. cap. 27.) hæc est in peluim humore perfusam, vel labellū post examinatum trutina pondus, immittunt, postea iterum æqua lanea ponderant:

K 5 quod

quod si protinus ad stateram reductum superferatur, synceri & legitimi experimentum putat, si repens cedat & pondere degrauetur spurij indicium existimant. Syluius lib. 1. method. compon. medic. melior est, inquit, subflauus quam nigricans, & qui pelui humiditatz immixtus lenior euadit quam qui grauior. Nam cum ille adiposus & oleosus sit aqua in se non coimbitur: quare haec sincerius nota est non mediocris, quem admodum rubea terra adulterati contraria. Non desunt qui tradant sinceram naribus inditum sternumenta eiere. Calidum in 2. & siccum in 3. posuit Serapio. Auicenna loco citato calidum & siccum recessu secundo esse dixit, verum magis siccum esse quam calidum indicat excellens odor. Nam auctore Arist. lib. 2. de anima cap. 9. in fine, odor omnis in sicco fundatur. Cuius vires ex Auicenna & Serapione haec sunt, cor frigidum ac tremulum roborat, & omnibus ipsius affectibus frigidis opem praestat potus atq; illitus, detergit tenues oculorum albugines, & humidas defluxiones exiecat, cerebrum roborat, & diuturnum capitis dolorem demulcet, si a frigore proveniat, eius etiam odore uterus mire retrahitur. Propterea eius usus maximus est in uteri strangu-
 latione.

C A P V T X.

De Ambaro.

ALIVD habetur odoramenti genus, quod recentiores medici modo ambram modo ambarum nominant: res noua (vt ait Manardus in expositione elle&uarij de gemmis Mesuz) & quæ post Galeni tempora, in medicinæ vñum deuenit. Quid autem sit adhuc apud medicos controversum est. Serapio. cap. 196. nonnullorum refert opinionem dicentium in mari ambarum non secus atq; in terra fangos nasci sœuientibusque procellis agitatam pelagus, id e maris profundo in litus abijcere, tum homines qui præsentant maris insultus ad vada se conferre & ambarum à mari eruatatum colligere. Aliorum etiam tradit opinionem tenentium piscem quendam cetaceum, nomine azelum hoc ambarum comedere, quo esu sibi necem consciscere ipsumque mortuum supra vndas natantem insulanos coniectis vncis & funibus extrahere, ambarumque cæso ventre eximere. Sed quod proximè spinam dorsi inuenitur coactum, omnibus alijs præferri. Vtpotè quod & purius & sincerius reddatur: longioremque moram in piscis ventre fecerit. Hinc Paudetarium & alios medicos credidisse

didisse arbitror ambarum esse sperma ceti
verè tamen ambarum diuersis in maris lo-
cis scaturit, vt Auicen. lib. 2. cap. 62. litera-
rum monumentis tradidit. Fontes autem
hosce ambarum hoc eructantes, quemadmo-
dum fontes bituminis, sulphuris, & similiū
dicit esse. Quam opinionem ego veram esse
cenſeo. In regionibus occidentalibus hoc na-
ſci tradit Serapio à quibus locis ad nos etiā
deuehitur. Ambram griſiam & aſebeliticam
laudauit Auicenna quam omnibus alijs præ-
tulit: eſt autem aſebeleti color cæruleus, gri-
ſis color eſt qui noſtra Hiſpania dicitur
pardo griſ, quibus coloribus optimam am-
bram præditam eſſe debere, & ſuauiſimè
olentem, in hac re peritiſſimi tradunt. Poſt
hanc laudauit Auicen. variam, mox citrinā,
omnium infimam & deterrimam nigram
eſſe protulit. Calidam in ſecundo, & ſiccā
in primo poſuit Auicenna. Optima pluri-
mo venundatur pretio, & in pretioſiſſimas
antidotos venit, nempe in ellectuarium de
geminis, galliam moſchatam, aromaticum
roſatum, confectionem alchermes, & alias
pleraſque, quotidianisq; odoramentis eſt
dicata: licet Manardus loco citato non tanti
faciat quanti æſtimatur, re vera tamen vt
ſcribunt Serapio, Auicen. ac Ruelius libr. 1.
cap. 27. & Matthiol. lib. 1. in Dioſcor. c. 29.

cerebrum & cor mirum in modum roborat, omnesq; sensus vegetiores efficit, quare senibus & frigidis omnibus auxiliatur, in vinum iniectam vehementer inebriare & temulētos homines reddere, Ruelius & Matthiolus prodiderunt: item amissā restituit memoriam, mentem exhilarat, & aërem pestilentem emendat: quare in pestilentia commendatur.

*C A P V T X I.**De Zibeto.*

MOscho simile quippiam eruitur è genitalibus locis feræ cuiusdam quam recentiores medici peregrino vocabulo zibetum nominant. Ea autem feli qui in veteribus ædificiorum ruinis oberrat non absimilis, è cuius natura sordes innat odoratissima, quæ solet præcipuè purgari, cum pars ea hac scatet vligine, hæc recenter ab animali euulsa tetrum & insuauè spirat odorem: cæterum vase vitreo recepta & diu insolata aërique exposita miram sibi odoris conciliat suauitatem. Si cauernulæ umbilici admoueatur tradunt conuersum in alterutram partem vterum in suam resiliere sedem, aut si sursum versus impulsus, opprimat, subito eò deuocari, tam amens huius

ius odoramenti vterus est vt ad id vnde cūq;
admotum irrepit.

Reddunt interdum & feles syluestres &
mures moschi odore recrementum vt sæpè
in diruptis agrorum & edificijs vidimus. Sed
id acceptum ferendum est, tum peculiari il-
lorum naturæ, tum odoratis fruticum cibus
quibus aluntur.

C A P V T X I I.

De osse de corde cerui.

A Ristoteles lib. 2. de histor. animalium
capit. 15. magna animalia & genus
quoddam boum suo in corde ossicu-
la continere refert, quam sententiam lib. 3.
de partibus animalium capit. 4. idem tenet
Arist. dicens, cor sine osse est, omnium quæ
nos nouerimus, præterquam equi & gene-
ris boum cuiusdam, quibus præ magnitudi-
ne quasi adminiculum positum est. Confir-
mat hanc sententiam Galen. lib. 6. de vsu par-
tium cap. 19. his verbis, quoniam autem os
inuenitur in capite cordis in magnis anima-
libus, rationabile vtique erit, & illius vti-
litatem non præterire. Est autem forsan,
& ab Aristotele dicta huius utilitatis ra-
tio, firmitatem enim aliquam & sedem cor-
dis ait esse id os. Et propterea in magnis
ani-

animalibus inueniri. Manifestum enim est quod in magno thorace, magnum cor pendens, rationabile fuit tali indigere particula. Et deinceps dicit hoc os esse cartilaginosum. Tale os cartilaginosum in cordibus magnorum ceruorum quotidie nostris temporibus inuenitur: & Musæ duo dissecanti ceruorum corda apparuit. Hoc tamen discrimine habito, quod in recenter mortuo hoc os rpparet molle & magis neruosum, in illo verò qui per. 6. dies interfectus fuit, os est durius & cartilaginosum magis. Quare merito Andreas Vesalius reprehēditur à Matthiolo lib. 2. in Dioscoridē cap. 52. eo quòd negauit in ceruorum cordibus talia ossa adinueniri, cum experimento & grauissimorum autorum testimonijs contrarium potius innotescat. Non defuerunt etiam Galeni tempore medici hoc istud negantes, quorum ignorantiam ac circa anathomen imperitiam Galen. improbens libro septimo de anothomicis administrationibus capite decimo, discipulis suis iubebat vt hoc miraculum illis non manifestarent qui adeo sunt improbi, vt non ignorantiam suam incusent, sed veritatem negent: ac eos qui sua industria adinuenerint, derideant. Inuenitur itaque in cordibus magnorum ceruorum hoc ossiculum. Cuius
facul-

facultatis licet non meminerunt antiqui, in
 niores tamen medici (è quorum numero
 vnus est Matthiolus in disquirendis rerum
 naturis diligentissimus) eo experti sunt, tan
 quam medicina pretiosa, ad cor tremulum
 & infirmum, firmandum & corroborandū,
 & aduersus quælibet venena mortifera, &
 aduersus pestilentiam, quare cordis epite-
 matis & alijs antidotis à medicis cōcinnatis
 aduersus pestem & venena iure optimo in-
 ditur. Hoc tamen vnicè cauendum est nè
 falsum & adulterinū ab impostoribus ema-
 tur. Musa enim & Matthiolus maximè cō-
 queruntur ferè omnia hæc ossicula quæ pro
 his ossibus venalia habētur, boum, vel vac-
 carum esse cartilagine, quæ concinnantur
 ex trachea arteria horū boum, similiter &
 ex ligamentis crurum ipsorum ceruorum.

CAPVT XIII.

De Opio.

OPIVM auctore Dioscoride libro. 4.
 cap. 67. lachryma est ex capitibus ni-
 gri papaueris cultello aliquo incisis
 stillans. Excipitur autem hæc vt vult Pli-
 nius lib. 20. cap. 18. vel lana vel pollicis vn-
 gue, vel lactucarum folijs. Verum hoc quo
 vtimur (vt probè Matthiolus sentit) meco-
 nium

niū est & non opiū. Est autē meconiū testi-
bus Plin. & Dioscor. succus expressus ex ca-
pitibus & folijs papaveris nigri, opio quidē
ignauior. Gal. tamē lib. 3. de simp. med. fac.
c. 20. meconiū simpliciter dixit esse papaue-
ris succum. Opiū enim Dioscor. sentētia can-
didū est, quo candore cū nostrū careat, opiū
esse nō potest. Adulterabatur Dioscor. tem-
poribus vel glaucio vel succo lactucæ, vel
gummi. Glaucio adulteratum cum diluitur
croci colorē reddit, tale est ferē omne quod
ad nos affertur, si Matthiolo credimus. La-
ctuceo succo effictum exiliter spirat, aspe-
riusque spectatur, gummi verò vitiarum
splendescit, & ignaum existit.

Graue.

Densum.

Gustu amarum.

Odoratu soporiferum.

Hoc Dio-

Facile aqua diluibile.

scor. sen-

Leue.

tētia opti-

Candidum.

um ha-

Nec asperum nec grumosum.

-betur.

Quod inter colandū nō vt cera

In Sole diffusile.

Ad motum lucernis non atra

flamma collucens.

Extinctum denique odoris suā

vim conseruans.

L

Eadem

Eademmet tradunt Plin. & Oribasius libro. 2. de virtute simpli. cap. 3. De opij temperamento ambigitur apud aliquos, nam licet omnium medicorum testimonio, quarto sit ordine frigidum, amaritudo tamē, mordicatio & exulceratio toto ore & gustu percepta, odoris grauitas, facilis inflammatio non mediocris sunt caliditatis argumētum. Verum quia in effectibus apparet refrigerare, ideo experimento & autorum grauissimorum testimonijs standum est, nam prædicta omnia euenire possent, propterea quod compositum est ex partibus quibusdam tenuibus, acribus propter quas efficitur amarum, oris vlceratorium & linguæ desiccatorium. Reuera tamen opium præditum est vi soporifera, aque tam vehementi ob insignē frigiditatem vt si plus quā deceat bibatur vi mortifera polleat, qua plerosque per somnos interēptos fuisse scribit Plin. Ideo Erasistratus & Diagoras opij vsum in totū dānauerūt, vt loco supra citato scribit Plin. Gal. tamē in eius vfu ita timidus est ac metuculosus, vt lib. 2. de comp. med. secundū locos. c. 1. tit. de capitis dolore ex plaga aut casu Apollonij, in fine, dicat hæc verba. Rarō cogimur pharmacis ex opio vt cum videlicet præ doloris vehementia homo de vita periclitatur. Sic & ex opio collyria multis detri-

detrimento fuere, adeò tamen vt debile oculum reddiderint & visus hebetudinem, auditus etiam grauitatem induxerint: & libro. 3. eiusdem tractationis cap. 1. tit. de auricularibus cõpositionibus, ego verò (inquit) quemadmodum dixi in vnaqua; affectione proprio vtor medicamento, semperq; papaue-
ris seccum fugio, neq; nisi vrgenti necessitate adeius vsum peruenio. Lib. etiam. 8. eiusdem cõmentationis cap. 3. parum post medium, opio admiscere iubet calfacientia vt ipsum reddat innocentius. Nā dicit corpora viuentium mortificationi simile quippiam perpeti ab omnium ex opio & hyosciamo & mandragora compositorum medicamentorum vfu, multosq; assiduè talia accipientes ad immedicabilem frigiditatem particulas producere, ideo medicis mos est illis admiscere piper, castoreum, vel crocum, Gale. lib. 3. secundum locos. tit. de aurium dolore ex inflammatione opium muliebri lacti & castoreo permiscet, eius tamen vsum per interiora quantum fieri possit fugiendus est.

C A P I T U L U M X I I I.

De Oleo.

O L E V M: autore Gale. lib. 4. de simplicibus medicam. facult. cap. 8. in fine extrahitur ex omnibus, in quibus succus pinguis reperitur. Nempe rhicino

L 2 rapha-

Sec. 1. 7

raphanide, oliuis, nucibus, sesami semine, amygdalis & alijs oleosis, & pinguibus siue edulij siue medicamentis. Talis autem succus deprehendetur ex promptitudine ad inflammationem. Ex qua etiam facile intellegemus à re ipsa quæ inflammatur oleum educi posse, vt. 4. physiologiæ cap. 3. probè censet Fernel. dicens: Corpus omne quod inflammari potest olei cuiusdam esse particeps, huiusque solius gratia conflagrare. Quodcumq; autem olei est expers flammâ non alere scribit. Nullum enim corpus esse ait ad inflammationem propensum ex quo sincerum oleum arte non elici possit, non adeps, non cera, non resina, non terebinthina, non vllum denique ligni stirpisve genus: nulla radix, nullus flos, nullus fructus, nullum semen: atque in animalibus nulla pars est siue os siue nervus, siue membrana, aut caro: nihil denique in stirpium aut animalium genere vitam habuit, quod eo auctore non possit oleû de se profundere, aliud quidem affluentius soloque pressu, aliud parcius maioriq; industria. Huius etiam causa quæcumq; viuunt inflammari posse affirmat, quin etiam in genere inanimorum quæ complectuntur inflammationi subiecta: eadem ait oleo esse finitima. Nam sulphur (quicumque metallorum naturas perscrutantur)

tantur) terræ adipem, vel oleum, appellant,
quod moderato calore cogitur atque con-
crescit. Verum quia (vt Galen. ait, lib. 2. de
simplici. medic. facul. cap. 7. in fine,) olea quæ
ex alijs rebus eliciuntur, (quæ quidē vt mo-
do visum est, quam plurima sunt) improprie
& per abusionem olea dicuntur. Quod verò
ex oliuis extrahitur proprie oleum dicitur,
sicuti fructus à quo cōficitur, solum ex om-
nibus oliua nuncupatur, & arbor ipsa olea.
Ideo (omnibus alijs silentio prætermis-
sis) de proprie dicto oleo in præsentia verba faci-
mus. In hoc autem plura agnoscuntur fasti-
gia, ex natalibus, ætate, & fructus à quo ex-
trahitur maturitate & immaturitate, & ex
saporum multiplicitate desumpta: de qui-
bus omnibus sigillatim in præsentia dis-
seremus. Oleum quod est dulce & ex maturis
oliuis confectum, humectatorium & cali-
dum esse ostendit Galen. lib. 6. de simplici.
medicam. facul. ambas tamen has qualitates
moderatas habet aliàs non esset materia re-
liquorum medicaminum, calidorum, frigi-
dorum, & humidorum, & siccorum. Siqui-
dem (vt Galen. nos docet lib. 2. de simplici.
medic. facul. cap. 26.) quidquid in mistura
materiæ rationem obtinet nullam insignem
nec speciem, nec facultatem debet exercere.
Oleum vero talem esse materiam voluit Ga-

len. eodem. 2. de simp. med. facul. c. 22. & 25.
propterea quod si frigida illi commisceas
frigidum efficietur, postquam mistum est.
Si calida calidum, atque ita quidem in hume-
stantibus & siccantibus sentiendum esse di-
cit, quippè ait, quod ex media temperie est
vtriusque summis inferuit. Hoc tamen tenue
quodam & ferofum in se se contrinet excre-
mentū, sicuti & reliqui succi, qui à fructibus
extrahuntur, propter quod acre & mordax
efficitur, gutturis exasperatorium, & oculo-
rum mordicatorium, lotum vero & ab hoc
excremento purgatum insuper salis expers
omnem exuit mordacitatem & lenissimum
est: quod expertus est Galen. lib. 2. de simp.
med. facul. c. 18. dicēs ac nos quidē persape
oleū huiusmodi, bibendū nōnullis exhibui-
mus, nosque ipsi experimēti gratia sumpsi-
mus, prorsusque nullā intestinis mordacita-
tem attulit, gutturisq; minimè ad tussim im-
petū cōmouit; tūq; cu oculis esset infusum
sensum mouit exiguum, ipsa potius nouita-
te sola, atq; insolentia, quā acrimonia mole-
stum. Quonam pacto lauari debeat non so-
lum oleum, sed pix, resina, & cera, docetur à
Galen. lib. 2. de simpl. med. facul. c. 25. sicu-
ti quot modis aqueum & tenue excremen-
tum ab eo separari queat cap. 18. eiusdem
libri scribitur.

CAP V T X V.

De oleo omphacino.

OLEVM omphancinū (quod crudū
 & omotribes nomināt, duobus fieri
 modis scribit Plin. lib. 12. c. 27. nē pē
 olea adhuc alba expressa, & ex drupa, ita ab
 eo vocatur prius quā cibo matura sit, iam tū
 colorem mutans. Tertiū modum adinuenit
 Gal. 6. de simp. med. facul. & lib. 12. metho.
 cap. 3. iniectis videlicet & maceratis in oleo
 dulci germinibus olæ & ramis, nam ita om
 phacino simile oleum efficitur. Quod fit
 ex olea adhuc alba expressa omnibus præ
 stat, deterius tamen est illud quod fit ex dru
 pa autore Plin. qui inter hæc duo hanc etiā
 ponit differentiā, quod hoc nē pē ex dru
 pa confectum viride est, illud tamen quod
 ex alba adhuc olæ exprimitur album. Ex
 quibus patet errasse Matthiolum libro. 1. in
 Dioscor. cap. 3. 1. dicens oleum omphaci
 num exprimendum esse ex oliuis collectis
 quando ipsæ iam flauæ tantillum subrube
 scere cœperint, cum constet ex Plinio loco
 citato præstantissimum omphacinum non
 ex istis sed ex albis & immaturis elici. Con
 stat etiam errare nostri temporis seplasia
 rios pro omphacino vsurpantes viride
 oleum, credentes verum, laudabileque

omphacinum hoc colore præditum esse debere, hinc etiam fit ut in oleo violaceo decipiantur. Nam cum iubeat Mesues illud facere super oleo viridi, ipsi oleum omphacinum accipiunt, minime animadvertentes id quod Plin. loco citato docet, verum omphacinum albo colore esse præditum, sed ex alijs adiunctis oleis (nempe amygdalino & sesamino quibus omphacinum maxime aduersatur) facile intelligitur Mesue per viride omphacinum non intelligere, sed vel illud quod fit ex drupa secundæ notæ vel (ut ego aliquando suspicatus sum) recens ab oliuis extractum. Ita enim nonnunquam viride pro recentivsurpare solemus. Est etiã astringens & acerbum oleum hoc omphacinum, ut Galen. lib. 6. de simpl. medic. facul. & lib. 12. method. c. 3. & 3. de sanitate tuend. c. 6. & alijs in locis nos docet. Quod compertissimum illi erit qui eundem Galen. legerit lib. 4. de simpl. medic. facul. cap. 7. quo loco sic scribit, Arborum fructus omnes, quotquot nobis ubi maturuerint, dulces apparent, nuper enati acerbi, sicci que sunt consistentia, pro sui nimirum parentis quisque natura, (ceu quodam ait loco Theophrastus) oliuæ, vix, mala punica, mora, palmulæ, pyra, at progressu temporis humidiores redduntur, acquiruntq; pro acerbitate aciditatem, aliquam

quam

quam sensim exuentes, postea dum mature
scunt ac perficiuntur, dulces euadunt. Sunt
qui non in arboribus sed postea cum decer-
pti, conditiq; aliquandiu fuerint, dulcedinē
accipiunt. Alij sunt qui non interueniente
aciditate, sed palam ab acerbitate in dulcedi-
nem transeunt, sicut oliuæ. Placuit itaque to-
tam hanc referre sentētiā propterea quod
proposito nostro mirificē conducit. Nam si
verum est, omphacinum oleum ē nuper
enatis immaturisq; oliuis extrahi, sequitur
ipsum astrictoria & acerba qualitate præ-
pollere. Quæ qualitas tam congener illi est
& cognata, vt per eam solam quale oleum
sit se agnouisse fateatur, Galen. 6. de simpli.
medic. facul. & 3. de sanit. tuend. cap. 6. nul-
la de eius generatione aut præparatione in-
terrogatione habita. Ex hac etiam qualitate
habet vt frigidum sit, dicente Galen. 6. de
simpl. medic. facul. quantum hoc oleum ha-
bet astrictionis tantum ipsum habere frigi-
ditatis: cuius rei demonstratio ex eodem de
promitur Galen. lib. 4. de simpl. med. facul.
cap. 7. dicente: quod si fructus cum initio
acerbi essent, tempore maturesecentes dul-
cescunt, si maturatio omnis à calore perfici-
tur, sequitur ex calore ipsis provenire dul-
cedinem, aciditatem vero acerbitemque à
frigore constituisse. Ex regione etiam oleum

maximam desumit varietatem. Siquidem illud quod in Hiberia & Hispania nascitur, quod Hispanum vocant, similem cum omphacino facultatem habere plerisque in locis fatetur Galen. Est nempe tale oleum frigidum, crudum astringens, & crassarum partium: contrariam facultatem dicit habere fabinum, calidam nempe, tenuem & discussoriam, & cum rarefacere & attenuare & discutere aliquid oleo volebat Galen. semper fabino fuit usus, & ab Hispano abstinebat. Oleum etiam Istricum similem Hispano & omphacino facultatem habere sentit Galen. lib. 12. metho. cap. 3. Est autem Ister (Plinio lib. 4. cap. 12. & Solino cap. 23. & Strabone libro primo autoribus) celebris Germaniæ fluvius, cui & Danubij nomen inditum est. Quo in loco consequens ratio: non est fructus non maturescere nec ad perfectum incrementum peruenire. Lib. etiam. 3. de sanit. tuenda, cap. 6. dicit Galen. se quodam in Macedonia degustato oleo quod sit circa Aulonem deprehendisse eandem cum Hispano vim habere. Porro oleum vetus quod quidem ex dulci inueterato efficitur auctore Galeno libro. 6. de simpli. medicam. facult. calidius est & potentioribus ad euaporandū viribus. Quod verò ex cruda perficitur, air, dum reliquū quidpiā seruauerit atri-

aftrictionis miltæ permanere facultatis, vbi
vero illam prorfus abiecerit reliquo fieri fi-
mile. Nam quodcunq; oleum, antiquitate
calidius femper efficitur. Vtrū verò tenuius
vel craffius efficiatur dubium eft apud Ga-
len. nam lib. 1. de compo. med. fecundum ge-
nera cap. 4. in initio, vetuftatem facere oleū
& adipem tenuium partium affeueravit. Cō-
trariam tamen fentētiā, protulit idem Ga-
len. lib. 2. de compo. medicam. per genera.
cap. 12. & 3. de facul. alimentorum, cap. 11.
nempe oleum longa vetuftate incraffari,
qui videtur fauere Dioscor. libro. 1. cap. 27.
in fine dicens fi vetufti non fit occasio in va-
fe decoquitur ad mellis craffitudinē vt vetu-
statem repræfentet. Quæ fententia magis ra-
tioni confonare videtur refolutis nempe te-
nuibus partibus, temporis diuturnitate ne-
ceffe eft incraffari. Oleum etiam lucerna-
rum tenuium partium exiftere & virium ad
euaporandum aptarum libro. 1. de compo.
medicamen. fecundum locos, capite. 2. ti-
tulo de pharmacis compofitis ad Alopeciaz
affectionem, fcripfit Galen. Quam tenuitatē
illi ex lucerna, in qua veluti coquitur acce-
dere dicit, quare illo pro fabino nos uti pos-
fe crediderit fortē aliquis. Verū quonam
pacto quodlibet tale debeat iudicari docet
Gal. li. 6. de fimp. med. fac. fic fcribēs. Porro
oleum

oleum pingue æstimatur iudicaturque viscositate, tenue verò si perluceat, si purum sit, si plurimum minima eius portione inungatur, si facile à cute combibatur, si modicum eius latissimè per corpus extensum sibi manet continuum. Hæc de olei speciebus & temperamento sufficiant. Nunc pauca de eius facultatibus dicere placet. Erat enim oleum apud antiquos maximo vsui. Quare non mirum est si & illud candidum reddere & multis parare modis curabant, siquidem non modo in ciborum condimentis oleo frequenter utebantur, sed etiam ut agiliores, promptiores, ac expeditiores euaderent ad obeunda corporis munia, frequentius sibi oleo totum corpus perungebant. Fuit præterea in magno ac præcipuo vsu apud veteres oleum ad perungendos athletas, qui in theatris palæstræ nudī certabant: non solum ut eorum corpora agilia, expeditioraque in certamine redderetur, sed ut etiam ij difficilius se se manibus comprehenderent, quæ de causa omnes & balnea frequentabant & thermas: namq; ob olei contractas sordes ut corpora sæpius perluerentur maxime oportebat. Obibant autem id munus serui in balneis qui non modo corpus totum intrantibus abluebant, sed & ipsum quibusdam strigilibus abradebant ad hoc opus aptissimis.

mis. Quos alij ex auro, nonnulli ex argento, quidam ex ferro, aliqui ex ebeno, ac etiam ex præclaris lapidibus sibi comparabant, denique pro nobilitate & facultate eorum qui ad balnea confluebant. Pertractans Dioscor. de oleis simul agit de tribus sorditierum speciebus, suo tempore ad aliquos usus colligi solitis, quarum una erat illa, quæ super aquas enatare solebat, post ablutionem omnium illorum qui balnea intrabant. Secunda erat sudor, qui à corporibus se se exercitantium abradebatur: quæ quia pulvere inuolvebatur erat corpulentior. Tertia sordities colligebatur ex parietibus & ab statuis, à vaporibus ab oleo & corporibus exercitatorum elatis super ipsas paulatim congesta. Hæc inter alias efficacior experiebatur, ratione viridis æris quod oleo mistum simul cū hac sorditie ab statuis euellebatur. Erant palæstræ loca quædam publica cōmuniaq; in quibus iuvenes exercitabātur omni exercitij genere: luctandi, currendi, saltandi, digladiandi, intra quas palæstras, parietibus præstantium virorum tam in toga quam in armis æneæ statuæ adhærebant, ad decorē & populi magnificentiam, & ad reliquos iuvenes ad similia virtutum genera promovendos. Reliqua olea tribus sunt modis, per expressionem & macerationem & con-

coctio-

coctionem, per expressionem vt oleum ex amygdalis, & ex nucibus, rizio, sesamo & similibus: per macerationem (infusionē medici vocant) vt oleum rosarum, rutaceum, nenupharis, iniectis nempe in vas olei dulcis oliue, talibus medicamentis. Tercio modo fiunt per coctionem vt oleum vulpinū. Verum coctio debet fieri in duplici vase, iuxta Galeni sententiam, qui solitus erat semper olea & vnguenta ad hunc modum calfacere, iniecto videlicet vase oleum continenti in aliud vas magnum continens aquam feruentem.

C A P V T X V I.

De Cera.

CERA autore Plinio libro. 2 r. hystoriz mandanz capit. 14. fit expressis fauis mel continentibus. Plinius modum exprimendi docet. Hanc medium tenere calfacientium, refrigerantium, humectantium & desiccantium voluit Galen. libro. 7. de simpli. medicam. facul. & ob hanc causam aliorum medicamentorum dicit esse materiam. Quam etiam sententiā tenet libro sexto de compos. medicamen. per genera capite. 8. in medio, sic scribens, de cera dicimus quod in pharmacorum compositioni-

tionibus materiæ locum obtinet: non virtutis efficaciam adiuuat, quia nullam excellentem exerit qualitatem, hac de causa raro ipsa sola utimur sed admixta aliquibus fucis, pulueribus, gummi, & oleis, quæ sua tenacitate & viscositate medicamentorum vires conseruat, nè diffilentur, & euanescent, sed parti cui apponantur eisdem qualitibus adherere & immorari facit.

Eligi debet

Dioscorid.

sententia li

bro. 2. cap.

75.

Subfulua.

Subpinguis.

Pura.

Odorata.

Halitum quadamtenus mel-
leum referens.

Debet præterea cera esse mollis & noua, non sicca, vetusvè ut Galen. docet libro. 4. de compon. medic. per genera. cap. 7. in fin. & libro. 2. eiusdem tractationis cap. 1. in vltimis verbis: cuius etiam sententiæ libro. 4. per genera. cap. 5. parum post principium non est oblitus quo etiam loco ipsius ætatem describit dicens, est enim tenera melior noua cera veteri, non tamen ut iam bimulā, trimulamvè reijcias: fugienda etiam est cera illa, quæ ut. 4. de simplic. medicam. facult. cap. 6. scribit Gale. ex acri & thymoso melle conficitur, cū plane ab omni mordacitate

alic-

alienum præparare voles medicamentum. Ex regione etiam euariat. Nam vt Plin. & Dioscor. aiunt) præstantissima natione est Pontica, deinde Cretica, post has Corsica, quam ex Buxo fieri scribit Plinius. Illam vero quæ ex Africa ad nos adportatur (verberiscam nominant) omnium infimã esse censeo. Quapropter in medicamentorum vsu improbanda. Cera elota est emplastrica, & omnis expers mordacitatis qua de causa pro adipe caprino ponitur à Galenò lib. 8. metho. cap. 5. ad finem: quare mirum non est si vt ait Dioscor. lib. 2. cap. 75. in fine. in potu dyssentericis proffit. Rationẽ abluerendi docet Galen. lib. 2. de simplic. med. facul. cap. 15. verumtamen ad lauandum idonea est (vt. 4. de simpl. medic. facul. cap. 6. in fin. Galen. scribit) quæ ex melle facta est tum aquosiori tum minimè mordaci. Hoc tamen semper est obseruandum, quod quotiescunq. que calfit cera, semper debet calfiere in duplici vase, iuxta Galeni sententiam lib. 4. de compo. med. secundum locos. cap. 1. parum post medium ad hunc modum iubentis ceram calfacere. Artem etiam docet Dioscor. qua alba cera conficiatur, licet apud nos sine aqua marina albißima fiat per insolationem & multam lotionem, quæ in vnguentis refrigerantibus præstantior est. Nam illa
de qua

de qua Dioscor. tractat ex marina salugine acrimoniam non mediocrem sibi addicit. Reuera tamen cera alba est quæ nō arte sed sua sponte talis provenit in Ponto, vt Gale. lib. 1. de compo. medic. per genera. cap. 12. memoriæ mandauit. In alios etiam colores trahitur vt docet Plinius loco supra citato, rubra mista anchusa aut pseudominio paratur, viridis, viride æris misto. Nigra, atramēto vel vsta charta, resina mista optima fit vt veluti glutino res iungat, quamobrem Cancellarijs inseruit.

CAPVT XVII.

De Melle.

QUIA vt autor est Galen. lib. 1. de antidotis cap. 4. coniicienda sunt semper in antidotos mella quantum fieri possit optima, quæ quidem antidoti quam plurimæ sunt mel recipientes; & quia ipso sæpè vt alimento vtimur, & extrinsecus ratione medicamenti applicamus: ideo medico non mediocris cura est impendenda circa examen & mellis considerationem. Cuius genera ex locis distincta fecere autores ex quibus miram & ingentem desumit varietatem. Nam vt à Plinio maximo certè natura interprete exordiamur, hic enim lib.

fl. 13. H

21. cap. 13. mel quoddam in Pōto nasci scribit, quod commanducatum infaniam facit: ob quam dicit menomenon vocari: id existimat contrahi ex flore Rhododendri, quo scatent syluæ, & cap. 14. subsequenti inquit aliud in Creta miraculum, mellis mons est Carma, nouē millia passuum ambitu: intra quod spatium muscæ non reperiuntur: natumq; ibi mel nusquam attingunt. Eodem etiam cap. 13. alibi gigni mel affirmat quod intra corpus assumptum mortiferum est venenum, atq; idcirco ab effectu venenatum mel appellatur. Cuius signa dicit esse quod omnino non densatur, quod color magis rutilus est, odor alienus sternutamenta protinus mouens, & quod ponderosius innoxio: & quod qui edere abijciunt se humi refrigerationem quærentes, nam & sudore diffliunt. Lib. etiam. 2. cap. 74. Dioscor. & libro. 7. de simpl. medic. facyl. tit. de melle Galen. scribunt mel in Sardinia natum amarum esse, eo quod apes ibi ex absynthio vescantur. In Ponto etiam propter eandem causam amarum mel inueniri: tenet Gal. lib. 1. de antid. c. 4. Quā amaritudinem ex multa vetustate, & longa coctura etiā contrahere, eo loco & 1. de anti- 4. de simpl. med. facul. c. 17. memoriæ mandauit: Patremq; suum dicit mel quoddā habuisse, ita amarū acsi in Ponto natum foret,

eo in tractu vbi ex absinthio apes mel colligunt, id ipsum tamen & Atheniense & optimum fuisse dicebat. Verum temporis diuturnitate amarum euasisse, quod post patris obitum amarum adhuc plus fuerat effectū, & nigrius, non tamen crassius multo euasisse id quod mellis optimi præcipuum dicit esse indicium, & lib. 1. de antid. c. 2. mel ē Cnidio aduectum, senectate, vini cōditiones assumere scribit, atq; idē quoq; Rhodio accidere dicit. Vnde quidā ait theriacā Rhodio melle cū admiscuisset, deindeq; tertio post anno ipsam illi nō modo gustu sed etiā odore vinū redolere inuentā ostendisset: quam postquā Gale. cōspexit, id quod euenerat, ex melle quod inposuerat accidisse dixit. Mel tamen præstantissimū quod vbiq; solet laudare Gal. & præsertim lib. 1. de antid. cap. 4. est id quod in Athenis nascitur, præcipuē in Himentia, aut Thasia provincijs, mox quod in Cycladibus insulis, & in Sicilia Hibleum cognomine gignitur. Quod itidem scripsit Dioscorid. libro. 2. cap. 74. Verumtamen nostra in Hispania mella nascuntur non minus præstantia Atheniensibus. Nam si mel quod in Cerrato gignitur Gale. cognouisset, non illi Athicum prætulisset, siquidem omnibus electionibus dotatum est, quæ optimo solēt abscribi.

Quales autem hæ sint, docet Galen. lib. 1. de antidotis cap. 2. & 7. metho. cap. 6. parum post principium, & lib. 4. de sanit. tuen. cap. 6. in initio. docet etiam Dioscor. lib. 2. c. 74. Hæc enim sunt quæ sumuntur ex accidentibus naturam eius consequentibus, sapore, colore, odore, & corpore, sapore acre & dulcissimum esse oportet. Mel itaque inquit Galen. citatis locis, & libr. de bono & malo succo cap. 12. quod optimum esse perhibetur, dulcissimum est atque acerrimum, eo quod mellis natura dulcedini acrimoniam iunctam habet. Nam ut ipse. 1. de antidotis scribit, quoties mustem e dulcibus vuis expressum ad dimidias tertiasve coquendo deferbuerit quanuis dulcedine melli non cedat, ut aqua tamen obtusum est nec sensum vellicat, atqui mel (subdit) huius modi non est, sed illud acrimoniam dulcedini ita iuncta habet, ut præstantissimum id sit quod hisce duobus excellit. Colore namq; luteum mel sit oportet: corpore vero nec crassum, nec concretum, nec valde dilutum, sed uniforme totum, atque ita tenax ut si digito particulam ex ipso sustuleris, defluereque permiseris longissima linea perinde atque visum descendat, non casum non frustratum: odore etiam debet esse suave: substantiaq; adeo purum ut totum pelluceat. Quod vero his qualitatibus

ratibus destitutum est malum esse prohibetur. Nam vt lib. 7. metho. cap. 6. habetur, si abruptitur nec dimissum ad terram vsque continuitatem seruat, id aut crassius iusto est, aut tenuius, aut partium dissimularium. Et subdit, deprehendas autem id si diligentius inspicias aut crassitudines aut humiditates habere innatantes: quæ nec inter se sint similes, nec etiam toti: cerosum etiam magis mel dicit esse quod & crassius est, & cui tales quæpiam crassitudines innatant. Sicuti excrementosus ac perfici concoquiq; difficilior, tam quod totum humidum est, tum in quo multæ in partibus sparsæ apparent humoris guttæ: malum etiam ait esse in quo vel ceræ qualitas aliqua, vel propolis, vel id genus alia gustu deprehenditur. Quippe inquit nullam penitus alterius cuiuspiam rei eminentem in se continere qualitatem debet. Quocirca quod thymum plane redolet non probat, ex eo quod est parum consummatum, nec plane quodammodo mel, quanquam à quibusdam id laudari dicat eoque fieri vt nonnulli venditores incisum thymum illi misciant, quo id redolet videaturque optimum. Verum hoc quod tam improbe thymum olet, nō laudat, multoq; minus si cui iniectum thymū sit. Quod autem quandam thymi qualitatem consu-

sam odore gustu vè præfert id dicit se non vituperare. Nam vt ex eodem. 1. de antidotis cap. 4. constat, apes optimum mel reponunt in locis in quibus colles thymo & origano sunt pleni. & lib. de bono & malo succo cap. 12. prauum mel esse dicebat quod aut male olet, aut gustatum extraneæ cuiusdam qualitatis admistionem detegit. In eius etiam coctione non leuis est impendenda cura. Si quidem (vrait Galen. 3. de alimentorum fac. cap. 39.) quod non planè coctū est in ventriculo atque in intestinis flatus quosdam gignit, contra quod in decoctione spumam omnē abiecerit, flatus est expers. Concoquitur rectè eodem Galen. autore libro. 4. de sanit. tuend. cap. 6. aut super carbones, aut ligna omnino arida quæ ἀκαρυα Græci vocant: quo etiam loco terminum cocturæ descripsit dicens, mel coquendū esse modico igne, quoad spumare desinat. Et subdit malum quidē mel multā egerit spumā, quod etiā diutius coqui debet: optimū verò vt breuissimo tēpore coquitur, ita minimū spumę euomit. Vnde nec pari coctione est opus. Et c. 7. eiusdē tractationis optimū mel semper esse curiose despumandū dicit, curiose autē despumabitur, si eiusdē Gale. præcepto, lib. 3. de aliment. facul. c. 39. spumam statim vt emerferit cōtinenter ab iplo subtraherimus.

De temperamento eius sciendum est auctoritate Galeni lib. 7. de simpli. med. facul. titul. de melle, calfacere & exiccare ordine 2. propter quas qualitates ait idem Galen. lib. de bono & malo succo. c. 12. & lib. 2. de naturalib. facul. c. 8. in fin. 1. item de alimen. facul. cap. 2. & 3. lib. eiusdem tractationis. c. 39. commune habere vt facile in bilem vertatur in iuuenibus, & æstate, & in corporibus calidis: naturis tamen quæ pituitosiores sunt cibum esse in primis accommodum, seniliq; ætati sicuti frigidis quoq; morbis. Et lib. 8. de compo. med. secundum locos. c. 7. mel eandem cum vino facultatem habere dicebat in nutriendo, concoquendo, putrefactioni resistendo, & frigidam & humidam intemperiem sanando: præterquam quòd non condensat substantiam corporum quæ contingit: sed pro hac facultate vim extergendi & aperiendi, ac puros reddendi meatus & vrinam ciendi, non paruaque alia sanè auxilia possidere.

*C A P V T X V I I I.**De Saccharo.*

MA G N A quidē & cōtrouersia plena est disputatio, inter iuniores medicos circa sacchari considerationē,

dicentibus nonnullis saccharum quod sub mellis genere scripserunt veteres, præsertim Dioscor. & Galen. in India & Foelici Arabia nasci, diuersum à nostrate saccharo esse: alijs verò idem esse putantibus. Verum vt vtrorumq; constant sententiæ: & veritas ipsa clarius elucescat, in primis statuendum quænam, qualisvè res sit quam nunc passim saccharum nuncupant: deinde ostendendum quæ de saccharo ab antiquis sint dicta. Saccharum, vel zuccharum nostrum (vt Siculi & Lusitani, & illi qui insulas fortunatas, ac Sancti Dominici & Maderæ inhabitant, in quibus quotannis magnus est sacchari proventus, nobis quotidie referunt) est succus à proprii generis planta bene contrita expressus calore ignis plus minusvè excoctus, densatus & defœcatus, in zuccharum tantum candidius & durius euadens quanto plus coctionis & defæcationis tolerauerit. Ex diuersa autem huiuscemodi defæcatione & coctura contingit varios ei perfectionis numeros adscribi, vt quoddam summum dicatur & perfectissimum ac finum, à fine nomen vulgo accipiens. Quia videlicet multa coctura & defæcatione ad finem bonitatis peruenerit, candore, duritia, suauitate præcipuum. Aliud infimum huic penitus contrarium, lentum, humidum, nigricans,

cans, insuave & faculentum, primæ decoctionis vocatum. Inter duo hæc extrema duo quoq; sunt media, alterum infimo proximum secundæ, tertium proximum summo, tertie decoctionis nominatum. Planta à qua exprimitur, humectis locis proprio semine furculisve feritur, exteriori quidem specie arūdinis magnæ similis, interiori substantia valde dissimilis. Nam pulposa est, grauis, mollis, & succi plena: cum arundo e contrario sit leuis, dura, vacua. Hæc de saccharo nostro habemus. Quæ antiqui de suo saccharo scripserunt sunt hæc. Dioscor. lib. 2. cap. 74. cui titulus est de melle, postquam loquutus abundè esset de mellis generibus, inquit: est & aliud concreti mellis genus quod saccharon nominatur: in India verò & Fœlici Arabia in arundinibus inuenitur: facilis modo coactum est: dētibus vti sal fragile, aluo idoneum & stomacho vtile, si aqua dilutum bibatur. Vexatæ vesicæ, renibusque auxiliatur, illitum ea discutit, quæ tenebras oculorum pupillis effundunt. Eadem Gale. lib. 7. de simplic. medic. facul. titul. de melle scripsit: vnum addens minus esse quam vulgare mel dulce, nec sitim facere: Plin. li. 12. cap. 8. hæc de saccharo scripta posteritati reliquit. Saccharon & Arabia fert sed laudatius India: est autem mel in arūdinibus col-

lectum, gummiū modo candidum, dentibus fragile : amplissimū nucis auellanae magnitudine , ad medicinae tantum vsum. Num verò antiquorum saccharum vna & eadem res cum nostro sit , controuersum apud recentiores medicos est . Siquidem Manardus pluribus in locis, & praesertim epistola. 2. libri. 2. diuersas res esse opinatur : censens in alio arundinum genere antiquorum saccharum concreuisse , quod Dioscorid. Plin. & Galen. inter mellis genera scripserunt concreescere ex caelestire, quemadmodum & id quod mannam vocamus : non autem in his arundinibus è quibus in aqua decoctis nostrae ætatis saccharum in pluribus Europae locis & in Valentia Hispaniae exprimitur . Si quis verò petat saccharum illud antiquorum an in totum perierit, & quæ nam res sit. Respondet Manardus rationi consonum esse cum res mera naturæ sit, nullum cultum artemque desiderans, quod extet adhuc, & ad eam rem quam nunc mannam vocant referatur, sub qua egit Galen. sub nomine mellis roscidi vel aerij. Hoc idem Manardus dicit esse verum saccharum candum , & sic vocari eo quod nimia solis excandescencia obduruerit. Verum ait non portari hoc tempore quoniam ex nostro zuccharo, quater
vel

vel quinquies ex cocto lucris maioris corradendi gratia seplasiarij rem similem facere didicerunt, arundines quoque ipsi immit- tentes supra quas videri possit congloba- tum & gosisipio innoluentes vt naui ex oriē- talibus regionibus inuectum putetar. Hoc etiam censet esse zuccharum alhufar Aui- cennæ libro. 2. cap. vltimo, vbi ait zuccha- rum Alhufar esse mannam cadentem super Alhufar & esse sicut frusta salis, à qua simi- litudine hoc saccharum ab eo sal Indus in- rerdu nominatur & præcipuè. 1. 4. tract. 2. cap. 22. de asperitate linguæ, vbi tenere in ore scribit salem qui ab India deportatur co- lore salis, dulcedine mellis: dicit tamen sac- chari nostri, quod se legisse meminerit, nul- lam apud Galen. nec apud medicos Gale- no antiquiores esse mentionem. Cate- rum Matthiolus, & alij plerique medici tenent ac pro comperto affirmant com- mune hoc nostrum saccharum, & illud quod ab antiquis describitur proculdubio vnum & idem esse, eo quod ex eadem proueniant planta, hoc discrimine varian- tia, quod nostrum ab ipsis plantis arte expri- mitur, antiquorum vero saccharum tenuior ac præstantior pars medullæ arundinum sacchariferarum fuit, quæ per internodio- rum ~~fissuras~~ ^{fissuras} exiens solis calore concreuerat,

vt &

vt & saccharum nostrum calore ignis arte
 concrefcit & addensatur. Quod si antiquo-
 rum illo saccharo nunc caremus cum tamē
 antiquis eius fuerit vbertas : causa est quia
 cum prisco illo tempore nō innotuisset ex-
 primendi ratio: necesse quidem erat, vt arun-
 dines sacchari liquore pręgnantes, annis cō-
 pluribus adultę & adhęc falcem nunquam
 expertę per se liquorem exudarent veluti
 ex innumeris arboribus, gummi & resinę
 emanant: nostri tamen aui homines cum ar-
 tem modumq; inuenerunt quo saccharum
 concisis, decoctis, expressisq; arundinibus
 copiosius elicerent: factum est, vt nullis re-
 manentibus quę saccharo plurimorum an-
 norum ætate turgeant, naturę impedita sit
 operatio: deperditumq; hac de causa sit an-
 tiquorum saccharum. Et si non desint non-
 nulli, qui Diui Thomę, itemq; Maderę in-
 sulas lustrarent, affirmantes adhuc, his qui-
 dem in locis saccharum inueniri in arundi-
 nibus sacchariferis concretum: non illi dissi-
 mile quod arte fit, & finum cognominatur
 postquam ab illis spontē emanarit gummi
 modo. Imo & artis exprimendi & coquen-
 di, ex antiquis nonnulli mentionē fecerunt,
 vt inde faciliē intelligatur nostrum hoc sac-
 charum antiquis autoribus notum extitisse.
 Nam Solinus de India verba facies cap. 45.

& cap. 65. inter cetera sic ait. Quæ palustria sunt arundinem creant ita crassam vt fissis internodijs lembi vice vectitet nauigantes & e radicibus eius exprimitur humor dulcis ad melleam suauitatem. Extant etiam Varronis versiculi, qui idem Sole clarius demonstrant: huiusmodi autem sunt.

Indica non magna nimis arbore crescit arundo

Illius è lentis premitur radicibus humor

Dulcia cui nequeunt succo contendere mella.

Lucanus itidem. 3. Pharsaliæ parum post principium ita scriptum reliquit.

Quisq; bibunt tenera dulces ab arundine succos.

Stattius quoque Pampinius libro. 1. suarum sylvarum sylua. 6. sic ait.

Et quas percoquit Ebusita cannas.

Aliàs vt alij legunt Ebosia. Strabo præterea sacchari mentionem fecisse constat, nam libro. 15. iux Geographiæ in hunc modum scribit. Erasthenes arborem radices, præsertim magnarum arundinum & natura & decoctione dulces esse tradidit. Et deinceps ex eiusdem Erasthenis mente dixit, etiam arundinem mel sine apibus gignere. Hæc de saccharo à tot priscis autoribus scripta reperimus, quorum sententijs Galen. consentire videtur, lib. 4. de simplic. medic. facul. cap. molles radices calamorum maxime Ægyptiorum dulces esse scribens. Ex quibus li-
quet

quet nostrum saccharū quod officina Arabum more zuccharum appellāt à veterum saccharo non nisi preparationis modo distare: siquidem veteres saccharum expresserunt, quod tempore nostro coquitur. Non est enim nostrum saccharum nisi aruadinum succus, qui per plurimam ignis coctionem dealbatur & iaduratur. Prisci hanc coquendi rationem aut ignorarunt, aut ea studio & industria uti noluerunt, quòd eo erāt contenti, quòd ex recentibus ipsis cannis & earum radicibus exprimebatur, utpote cuius tunc non tantus erat usus, quantus nunc extat. & si, ut ex Strabone & Statio cōstat, etiam coquebatur. Porro saccharum nostrū à saccharo antiquorum non differre ex eo etiam liquet, quòd Serapio de nostro verba faciens Græcos autores Galenum nimirum & Dioscoridem affert, quod magnum argumentum est antiquorum & nostrum idem esse. Nam quando id de quo tractat ipse, res noua est, nullum ex antiquis autoribus affert. Etiam si Manardus lib. 15. epist. 5. opinetur Serapionē inter quatuor quinqueuē zucchari, ut ipse vocat genera, vulgare hoc nostrū penitus prateriisse, cū tamen cōstet plures sacchari facultates quas illic attulit Serapio, Auicena huic nostro tribuisse: ut vtiulq; capita conferenti fiet manifestum.

Ei verò Manard. opinioni quę tenet zuccharum Alhusar Auicen. esse antiquorum saccharum, Matthiol. minimè astipulatur, primo quia Alhusar siue Alhasser (vt Belluēsis castigauit) Arabica lingua arūdinē nō significat. Sed quādā Ægypti & Arabię arborē, sic ab eius loci indigenis appellatam quādoquidē arūdinē Arabes, vt testatur Serap. Casab dicūt: quod manifestè declarat zuccharū Alhusar apud Auice. huiusce arboris esse mannā vel gummi, nō autem Græcorū saccharū in calamis concretū. Cæterū quod Alhasser apud Arabes arbor sit ex Serapione probat cap. de zuccharo. Illud insuper Matthiolus suā cōprobare sententiā arbitratur quod eodē loco addit Auic. sic inquit. Et in zuccharo quidē Alhusar est cum absterfione pauca stipticitas, & amaritudo. Siquidē stipticitatis & amaritudinis, quę in antiquorū saccharo fuerint nusquā meminere Diosc. & Gale. nec itē quod cōferret id pulmōni & aquę in tercutē vt paulò infra voluit Auic. Quod si dixerit deinde zuccharū hoc oculorū morbis, pariterq; renum & vesicę vitijs auxilia ri, quę sanē antiquorum saccharum posse testatur Dioscorid. non tamen ob hoc dici potest zuccharum Alhusar Auicennę esse antiquorum saccharum. Sed de his satis. Quare satius est, vt ad optimi & vitiosi

notas

notas perueniamus: optimi autem notæ in hoc schemate continentur.

Durum.

Solidum.

Mutuo metarum collifu sonorum, lignorum siccorum solidorum instar.

Leue ob siccitatem & imperceptam raritatem.

Saccharū **Dulcissimum.**

præstantissimum. **Candidissimum.**

est. **Niuis in modum scintillans.**

Cohærens.

Æquale.

Valentinum.

In metas pyramidum æmulas coactum, paruas ponderis libræ vnius & dimidiæ aut duarum coactum.

Hoc charissimum habetur & confectionibus siccis aptissimum. Huic, bonitate proximum habetur quod è Maderæ insula nobis suppeditatur, sed in metas ponderis librarum. 6. 7. 8. & 9. & decem formatur. Afferitur & ex Canarijs insulis pretio & dotibus prædictis inferius in metas maximas formatum pondere nimirum librarum. 10. & 12. Omnium infimum habetur quod foris albidum

dū intus subrubrum tanquā alio factum & foris dolo tectum. Hoc glutinosissimum existit condituris ficcis ineptum: liquidis tantum ex usu existens, qualia serapia sunt. Saccharum quod defæcatius & candidius est officinæ finum appellant Auic. & Mesues tabarzet, quod vero minimū est expurgatum, rubrū nominant. Atque de sacchari electionibus hæc dixisse sufficiat. De eius temperatura nōnihil deinceps dicendum. Vniuersum saccharum calidū esse in fine primi, humiditatemq; illi inesse Auic. testatur. Antiquū verò eiusdem Auic. sententia ad ficitatē in primo declinat, & quanto vetustius magis redditur, tātō plus exiccat: & (vt ego quidem arbitror) antiquitate non tantū ficius, sed & calidius euadit mellis ritu, quod docēte Galen. spatio tēporis per suam ipsius calorē dulcedinē exiit & amarum ac calidius redditur. Censet tamen Auic. tabarzet, quod nostrū finum existit, alijs frigidius esse & tenuium partium haberi, quod inquā rationi consonū est, nisi enim temperatum esset, aut paululum ad calorē declinaret, materiā medicamentorū frigidiorū esse nō posset. Quin & Gale. 8. metho. c. 4. suū saccharū febricitantibus exhibet, tanquā medicamentum citra calorem detergens & meatus ab obstructione liberans.

4. simpl.
cap. 17.

N

Quod

Quod Serapio itidem ex eius mente confir-
mat dicens zuccharum. autoritate Galeni
11. de ingenio ingreditur medicinas quæ
abstergunt & aperiunt opilationes & mun-
dificant vias, hæc Serapio. Licet sententia
ista. 11. methodi non reperiatur elicitur ta-
men ex eodem Galen. 8. method. cap. 4. vbi
sacchari mentionem facit, & lib. 7. simpl. tit.
de melle, de saccharo hæc scribit. Sed & sac-
char vt vocant quod ex India atque Felici
Arabia conuehitur, in calamis vt aiunt con-
crescit, & ipsum mellis est species, minus
certè quam nostrum dulce, sed ad similes ei
vires obtinens, quod ad abstergendum, de-
siccandum & digerendum attinet. Porro
quatenus nec inimicū stomacho est, ceu no-
stras, nec sitim afferens, eatenus ab illo sub-
stantia differt. Hæc Galenus. Cæterū dum
ait minus esse dulce quam mel & sitim non
inferre clare innuit exiguum illi inesse calo-
rem adeo vt primum gradum non transcen-
dat, aut si Serapionem sequaris calidum sit
in principio secūdi, humidum in medio pri-
mi. Verum hæc de tabarzet intelligi debet
nā rubrum Arnaldus à Villanoua melle ca-
lidius esse arbitratur, quapropter in eos se-
plasiarios inuehitur, qui frigida serapia simi-
liter & condita saccharo isto rubro cōcin-
nant. Vnde ait ea sumētes ob caloris exces-
sum

sum non mediocriter lædi. Saccharum abstergendi & lauandi obtinet facultatē, quin imo in abstergendo, vt autor est Auicenna, melle inferius non est. Pectus lenit & remouet asperitatem ab eo, ventriculo bonum existit, dummodo bilis porracea in illo non generetur, tunc enim nocet. Colico dolori cum oleo amygdalino sumptum confert. Siticulosum est, sed minus quam mel, quapropter iecur flauæ bilis prouentui obnoxium, impense lædit vitandumq; ab eo est, nisi cum aliqua re, condimenti aut conseruationis gratia admisceatur, quæ retundendo dulcedinem calorem quoque mitiget, qualia sunt cucurbita, peponum, vel cucumeris femina, intubridi domestici vel syluestris radices, lactucæ, cauliculi, succus cicorij & vuarum immaturarum & id genus alia.

C. A. P. V. T. I. X.

De lacte phthificis congruo alimento deque eius in officinis vsu.

IN tabe si febrem & emaciationem expectes refrigerante & humectate victus ratione vt edū est, si verò ad pulmonis vlcus attēdamus sicca victus ratio cōueniet: verū tū vlcus, febris & emaciationis sit causa, & emaciatio & febris in affectu isto pulmonis

vlcus veluti symptomata morbum sequan-
 tur: indicatio quæ ab vlcere sumitur, indica-
 tionem sumptam à febre obumbrabit, licet
 quæ à febre sumitur indicatio negligenda
 nō sit. Igitur sumpta à pulmonis vlcere ma-
 li causa indicatione. In primis phthificis aer
 ficcus parari debet (talis enim illi ex usu ma-
 ximè est) quod manifestè voluit Galen. lib.
 5. metho. c. 12. dum phthificos mittebat ad
 Tabias locum videlicet inter Surrentum &
 Neapolim existentē, vbi aer ficius erat: cu-
 ius adminiculo pulmonis vlceribus ficcatis
 sanabantur. Quod etiā intuentis Celsus lib. 3.
 c. 22. phthificis, ab Italia in Alexandria iter
 facere iussit, eò quod ad ficius cælum esset
 mutatio. Quantum enim profit in huiusmodi
 morbo, aerem ficiū inspirare, experimento
 docuit furnaria illa phthifica, quæ (vt practi-
 ci nōnulli attestantur) 28. vixit annis, inspi-
 rato sæpè aerē furni ficcō. In reliquis dua-
 bus qualitatibus nempe in frigore, & calore
 aer, temperamentū debet seruare. Nam qui
 immodicè frigidus est, instrumentis respira-
 tionis obest, & tussim excitat, ac pulmonis
 vlceribus mordax existit: impense verò cali-
 dus febrem auget, & nimiam dissipationem
 molliendo corpus emaciat. Quæ sanè cūcta
 rāquam valde nocentia phthificus fugere
 debet. Cibari autē sint cichini, cōcti faciles,
 tenues,

tenues, minimè crassi & minimè glutinosi. Nam licet propter corporis extenuationē maximè nutriens alimentū requiratur, tale autē necessario crassum sit & glutinosum, vt lib. de tabe. c. 9. docet Gale. quia tamen hoc difficulter in phthysicis cōcoquitur eo quod natius ipsorum calor imbecillus habetur: idē in huiusmodi affectibus abdicatur. Nā (vt. 7. metho. c. 6. scriptum reliquit Galen.) Si nutrimentum seipsum concoqueret & digeretur & alēdis partibus assimileretur, & quibus plurimo alimēto esset opus adhæresceret, proculdubio maximè nutrientē cibum exposceremus. Verum quoniā nō est aliud, quod nutrimentum desiderat, aliud quod nutrimentum cōfacit, sed id ipsum quod nutritum est, id sibi nutrimentum attrahit, cōcoquit, transmutat, & assimilat, ad duo nimirū in opportuno cibo eligendo spectandū esse dicat. Vnum ipsius cibi naturā: alterum vires suas proprias infitasque. Itaq; ex his illud patet, nec planē quod maximè nutriat optimum esse ijs corporibus quæ refici magis egent, vtpote quibus cōcoquendi facilitas nō est. Nec etiā quod facillimum concoctum est, cum scilicet ipsum nequeat maximè esse nutriens. Cū igitur hæ indicationes ex aduerso pugnent, cōmittendum non est, vt dum alterius excessui nimium signum est, atq;

rius omnino obliuiscaris: sed vtriusque memor quoad licet vtrumq; misceas. Quantum tamen facultas concoquendi patitur, cibis sic boni & multi alimentis, vt corpus emaciatum instauret, sit etiam liquidus & tenuis vt vias phthisicorum obficcitatem contractas, facilius subeat, & penetret. Sit etiam attractu facilis, vt docet Gale. lib. de tabe. cap. 9. Nam cum in marcoribus partes ipsæ nutritione egentes inuvalidæ sint, ac præ ficcitate ad attrahendum infirmæ, oportet vt alimentum attractu facile sit, vt quod attrahentis corporis robori deest, id ex materiæ aptitudine suppleatur. Sit etiam modicè refrigerans ob febrem, & ob vlcereis saniem detergens, & ob solutionem continui glutinans: quas sanè dotes lac obtinet. Quare in proposito affectu, eo nullum præstantius alimentum esse videtur: quod Galen. voluit lib. de tabe. cap. 9. cum inquit; Mihi porro nihil ad hæc omnia lacte videtur esse melius, præcipue quidem si quis muliebrem mammam ore apprehendens id ipsum mulgere toleret. Quemadmodum sanè Euriphon & Herodotus in phthisicis præcipiunt. Hippocr. itidem aphorism. 64. sectionis. 5. optimum esse dixit: lac tabidis dare, & ijs qui non valde multum febricitant. Quod autem lac prædictas omnes dotes obtineat iam habemus

mus explicare, hinc exorſi: optimum optimi eſſe ſucci voluit Galen. lib. 3. de alimentorum facul. cap. 15. & lib. de bono & malo ſucco. c. 4. & 5. apho. ſectio. com. 64. dicens optimum lac omnium ferè quæ mandimus, optimi eſſe ſucci, & bonos humores facere. Quod ſi aliquis contendat optimum lac bonum ſuccum generare non poſſe, cum, quid habeat flatuoſum: in commentario citati aphoriſmi reſpondet Galen. dicens in vniuerſum bonum ſuccum generare, quæcunq; poſt concoctionem ad bonum humorem tranſmutantur, hoc eſt ad ſanguinem (nam hic humor eſt nobis amicus) in quæ lac poſt concoctionem maxime conuertitur ſi probe ipſum concoquatur. Rurſum cum liquidum ſit & tenuè facile coquitur, & à partibus nutritione egentibus facile attrahitur & vias iâ ſiccitate cõnuètes facile penetrat, & propter butyrũ & caſeũ multum nutrit, atq; ob frigiditatẽ, febris calorẽ remittit, & attẽperat. Quod autẽ frigidũ ſit rationibus probat Gal. lib. 4. de ſimp. med. fac. c. 17. dicens, qd cũ ex tribus diuerſis ſubſtantijs lac cõponatur, prout mox videbimus, caſeo, butyro & ſero, atq; ex his butyrũ quidẽ vel maxime temperatũ ſit, caſeoſa pars à temperamẽto parũ ad frigoris latus vergat, & pars ſeroſa adhuc amplius ad idẽ latus declinet: ſer-

quitur vniuersum lac frigidū reddi. Si nanq;
 illud ex tribus partibus cōstituitur, & harū
 due frigide sunt, & vna tēperata, totū ipsum
 lac remanere frigidum omnibus est in com
 perto. Quod etiam exigua eius dulcedo
 ostendit, quam adeo habet imbecillam vt
 acidum potius quam amarū ex mora fiat.
 Contra quam mel, quod dulcissimum cum
 sit, facile per se temporis diuturnitate ama
 rescit potius quam acescit. Atq; his duabus
 rationibus, lactis frigiditatem probat Gale.
 Cuius sententiæ Manard. subscribit lib. 16.
 epist. 5. Sed quod lac detergendi & aggluti
 nandi habeat facultatem perspicuum erit, si
 vniuersa eius compositio tibi innotescat,
 innotescet autem si sequentibus verbis ani
 mum adhibueris. Lac omne licet sensui
 sit simile & homogeneum, reuera tamen
 dissimile est & ætereogeneum, vt Galen.
 docet lib. de bono & malo succo. c. 4. & lib.
 4. de simplic. medic. facul. cap. 17. & lib. 10.
 eiusdem operis titulo proprio de lacte di
 cens, ex tribus substantijs dissimilium inter
 se partium ipsum constare: quarum vna se
 rosa est & tenuis, altera crassa & caseosa, ter
 tia verò pinguis atq; oleosa, quam butyrum
 vocamus. Serum abluentem & detergētem
 habet facultatem, prout voluit Galen. lib.
 10. de simpli. medic. facul. titulo præcitato,
 qua

qua in re aquæ dicit præstare. Nā licet aqua liquida sit & humida, non tamen sicuti serū detergit, hac de causa & quia ipsum serum acrimonix cuiuspiam est particeps eius occasione lac omne deterforia & abluyente facultate est præditum, simulq; aluum subducit: quemadmodum testatur Galen. lib. 3. de alimen. facult. c. 15. vbi, tātum ei in hac facultate tribuit, vt illud omnibus ventrē soluentibus medicamentis præferat, sic dicens quārum serū ab alia lactis natura, succi bonitate superatur, tantum illud omnia alia quæ ventrem deiiciunt superat. Hæc Galenus. Pars caseosa glutinat, ac butyrofa emplastrica est atque ob has duas partes lac redditur emplasticum & vlcerum conglutinatorium, & ventris constipatorium, quod experimēto cōstat. Nam si per lapillos ignitos & ferreos orbiculos candentes, serum omne consumatur, lac ventrem constipabit, vt Gale. est autor lib. 3. de alimen. facult. c. 15. quod in alui profluuijs facere medici præcipiunt, & nos fieri videmus cum maxima ægrotantium vtilitate. Augentur vel minuuntur prædictæ lactis facultates, vel ob animalium species à quibus lac desumitur, vel ob temporū diuersitatem, vel ob variā victus rationē. Quod autem pro animalium specie in prædictis lactis facultatibus discrimen vel maximum

ximum sit: sigillatim quodlibet illorum in-
 tuenti ac cum alio conferenti protinus ap-
 parebit. Manifestius autem fiet (vt ait Ga-
 len. 3. de alimen. facult. cap. 15.) si ex vno-
 quoq; lactis genere caseus paretur. Etenim
 liquidissimum lac, serum, crassissimū caseū
 habet plurimum. Cuius autem animalis lac
 tenuissimum sit, dubium est, quoniam Gale-
 nus secum etiam pugnare in hoc videtur. Si
 quidem lib. 6. de sanit. tuenda, inter omnia
 lactis genera asininum tenuissimum esse di-
 cit, lib. vero. 3. de facult. alimentorum, came-
 linum, & equinum ei intenuitate præfert.
 Aristotelem sequurus lib. 3. de historia ani-
 malium cap. 20. Componit hanc contro-
 uersiam Manardus lib. 16. epistolarum. 5.
 dicens, nullatenus Galenum sibi ipsi obuer-
 sari: quia si eius in vtroque loco verba con-
 siderentur, nullo modo inuicem pugnare
 videbuntur. Nam sexto de tuenda valetudi-
 ne lib. asininum maximè tenuium esse par-
 tium affirmat. In lib. vero. 3. de alimentis, ca-
 melinum asinino non intenuitate sed in hu-
 miditate præfert. Quod itidem confirma-
 tur, nam libro quarto de victu acutorum
 commen. 109. asininum lac omni alio te-
 nuius esse dixit. Quare nisi fateri volueri-
 mus Aristotelem aliud quam Galenum cen-
 sisse: dicere oportebit (vt Manardus ait)
 quod

quod in camelino pertenuissimum non intellexerit tenuissimarum partium, sed maxime humidarum. Est itaque lac asininum tenuissimum & omni alio tenuius. Sicuti bubulum & ouibum crassissimum: caprinum medium inter hæc obtinet locum, ac medium est inter tenuissimū & crassissimum. Quare sequitur quod ait Galen. lib. de bono & malo succo cap. 4. in camelorum atq; asinorum lacte serosæ humiditates plurimum esse: caseosæ in ouilo: pinguis in bubulo: à quo nomen pinguis ipsa pars accepit, & butyrum appellatur, vt. 10. simpl. titulo de butyro à Galeno scribitur. Capræ lac præ reliquis animalium generibus intra excessum omnem, mediocriter se habet vt modo dicebamus: Sequi etiam ex his apparet, detergentis & colluentis facultatis in asinino & equino & camelino plurimum inesse; conglutinantis in ouilo: sicuti emplastricæ, & lenientis in bubulo. Caprinum verò licet in medio constitutur, astringentis tamen facultatis plurimum habet. Quamobrem in phthisicis summopere collaudatur ab Auicenna. 10. 31 tractatu quinto, capite ultimo, & à Rasio. 9. ad Almanforem, ad vlcus pulmonis conglutinationem: quia conglutinantem facultatem multam habet. Rasio

fumi-

sumitur ex Dioscor. lib. 2. cap. 62. dicens ex eo caprinum lac minus alijs aluum tentare, quoniam pecus hoc adstringētibz pabulis, robore nimirum, lentisco, rubo, oleæ frondibus, & terebintho, magna ex parte vescitur. Vnde stomacho accommodatissimū & vlcerum conglutinatorium redditur. In omnibus his lactis differentijs, possumus singulas eius facultates augere, vel minuire, idonea victus ratione ipsius animalis, à quo sumitur lac, vt loco supra citato Anice. docet, dicens: oportet animalia ex quibus mulgetur, lac pascere plātas quarū operatio est necessaria, vt lactuca, portulaca, & cichoreo, nutritum animal refrigerans magis lac habet. Feniculo, hyssopo, adiantho, hordeo, terget magis & emundat: rubi, lentisci, salicis, vitium folijs conglutinat & adstringit potentius, & omnino in omnibus propagationis natura, lactis facultas euariabit. Sic itaque illud ab Hippoc. dictum est. 6. epidem. parte. 5. aphor. 34. si mulier aut capra cucumerem syluestrem ederit, pueros purgari. Quam sententiam Gale. confirmat lib. 3. de alimen. facul. c. 15. in hunc scribens modum. Quin etiam si capræ aut alterius cuiuspiam animalis, scamonium aut thitimalum depasti lac cibi loco quisumat, omnino aluius illi profluxura est. Et Diosc. lib. 2. c. 62.

capra-

caprarum lac haustum (dicebat) quibus candidum veratrum pabulo fuerit, nauscam creare, & stomachum in vomitiones effundere: Omnino enim passionis facultas, in lac cedit & transit. Non parvam etiam in cuiuslibet animalis lacte esse differentiam, pro anni & partus tempore Galen. scriptum relinquit capit. 15. libro. 3. de aliment. facult. Nam verè ait esse liquidissimum & copiosissimum: æstate verò media ipsum etiam in medio suæ naturæ consistere, & post id tempus sensim crassescere, donec deficiat. Itidem etiam post partum liquidissimum dicit esse. Temporis verò progressu, magis semper ac magis crassescere. Magna tamen cura est impendenda in lacte pro phthysicis, & hecticis eligendo & curiosè administrando. Nam si in aliquo istorum fuerit aberratum non leue incommodum æger persentiscet. Vt loco supra citato Auicenna docet, dicens & ille qui utitur potu lactis oportet ut obseruet reliquum regimen. Nam si errauerit in aliquo fortasse reducet super eum malitiam. Non enim supra simpliciter diximus lac omne optimi esse succi: sed præterea optimum adiunximus. Nam lac quidè quod vitiosum est, & non ut decet exhibetur: tantum abest ut succum probè gignat: ut malo & vitioso utentiū corpora impleat.

Lactis

Lactis bonitas multis modis deprehenditur: prima ex animalis specie à quo lac desumitur: deinde ex alijs bonum ipsum lac consequentibus. Atque si animalis speciem spectemus, optimum & omni alio præstantius muliebre est, eo quod nobis familiarius & similius. Hoc voluit Galen. lib. 5. method. cap. 12. quod idem confirmat lib. 10. simplicium titulo de lacte dicens, maxime igitur mulieris bene habitæ & bonam vietus rationem seruantis lacte vtendum. Nam id humano corpori est familiarissimum. Mulier bene habitæ & quæ etiam optimæ nutritis conditiones obtinet, erit sana, non morbofa, iuuenis aut florentis ætatis, latiori in super pectore, corpore procero, atque quadrato, colore suauis & roseo, niuidoque, mediocribus mammis & minime rugosis, papillis nec coniuuentibus, nec cūritate auersis. Ita censentibus Paulo libro. 1. cap. 2. & Aëtio lib. 1. ferm. 4. c. 4. Puerum vlnis gestet tres iam menses quatuorve natum, adde, hæc manus, humerosq; molendo terendoq; exerceat. Vitet admodum siccantia, salia, acria, acerbæ, acida, amara, & valide calfacientia. Item odores tum foedi, tum suaves præter modum, & condimenta, aliæq; acria nocent. Fugiat etiam venerem, nec menstruet, nec vtero gerat, prout Galen. monet lib.

lib. 1. de sanitate tuenda cap. 9. vbi triplici de causa venerem ab ijs quæ lac præbent omnino arcendam esse scribit. Nam & menses viri consuetudine pronocantur: & lac odoris gratiam in deterius mutat, quin etiam aliquæ vtero concipiunt, quo nocentius puero adhuc lactenti nihil est: interim enim quidquid sanguinis est optimum in factum absumitur, quippe is cum proprium in se vitæ principium contineat & huius moderamine agitur, & assidue conueniens sibi alimentum trahit, vtero ipsi veluti radici adherēs, nec vsquā ab eo nocte dieve discedēs: interim verò nō minor modo, verū etiā deterior rationabiliter redditur ipsius grauidæ sanguis: quo fit vt lac ipsuarum peius, tum verò exiguum in māmillas colligatur. Quare si quæ infantem lactat vtero gerit optima ratione Galen. magnopere suadet aliā inueniendā esse nutricem. Probis etiā cibus lactās mulier vescatur, quādoquidem cacochimia quæ ex prauis & deprauatis alimentis maxime originem trahit: non paruum ad vitiosum lactis generationē, vim habet. Quod demonstravit infans ille, cuius meminit Gal. lib. 3. de alimen. fac. c. 15. qui cum priori nutrice emortua, alterius prauis succi lac suxisset, totum corpus multis vlceribus habuit refertū: eo quod secunda hæc nutrix vsa fuisset in agro

agro syluestribus oleribus propter annonæ
 caritatem. Secundo loco post muliebre lac
 asinum est, eo quod tenuissimum cum sit,
 minimè coagulatur in ventriculo: & quo-
 quo versum ocysimè in corpus digeritur:
 eget hortum vtriusque, vt. 7. metho. c. 6. scri-
 bit Galen. ille cui ventriculus laborat, &
 phthificus & hecticus. Vtique nè glaciatur
 communis commodi gratia: omnibus enim
 id est incommodum. Vt verò quoque ver-
 sus digeratur, propterea: & quod celeriter
 nutrirè est opus: & quod viâ, per quas alimè-
 tum transit, iam conuiuent. Adde etiâ quod
 cum frigidum id sit, & ferofius, febri opitu-
 latur, & saniem ab vlcere magis detergit.
 Non minor cura est impendenda in exhibe-
 dis alimentis ipsi asinæ dicente, Gale. lib. 7.
 metho. c. 6. ad hoc vt probum lac fiat, ido-
 neis nutrimentis alendū animal esse: & exer-
 citationibus mediocribus mouendum, &
 pullum si quem lactat auferendum. Quod
 autem ætatis maxime florentis esse debeat
 id neminem latere censeat. Addit Auic. asi-
 nam illam esse eligendam quæ per quatuor
 quinqueve menses distat à parto. Curandū
 itidem esse monet Galen. vt quam optime
 concoquat, herba quæ animali non admo-
 dum sint humides tanumque & hordcum
 quod sit mediocræ obijciendo, & asinæ cor-

pus fricando, detergendo & emundando. Porro si humidiora & olentiora flatusque plena excreuerit, planum profecto est, inquit ipse, non concoxisse probè, quare suadet aut detrahendum esse aliquid de alimento, aut exercitationi aliquid adiiciendū: si duriora reddat animalis alius ad contraria esse inspiciendum docet. Atque illorum aliquid immutandum. Post muliebre & asinum, aliorū animalū lacte esse utendū scribit Gal. lib. 10. de simpl. med. facul. quæ quidem ab humana natura nō longissime absunt, id quod ex carnium odore cognoscere docet, nam fastidiosum & iniucundum esse dicit, eorum quæ multū diuersam habent temperiem: cū canis, lupi, leonis, pardilis, vulpīs, hyenæ, ursi, & similibus, non iniucundū autem eorum, quæ nō porro absunt, ut suis, capræ, equæ, bouis, ouis, asinæ. Quocirca homines experientia doctos, caprino, ouilo, bubulo, asininoque lacte uti ait, caseos ex his conficiendo, excepto asinino propter eius tenuitatem, & humoris serosi abundantiam. Et suilo propterea quia crudum est & minime confectum: propter quod nē in hominū quidem usus venit. Canino etiam lacte utitur Manard. lib. 10. epist. 5. ad linguæ scissuras. Notis etiā quibusdā lactis bonitas, quo usuri sumus cognosci potest, quemadmodū

Galen. docet lib. 7. metho. cap. 6. dicens ipsum nullam extraneam qualitatem odore gustuue præ se ferre oportere, sed debere esse quam dulcissimum & sibi ipsi continuum, & prout lacti conuenit splendens: & super omnia quoad eius fieri possit similes habens partes: & 10. simplic. medicamento rum facul. titulo de lacte, lac dulcissimum velut etiam sanguis conuenire esse dicebat: & ad hæc purum, sincerum, & nec amaritudinis nec acrimoniæ, aut aciditatis aut falsedinis, aut fætoris particeps, sed vt dixerit quispiam bono odore præditum, aut odoris expers, gustu suaue, substantia mediocre. Quæ sanè cuncta ab eodem Galen. scripta reperiuntur libro. 1. de sanitate tuenda. cap. 9. vbi de nutrice eligenda, & de lactis probitate verba facit. Addit Paulus libro. 1. cap. 3. & illud cōmendari quod in vnguem pollicis instillatum, eo inclinato ad lucem, nec subito nec tarde videtur defluere. Iam verò in hunc modum probari posse scribit, infuso lacti in vas vitreum coaguli exiguum admiscetur: digitisq; agitur: in quo postquam cōcreuerit, inspicietur num casei portio minor quam serum fuerit: hoc enim lac inutile est: contrarium huic concoctu contumax, probatissimum quod vtraq; habet medicoria. Nec omittenda est hoc loco manifesta

feſta Galeni contradicō, ſiquidem. 7. metho. dixit bonum lac conuenire eſſe dulciſſimum, decimo tamen ſimplicium pauculam debere habere dulcedinem, ſcripſit, ſicuti & ſanguis integræ ſanitatis, ex quo lactis conſtat generatio. Cui reſpondendum eſt in lib. de medendi methodo eum lac conſiderare prout eſt alimentum quod dulciſſimum eſſe conuenit: in lib. tamen de ſimpl. medicamentorum facultat. prout eſt medicamentum. Vtitur enim eo loco ipſo ad abluendas acres, & biliolas fluxiones, ad quod opus efficiendum non nimis dulce deſideratur. Nā cum tunc corpus impurum ſit, facile corrumperetur, ſi nimis dulce exiſteret, dicente Galeno lib. 1. de criſib. cap. 12. quidquid alimenti ſupra modum caſcit (præſertim ſi pingue atque dulce fuerit,) verti in amaram bilem. Quod ad adminiſtrandi modum attinet principio animaduertere oportet, ſummo opere ſtudendum eſſe ne in vētriculo coaguletur, quod cū contingit mirū quantum hominem degrauet, atq; ſuffocet. Quemadmodum Galen. docet lib. de bono & malo ſucco. c. 4. dicēs coagulato in vētriculo lacti id accidere, quod in concreto in grumos ſanguine euenit. Etenim in vulnus ſanguine deſuēte vel in vētrē, vel in inteſtinorū aliquod ægri & exoluantur & reſrigeſcūt, pulſuſq;

tum parui, tum mali euadunt. Quæ omnia coagulato in ventriculo lacti accidere scribis Galen. Prohibetur tamen eius coagulatio, primo si ex māmilla ipsa desumatur, ita enim non temerè in ventriculo concresecet: quem sumptionis modū summopere commendat Gal. lib. de tabe. c. 9. & lib. 7. meth. cap. 6. Verū cum hoc ut Galen. ait, plurimis non placeat, melius est calens adhuc ex māmillis id, in ægri ventriculū quā ocysimè transferre. Sic ut quā minimo tempore in aere ambiente moram trahat. Propterea quod (docente Galeno) celerrimè mutari est aptum. At expeditam rationem esse scribit Galen. lib. 5. metho. c. 12. & lib. 7. cap. 6. & lib. 10. c. 11. ad symphoma hoc declinandum, si mel illi admisceamus aut salis quo vescimur exiguum, vltra hoc q̄ sal ad celerem eius in aluum descensum non parū proficit: ut idē docet Gal. 5. meth. c. citato docet. Verū quia ut ipse ait. 10. metho. c. 11. mel omnibus hecticis febribus est inimicissimū: quapropter illud in eis summopere fugiendum esse monet, ideo tutius est ut loco mellis parum sacchari immittamus, quemadmodum præcepit Auicē. 1. 4. tract. 3. c. 5. & 10. 3. tract. 5. cap. vlt. in phthisis curatione, & Rasi. 9. ad Almasorem cap. de phthisi. Lac tamen quod magis melle aut saccharo indiget

indiget rectificari, caprinū est, dicente Gal. lib. de bono & malo succo. c. 4. minimè tūtò sumi caprarum lac absq; melle, multis nā que qui solum id sumpsissent, in caseum coactum fuisse in ventre, scribit. Cuius celeris coagulationis causa est ipsius stypticitas ad concretionem aptissima. Lac sumptum ad vnguem confectum fuisse, ex ructibus licere conijcere, docet Gal. lib. 7. metho. cap. 6. quia ipso corrupto aut non probè cōcocto, ructus aderunt vel nidorulenti, vel acidi. Nam cum corruptio alimentorum in ventriculo duplex sit, vel ob calorem, vel ob frigus, vt Galen. est autor lib. 3. de causis simptho. cap. 1. si corruptio est ob calorem, ructus erunt nidorulenti, si verò ob frigiditatem, acorem referent. Quod Galen. etiam testatur. 5. aphor. sectione, comment. 64. sic scribens, sic autem & lac si non benè concoquatur, in quibusdam acescit, in quibusdam autem nidorem concipit: in ventriculo quidem frigidiori acescit, in calidiori verò nidorulentum euadit. Cognoscitur etiam ipsum in ventriculo corruptum fuisse, aut non benè confectum, arteriæ motibus prout docet Galen. lib. 10. metho. cap. 11. contemplantibus diligenter nobis, ac conferentibus pulsus qui ab assumpto lacte fiunt: cum eis qui ante sumptum fuerant. Si enim corrup-

ptum fuit; eiusmodi pulsus apparere dicit: cuiusmodi in oris ventriculi, afflictionibus accidunt. Tales autem eiusdem Galeni testimonio lib. 1. de differentiis febrium cap. 9. parui sunt & inæquales, quo loco hæc scribit verba; Sæpe enim in ipso ore ventriculi collecto quodam prauo humore, ac mordaci, vel frigido, paruus simul inæqualisque existit pulsus. Verum ubi frigidus humor sit, paruitas, ubi mordax, inæqualitas ipsa exuperat. Sed vomitentibus hæc ambo statim desistunt. Si autem corruptum in ventriculo lac non sit, & maiores & valentiores (vt Galen. ait) redditos pulsus inueniemus. Itaque si ab assumpto lacte nullum in ventriculo pondus sentiatur, vel aliqua huiusmodi grauitas, vel si sentiatur: quam citissime esse desinat, nullusq; ructus adsit, pulsusque sint fortiores, & valentiores, ægrum lac probè concoxisse coniectandū est. Quo circa si modicum assumpsit, licebit tunc postea illius quantitatem adaugere. Cæterum vt lac quod bibendum est, prosit, præter ea quæ dicta sunt, à cibis etiam omnibus & vino postquam assumptum fuerit est abstinendum, quousque à ventriculo secesserit, minimeque exercitio vtendum est, &

Lib. 1. ser. Aetij sententia, ne dormiendum, saltem per 2. cap. 39. quas ab haustu horas, ne illud vt Siluius
ait

ait æger corrumpat. At quoniam lac dentes inficit (& si Dioscorides de asinino contrarium scripserit dicens lib. 2. cap. 62. peculiariter hoc collutos dentes, gingivasq; stabilire) eo statim ebibito, conueniet vino aut hydromellite os abluere. Lac quale dictum est optimum, cerebrũ auget, corpus impinguat, siccam & asperã tussim lenit, vrinæ ardoribus subuenit, extenuata corpora reficit, atq; instaurat, probi multiq; est alimentum, bonam facit aluum, facilẽ in sanguinẽ vertitur, carnem auget, pectus dilatat, & corpora crassiora efficit. Vñ etiam in officinis est lactis ad nonnullorum medicamentorũ præparationẽ. Primo ad eam infusionis speciem moliendã, quam nutritionem pharmacopæi vocant, q̃ medicamẽta per ipsam augentur, ac velut reficiantur. Quomodo sarcocola alba magnis glebis costas, lacte asinino à Mesue, sed præstatius muliebri nutritur: paucũ tamen eius est immittendũ, nã multo lacte operta Syluio, liquefcit, & lac ipsum priusquã sarcocola siccetur acfcit. Paucum igitur ex mãm̃is ipsis irrigandũ: irrigatumq; medicamentũ confestim sole ficcatur, iterũ & tertio &. 4. &. 5. similiter irroratur & ficcatur: ac tandem reponitur. Verũ de sarcocolæ præparatione, plura diximus lib. de purgãdi ratione: vbi serapionẽ reprehendi-

*Lib. cura-
tionis, mor-
borũ inter-
norũ ca. de
phthisi.*

mus nō quōd dixerit oleo nucum, vel amygdalarum dulcium corrigi eius malitiā posse: sed q̄ arbitratus fuerit huiusmodi præparationem ad frigiditatem eius abigendā fieri, cum apud omnes constet sarcocolam calidam esse, non frigidā. Porro esulæ vis pernitiosa lacte sæpius mutato, Arabum auctoritate, castigatur. Quod autem lac in hunc usum sumi debeat, & quot vicibus sit mutandum in prædicto de purgandi ratione opere latius scripsimus: quare non est cur in his explicandis tempus conteramus. Rursus turbith lacte recens mulso infusum & siccatum autore Mesue ventrem turbare desinit. Semen item carui calfactum lacte caprino horas duas, quidam, Syluio referente, nutriunt: in vase mundo exemptum siccatumque reponunt ad alui fluorem.

*Canon
de purgatione
de infusione.
A. 3. sume
de infusione
medicinali*

in modis infusionis

C A P V T X X.

De lactis sero.

S E R V M quod lactis aquosa est substantia, teste Galen. lib. 10. simpl. extergendi potestatem possidet. Sumitur ad vētrem subducendum, inijciturq; per clysteres, eō quod extergit & abluit, sine mordacitate intestinorum acrimoniam. Præterea si quis vlcera quæ sanie acri infestantur, vice aquæ

aquæ, sero colluat, optimè sanè fecerit. Exhibetur ab eodem Gal. lib. 14. method. cap. 9. in cācri curatione, cū epithymi drachmis quatuor: ad expurgandum humorē melancholicum. Prætulit Mesues serum quod ex nigrarum caprarum lacte elicitur, deinde quod ex ouilo. Nec simpliciter dixit caprarum nigrarum, sed sermoni adiecit earumdemq; bonis pabulis nutritarum, recens factatum, illudq; recens, iucundi odoris, & saporis, non corruptum. Ætius in curatione melancholiæ, serum equinum reliquis præfert, aut si nō possit haberi bubulum, sed nō de caseis dandum censet, præstat enim eius sententia, quod à lacte per cocturam separatur, lacte ipso in nouam ollam misso, & fici ramulo agitato. Quem separandi serum à lacte modū tradidit Dioscor. lib. 2. cap. de lacte, addens ficulneū ramum recentem, & in spersis, postquam lac ipsum bis aut ter effebuerit totidem aceri mulsi cyathis, quot sint heminæ lactis. Ætius acetum hoc siluit, eo q̃ melancholicis, de quibus illic agit in festū est. Nam etsi serum, quod pro antidoto hamec cōficienda, oximelite paretur ob id certè est, vt illud à corruptione præseruetur, Cum enim dies quinq; simplicia cā antidotum cōponentia sero macerare Mesues præcipiat, facilè vt opinatur Matthiolus corrū

*Lib. 2. ser.
2. cap. 10.*

*Lib. 5. epi
stola.*

peretur, aut acefceret, nisi id oxymelite à lacte secretum foret, quod fit aceti occasione, sed & maxime mellis. Quod huius proprium sit, quæ illi admiscuntur seruari incorrupta. Nec tamen ob id melancholicis (quibus electarium illud opitulatur) est nociturum: quia cum semel tantum simplicia in eo macerentur, & antidotus ipsa vnica solum vice ægroto præbeatur, exiguum, aut nihil aceti causa nocere poterit, plurimum verò serum, quod Ætius melancholicis exhibet si oxymelite paratum esset, quia id multis vicibus pluribusque diebus eo casu propinatur. Verum ait Dioscorid. pro qualibet lactis hemina cyathum vnum aceti mulsi esse inspergendum. Antonius Musa minorem quantitatem hac, quæ à Dioscoride affertur sufficere arbitrat, sic vt in singula lactis libra, oxymelitis semiunciam satisfit. Nostri pharmacopæi sæpè id experti contendunt, ne vnā quidem oxymelitis vnciam pro coagulāda vna lactis libra esse abundè. Ergo tamen dico diuersas res esse acetum mulsum & oxymeli, vt ex Galeno constat libr. tertio, de alimentorum faculta. capit. 16. vbi de oxigalate, hoc est, acido lacte verba faciens sic ait. Et enim vel citra coagulum scissio, quam vocant, id efficit cum lacti abundè calido oxy
mel

*Libr. 4. de
ratione vi
tus i mor
bis acutis.
cōment. 7.*

mel frigidum instillamus. Idem etiam mulso efficiamus. Quibus verbis clarè innuit differre oxymel ab aceto mulso quoniam oxymel simul cum aceto & melle aquam suscipit, acetum verò mulsum aquam nequaquam habet, sed acetum sincerum vnà cum melle. Quare verisimile est huius minorem copiam sat fore, oxymelis verò nō nisi maiorem: præsertim cum oxymel, quod ad lactis scissionem vsurpatur non sit ad spissitudinem mellis coctum: sed largum, quod vocant & fluentius. Quare aceti mulsi quantitas, quæ ad lac coagulandum sufficit, oxymelitis, & præsertim huius largi sufficere non poterit. Perperam igitur meo iudicio Musa acetum mulsum, de quo Dioscorides loquitur cum oxymelite confundit, innuens ambo hæc idem esse, cum tamen res sint diuersæ. Superest, disseramus num lactis commotio quæ ramulo ficulneo fit sine alterius rei adminiculo ad lactis coagulationem sufficere queat. Quia Ætius huius solius mentionem fecit, quam certè alterius esset facturus si ramulum hūc insufficientem esse putaret. Sed quòd sit ex alijs autoribus comprobari facile potest. Siquidem Constantinus Cæsar, lib. 18. de agricultura, sic inquit, lac ad ignem si tepesciat, & fici ramulo moueatur coagulatur.

Porro

Porro ramusculū hūc vim quandam habere lac coagulandi testatur etiā Columella lib. 7. de re rustica cap. 8. aitque & coagulare & incundissimū reddere gustui caseum. Sit autem ramulus iste recens, vt fici lactis aliquid refernet in quo coagulandi vis præcipue in est. Nec dici debet genus hoc seri caliditatē aliquam ab illo cōtrahere, eo q̄ ramusculus hic calidus sit: quia cum eo tantum lac moueatur, & in frustula non cædatur illi, aut caseo caliditatē aliquam, quæ sensui perceptibilis sit, indere nō poterit. Columella loco præcitato lac itidē coagulat & serum separat semine cnici & agrestis cardui flore. Apud nos etiam flore satiui cardui (huius inquam quo vestimur) coagulatur, & caseū hoc pacto coactum herbæ nominant, qui cæteris præstantior iudicatur. Idem & Gallio conficitur, quod vt autor est Dioscorides nomen ex eo traxit quoniam in contrahendo lacte coaguli vicem impleat. Haliabbas libr. 10. practicæ cap. 3. id ipsum squingibin molitur, addito captarum lactis libris quasi duabus, illius libræ tertia parte, hoc est vncijs quatuor. Est autē squingibin eius sententiā infra in eod. libr. cap. 20. Syrupus cōpositus ex succi citoniorum & sacchari ana parte vna, aceti partis vnius parte quarta. Quod si cum coagulo huiusmodi lactis sequestratio nem

*Libr. 4. ca
pit. 81.*

nem facere velimus, eiusdem Halyabbatis testimonio oportebit cū lac decoxeris coaguli. drach. sem. simul dissoluere. Cui⁹ autē animalis coagulū esse debeat, explicuit Columella loco præcitato, dicens, lac plerūq; cogi, agni aut hædi coagulo. Seri itaq; parandi modus multiplex habetur, communis tamen & magis vulgaris dupliciter fit, coagulo nempe & oxymelite. Vtriusq; meminit Galen. lib. 3. de aliment. facul. cap. 16. Parari per oxymel speciatim mentionē fecit lib. 4. de victu acuto. cōm. 7. sicuti ei⁹ quod per coagulum conficitur, verba fecit ipse lib. 3. de alimen. facul. cap. 17. quo loco de caseo sermonē instituens ait, illum dum paratur assumere ab iniecto coagulo acrimoniā, humiditaremq; omnem deponere. Qua ratione in febribus ardentibus huiusmodi serum vsurpari nō debet, quia febribus hisce acrimonia nocumēto sunt, sed eris qui oxymelite separatur. Quoniā autem Galeno oxymel solum nec febres accendit & strenuē de-
 tergere. Quem vsum in parando sero pro iam dictis febrib⁹ syrupus acetosus strenuē præstare poterit, eo q^d oxymelite frigidior est. Alium separandi serum à caseo modum docuit Galen. lib. 3. de alimēt. facul. cap. 16. & lib. 4. de victu acuto. cōm. 7. qui sit vase æneo frigida aqua pleno cōtinēter in lac demisso;

*Lib. 8. me
lib. ca. 4.*

*de v. m. l. 1
de v. m. l. 2*

nam

nam inquit & hanc si probè fiat demissio-
nem serum à caseo separare. Non dicit an
hoc fieri debeat quando lac ebullit, vel etià
si non ebulliat, sed intelligere oportet ipso
ebulliente faciendum id esse: nec debet semel
imponi, sed bis & ter quoad separatio appa-
rere videatur, qui separandi modus pro iam
dictis febribus optimus est, quia per illum
non potest serum qualitatem aliquam sibi
asciscere: quæ eis obesse queat. Meminit hu-
ius rei Dioscorides dicens, sextariumque ar-
genteum (hoc est vas argenteum vnius sexta-
rij capax) frigida aquæ plenum dimittere.
Verum hoc non ad lactis sequestrationem
facit Dioscorides, sed ne id superfunda-
tur cum feruet, in quem etiam usum conue-
nire scribit spongia ex frigida continuo fi-
ctilis labrum detergere. Sed de seri separan-
di modis satis dictum est, quare interest ad
alia perueniamus. Ait Mesues serum opti-
mum lactis esse caprarum recens foetarum.
Quod omni animali à quo lac desumitur pe-
culiare esse arbitror: tale nanque non longè
à partu secedere debet, sed nec admodum
illi propè sit oportet. Nam eius animalis
lac, quod à partu plurimum recessit, Ha-
liabbatis testimonio nimis crassum est, &
Libr. 10. parum seri obtinet: quemadmodum illius,
pract. c. 3. quod partui propinquat, crudum existit,
& in

& inconfectum, ac quodammodo veneno participans. Quanta autem à partu distantia esse debeat, idem explicauit Haliabbas libr. quinto theoricæ capit. 26. dicens quadraginta diebus ad minus à tempore quo peperit recedere oportere. Ex lacte ebutyrato, seu à quo est extractum pingue innatans, secretum, Mesuæ testimonio, vsui est cum lubricitatis causam ex partibus excretorijs auferre volumus, ex lacte non ebutyrato quando partes eas lenire magis, & lubricare studium est. Attenuat serum omne, abluit, abstergit, & nitrosa, qua præditum est facultate aluum absque aliqua mordacitate leniter subducit, bilem tum flauam, tum atram, ab exustis humoribus genitam deiecit: quo fit, ut mirificè conferat maniacis, & melancholicis, præstat item ad viscerum infartus, & morbis inde prouenientibus opitulatur. Datur vtiliter febrientibus ex bile, & in viscerum & vasorum obstructionibus. Cōpetit etiam vitij in cute à bile & perustis humoribus emergentibus, quare licheninibus, vitiliginibus, alphis, pforæ, lepræ, auxiliatur. Serum Galeno lib. 4. de simplic. capit. 17. frigidum & humidum esse dicit. Mesues excalfacere primo gradu completo, & vsque ad secundum pronuntiauit.

Veritas

Veritas tamen est ipsum frigida & humida esse temperaturæ, si nanq; absolute calidum esset, lac etiã ipsum calidum existere sequeretur, quod falsum esse nemo est qui ambigat. Nam sic non cõueniret hectica febre laborantibus. Sed quod sequatur patet. Nam cum illud ex tribus diuersis partibus cõponatur, atq; ex eis butyrum quidem temperaturi censeatur, caseosa pars à temperamẽto parum ad frigoris latus vergat, si serum calidum esset vniuersa lactis natura calida potius quam frigida redderetur. Cuius contrarium, vt Manardus ait lib. 16, epist. 5. & tota sentit medicorum schola & cõmunis idiotarum tenet opinio ab vsu ipso edocta. Rursum si serum calidum esset, quo serosius lac existeret, eo esset calidius, quod minime verum est. Quia afininum maxime serosum cum sit multum frigidum esse putatur, alioqui præ cæteris in hectica febre non eligeretur: quare concluditur serum simpliciter frigidum esse, non calidum, vt pleriq; sunt arbitrati licet vnà calorem aliquem obtineat, vt acetum. Verum hoc nõ ignorauit Galen. Nam lib. 3. de alim. facul. ipsum alicuius caloris particeps esse scripsit. Est igitur serum à prædominio frigidum, quemadmodum & ipsum lac. At obijcient: lac per coctionẽ ex sanguine fieri, quare calidum non frigidum esse

esse debet, siquidem coctio omnis à calore fit & ea quæ concoquuntur cum à calore elaborentur calida per coctionem evadent. Rursum præcipuus lactis usus est, ut infantem alatur, cuius temperamentum calidum cum sit, est custodiendum atque servandum, servari autem non posset si ipsum frigidum esset cum conservatio debeat fieri per similia, demolitio autem per contraria. Quibus obiectionibus ita respondendum censeo: primæ, dicendo, ea quæ concoquantur similia concoquenti reddi, quare lac cum à carne mammarum concoquatur, & alterationem suscipiat, frigidum erit non calidum. Nam licet coctio hæc à calore fiat, hic tamen exigus admodum est & minor multo quam sit iecoris, & sanguinis ipsius calor. Quare sanguis per coctionem quæ fit in mammis à minori calore remittetur & frigidior efficietur. Quæ admodum bilis quæ flava admodum est acris & male olens, cocta tepentior, & multo minus quam antea calida redditur, refrigerata utique per coctionem immodico eius calore. Atque ita quidem obiectioni primæ satisfactum arbitror. Alteri dicendum lac modice frigidum esse oportere, & nequaquam debere esse calidum, quoniam si cum larga illa humiditate quam habet calor coniungeretur, caput assidue halitu repletur. Unde infan-

res perpetuò grauedine & capitis grauitate
abijq; multis vitijs laborarent. Porro si lac
calidum esset: aut calor suppar esset humi-
ditati, aut superior, si primum facile putre-
sceret: quandoquidem putredo fit à calore
& humiditate, calore victo & humiditate
vincente: si secundum calfaceret & hume-
ctaret immodiè totum corpus. Atq; vtile
non est huiusmodi pueros supra quam par
est, calidos humidosq; fieri, quippè eò iam
caloris humorisq; peruenerūt, vt si paulum
vtramuis qualitatem inauxeris, iam modū
excesserint, nam hæc simul cum priori, cau-
sæ sunt autore Galeno 1. de sanitate tuen-
da capit. vndecimo, cur vinum pueris in-
terdicatur. Nec ob hoc abusu lactis infan-
tis corpus refrigerabitur, aut eius tempe-
ries subuerteretur. Quia lac ex se adeò fa-
cile est alterabile, vt promptè à modera-
to quouis calore eius frigiditas depellatur,
illudque in bonum sanguinem commute-
tur. Esse verò lac facile alterabile, ex eo
fit manifestum quoniam in ventriculo fri-
gidiori illico acescit, & in calidiori in ni-
dorem vertitur. Sed ad pensum redeun-
tes. Serici dosis est ab unciijs sex, vsque ad li-
bram vnam. Inter ea quæ atram bilem mo-
dice purgant, præcipuum esse serum, in
quo fenæ, polypodiū, & cepithymum, cum
exigua

exigua gariophilorum portione per integram noctem maduerint, tenet Manardus libro 16. epistolarum, epistola quinta. aitq; feri debere esse libram vnam, senæ semunciam, epithymi drachmam, polypodij drachmas binas, gariophilorū obolum. Cuius potionis vsum, tertio quoque die esse debere protulit.

C A P V T X X I.

De ponderibus & mensuris.

DE ponderibus & mensuris deinceps verba facturi, primum de asse & partibus eius, nonnihil dicemus. Nam de his Budæus integrum scripsit librum. As pondus, & mina idem significabant apud antiquos, dicebanturque de qualibet re integra: asis duodecim erant partes. Verbi gratia, vncia, quæ erat duodecima asis pars: sextans, vel sextula, asis erat pars sexta, hoc est vnciæ binæ: quadrans, quarta asis pars existit, hoc est, tres vnciæ: triens, tertia asis pars est, videlicet, vnciæ quatuor. Est deinde quincunx, id est, quinque asis partes, hoc est vnciæ quinque: est & semis, quæ est asis dimidium seu sex vnciæ. Septunx continet asis septem

partes: sicuti bes, beſſis, octo, hoc est vnciæ octo: dodrans sunt nouem partes assis, seu vnciæ nouem Dextans, decem assis partes continet, sicuti de unx de uncis, continet vndecim: deinde erat as, id est pondus omnes hæc partes comprehendens. Erant etiam liquidorum mensuræ, videlicet Amphora, Vrna, Cōgius, Sextarius, Cyathus. Amphoram peritissimi quique Italicam mensuram esse volunt, pedis quadrati octo & quadraginta sextariorum capacem, hanc eandem quadratam antiqui vocabant. Amphoræ dimidium urna est: quæ, ut tradidit Columella lib. 12. cap. 20. quatuor & viginti sextarios continet. Vnde constat Amphoram urnas duas in totum complecti, ut sit amphora duplex urna. Hispanè *corresponde a dos cantaras*. Vrna *a vna cantara*. Congius est quarta pars urnæ, Hispanè *dos açumbres*, quia urna continet octo açumbres. Mirum tamē est quod Galenus in fine libri primi de facul. naturalibus scribit nonnullos vino prolixè indulgētes tres interim, quatuor vè extremēti cōgios mingere: sed multo magis admirari debet id quod Budæus lib. 5. de assē ex mente Theodori, in libris de certaminibus Græciæ refert, quod Milocrotonita minas viginti carniū, & totidem panis esitabat, & tres vini congios bibebat, & quod Alexander vno haustu

duos

Milocrotonita.

duos cōgios biberet. Sextari⁹ sexta est pars
congij vncias 16. cōtinens. Cyathus est 12.
pars sextarij, cōtinet vnciā vnā & semissem
nondum completam, hoc est vnciā vnā,
& aliquid plus. Pondera quibus medici ho-
die vtuntur sunt libra, vncia, drachma, scru-
pulus, granum, libra 12. continet vncias, vt
mox videbimus. Vncia octo continet dra-
chmas, licet secundum Arabes, nouem com-
prehēdat, Drachma cōtinet scrupulos tres,
cuius hęc est nota. 3. scrupulus cōtinet gra-
na 20. Ex quibus liquet quamlibet dra-
chmam sexaginta grana in se comprehen-
dere. Sunt & alię mensurę quibus nostra-
tes medici vtuntur, quarta, manipulus, &
pugillus. Quarta, est vncię quarta pars, hoc
est duplex drachma secundum Gręcos, se-
cundum verò Arabes, qui vnciam nouem
drachmarum faciunt, est drachma duplex
& grana 15. eius hęc est nota. 4. Manipu-
lus Hispanē *manajo*, notatur hoc signo, m.
Pugillus, qui Hispanē, *puño* dicitur, hoc
isto, p. sicuti & granum sic, g. sic grā. Her-
bę dispensantur manipulis, flores pugillis:
radices granis, scrupulis, drachmis, vncijs,
libris, atque interdum pugillis, liquores, &
pulueres eodem modo quo & radices, non
tamen pugillis. Fructus dispensantur nu-
meris, j. ij. iij. iiii. V, & ceteris. Non perpe-
tuum

tuum est id quod aliqui dicunt, ea quæ ter-
tio ordine calfaciunt, vel refrigerant, dra-
chmis dispensari, sicuti quæ quarto, granis.
Nam eleborus tertio ordine calfacit, & gra-
nis dispensatur: & piper longum, & ri-
grū, gariophilus, nasturtiū, & id genus alia,
quarto ordine calfaciunt & drachmis dispē-
santur. Sunt & aliæ notæ ponderum apud
Celsum videlicet p.*. vel x. quæ à Manar-
do declarantur 18. epistolarum, epistola
quarta. Nam eo autore per p. pondus in-
telligit: per x. vel *. denarium, septi-
mam, scilicet (vt ipse Celsus libro quin-
to, cap. decimosextimo. semetipsum decla-
rat) vnciæ partem. Per reliquas partes de-
nariorum numerus est accipiendus, quæ
exemplis perspicua reddi possunt: in pri-
mo malagmate libr. quinti. vbi legitur æru-
ginis rasæ, thuris, singulorum. p. ij.*. squa-
mæ æris ceræ singulorum. p. vii.*. Nam
intelligendum est, accipiēdos singulorum,
æruginis, scilicet, & thuris binos denarios
ceræ, & squamæ æris 8. Verū horū ponde-
rum declarationem, multo ante Manardū
animaduertit Leonardus Porcius lib. de pon-
deribus & mensuris in fine. Fallitur tamen
Manardus in eadem epistola dum arbitra-
tur per. p. non semper simpliciter pondus
esse accipiendum, sed interdum pondo, hoc
est li-

est libram. Quod probat moschi malagma-
te, vbi ait ita scribi. p. ij. per quos duas libras
intelligit. Nam illic in eo, scilicet malagma-
te, in antiquioribus exemplaribus, quos for-
tasse solos vidit Manardus, deerat nota dena-
rij. In nouis verò, quibus hodie vniuersa Eu-
ropa abundat eadem denarij nota habetur,
legiturq; picis aridæ p. ij. *. Vtuntur etiam
nostrates medici alijs duabus notis videlicet
semis. & añ. per primam alicuius ponderis
medietatem significant: per secundā vtriuf-
que vel singulorum exprimunt. Verbi gra-
tia. Recipe, thuris & æris squamæ añ. 3. se-
mis. idem est atque vtriufq; dimidiam dra-
chmam. Verum quia semel in hanc tracta-
tionem descendimus, vt nihil ei deficiat o-
peræ pretium est prædicta pondera, atque
alia quam plurima quibus antiquitas ute-
batur, fusius, atque explicatius enodare. Li-
bra Romana 12. vncias cōtinet, hæc in offi-
cinis in vsu est, tam in liquidis, quam in ari-
dis. Græcè λίτρα dicitur, signabaturque λ.
subscripto. 2. vel λ. & linea obliqua eam se-
cante; Hispani autem libra Athica, siue Æ-
gyptia pro libra vtuntur: quæ vncias 16.
amplectitur. Libra enim tam in pōdere quā
in mēsurā, in vsu apud Romanos erat, vt ex
Galeno liquet lib. 1. de cōposi. med. per ge-
ne. c. 13. initio, aitq; librā solidorū corporū

ponderalem dici, liquidorum vero mensuralem, quæ teste Galeno copiosissima in tota vrbe Romana ex materia cornea constabat. Græcis verò libra ponderalis *σταμνος*, dicitur sicuti & mensuralis *μετρος*, & libr. 6. eiusdem tractationis cap. 8. parum post initium illos errare dicit qui nullum discrimen faciunt, inter libram ponderalem ac mensuralem: cum olei libra, mensura & pondere maximè differat, eius eo loco hæc sunt verba. Ego sanè olei libram Romæ vocatam, quam per cornua incisuris distinctâ metiuntur, quandoque ponderavi discere cupiens quantum gravitatis pondus contineret inueni xij. olei mensurales. x. vncijs ponderum æquales. Et subdit quare medicos in libris de medicamentis accuratius scribere oportebat, quales videlicet vncias, vel libras medicamentorum liquidorum immitti vellent, mensurales nè an ponderales: perspicuum enim est liquidorum horum corporum, sicut etiam solidorum alia grauiora, alia leuiora esse. Hæc Galenus. Nostrarum verò officinarum mensurales vnciæ: sicuti & libræ, maximè euariant. Nam vncia qua metiuntur syrupi illa minor est qua metiuntur aquæ, sicuti aquarum vncia oleorum vncia minor existit: sic vt oleorum vncia, vncia aquarum capacior habeatur, atque hæc vncia

cia syruporum: omnes tamen hæ tres vnciæ pondere sunt eædem & nihil euariantes. Illud est etiam considerandum libram, tam mensuralem, quam ponderalem, in duodecim vncias diuidi apud Romanos: Galeno teste libr. 3. de composit. medicamentorum per genera. capit. 3. in medio. quo loco hæc scribit verba: Porro mensura quidem apud ipsos est (de Romanis loquens) qua oleum metiuntur, secta discretaque lineis totam in duodecim partes diuidentibus: atque integra mensura ab eis libra nominatur. Duodecima verò eius portio vncia. Vnde Georgius agricola lib. 1. de ponderibus & mensuris, illos medicamentarios dānat, qui libram sexdecim vnciarum cōstituant: cum Arabū & Græcorū medicamenta cōficiūt. Ex quibus, quod docuimus constat duplicem esse libram apud Romanos pōderalem, ac mensuralem: atque vtrāq; Galenum esse vsum, patet lib. 1. de cōpo. medi. per gene. cap. 13. in cōpositione albi emplastri accipientē argenti spumæ, cerusæ, vtriusq; pondo librā, & olei duarum librarum mensurā: quo loco apud Galenum pondo pro pondere positū est. Meminit tamen libræ Gale. 16. vnciarū lib. 6. epid. Sect. 3. cōm. 29. dum ait selibrā, hoc est, semilibrā esse vncias octo. Apud Romanos, Vncia 12. libræ pars est, vt Gale. tra

didit lib. 3. de compo. medi. per gene. cap. 3. in medio, quæ mēsuralis ac pōderalis æquæ ac libra erat: quod primo de cōpo. med. per gene. ca. 1. 3. his verbis Galen. ostendit. Ponderales quidem (de vncijs loquitur) corporum grauitatem decernūt: mensurales verò molem. Pro quibus mensurandis cornibus signatis extrinsecus lineis quibusdam orbicularibus Romanos fuisse vsos, lib. 5. de cōposi. medicamen. per gene. cap. 6. idem Galen. cōmemorat. ¶ Quamlibet vnciam octo constare drachmis lib. 6. de compo. medicamentorum secūdum locos cap. 1. titul. Stomacicum ex malis punicis Andromachi in ne his verbis testatur Galen. Octo enim drachmæ vnciam efficiunt: quod cōfirmat lib. 8. eiusdem tractationis capit. 3. parum ante finem, & lib. 1. de compo. medic. secundum gene. capit. 8. in fine etiam cum tres vnciæ 24. drachmas constituere dixit. ¶ Drachma scrupulos tres continet vt supra fuit visum: continet etiam obolos sex, vt. ex Galeno colligitur, lib. 6. de compo. med. secundum locos cap. 1. iuxta finem, titulo aliud Stomachicum eiusdem Andromachi ad omnia vicia oris, dicente dimidiū drachmæ tres obolos comprehendere. Ex quo infertur obolum dimidium esse scrupulum, hoc est grana. x. (sicet Georgius Agricola 12. granorum

rum obolum ipsum fecerit, lib. 5. de ponderibus & mensuris). Manifestum etiam est id quod Galen. drachmam dicit Romanos denarium appellare, vt 8. lib. de compo. medi. secundum locos cap. 3. iuxta finem conceptis verbis expressit Galenus: licet apud Celsum non sit nisi septima vnciæ pars, vt ex eo lib. 5. cap. 17. fit manifestum. Drachma signatur à Græcis. A. transuerso cornibus in dextram inclinatis & angulo in sinistram in hunc modum A<, cum verò è conuerso sic. A> drachma dimidia notatur.

Heminam ex Græco *ἡμισ*, quod est dimidium ductam esse, Festus Pompeius est autor, quod sit sextarij dimidia pars. Hanc eandem esse cum cotila innuit Galenus libro sexto, de compositione medicamentorum secundum genera. capit. octauo initio. Heminarum permagna differentia existit. Nam aliqui ipsam nouem vnciarum ponunt alij xij. non defuerunt etiam qui ipsam 16. vnciarum fecerint, quemadmodum docet Galenus libro sexto, de compositione medicamentorum per genera. capit. octauo, & libr. 4. eiusdem commentationis capit. 14. in initio, atqui secundum illorum sententiam qui heminam 12. vnciarum faciunt, loquens Galen. 4. lib. de sanit. tuen. capit. 8. heminam libram nominari protulit.

Romana

Romana tamen hemina 9. vnciarum est capax, teste Galeno lib. 1. de compo. medica. per gene. cap. 15. initio, quod confirmat capit. 11. eiusdem libri. statim in ipso frōtispi-
cio istis verbis. Hemina valet 9. vncijs Romanis, quæ in libris corneis consuetis descriptæ sunt. Quod si hemina dimidium est sextarij: si sextarius continet vncias 16. hemina octo tantum continebit vncias. Iudicio meo taxandi sunt illi qui putant heminam à cotila differre, cū vna res sint, nec nisi nomine differāt. vt supra fuit visum, & 12. episto. epistola prima, pbabat Manardus: quā quā maiorem taxationem mereatur, dum censent heminam latinam esse vocem, dicente Festo Pompeio heminam ex Græco *ἡμισ*, quod est dimidium ductam esse videlicet quod sit sextarij dimidia pars.

Quartarius vncias quatuor colligit, est enim quarta sextarij pars, inde nomen. Scrupulus ab scrupo venit: est lapillus brevis. Hispanè, *la china*, inde scrupulus. *la chinilla*. Vnde scrupulus genus est ponderis scriptulum aliqui vocant: duos obolos pendens, siue 6. siliquas, aut 24. grana tritici, vt patet apud Georgium Agricola, lib. 5. de ponderibus & mensuris. Nostri tamen scrupulum 20. grana pendet, vt supra vidimus. Obolus est dimidium scrupuli, vt cum age-
bamur

bamus de drachma visum est. Amplectitur etiam testimonio Plinij lib. 21. cap. 34. chalcos. x. seu duodecim grana tritici, ex Georgio agricola lib. 5. de ponderibus & mensuris, signatur à Græcis 5. transuerso in hunc modum. √. ¶ Acetabulū est dimidiū quartarij, hoc est 8. pars sextarij & cotilæ, seu hemina 4. autore Plinio lib. 21. cap. 34. continet vncias binas, secundū vero Manardum in fine epistolæ primæ libr. 12. duas & semissem denominatur ab aceto, & sic oxibaphum Græcis, erat genus vasis quo acetum portabatur. Hispanè, *vinagera*, indeque ad mensuram transit. Quam linguam Plinius lib. 20. cap. 23. nominat, Scribonius Largus compositione 144. & compo. 230. ligulam vocat: est quarta pars cyathi, duas drachmas continens. Nam cyathus vncia est quæ octo drachmis completur. ¶ Cochlear, vt colligitur ex Galeno lib. 7. metho. capit. 11. iuxta finem, duplex est: magnum videlicet, & paruum, parui cochlearis capacitas minor est quam drachma, magnum verò integram drachmam complet, teste Manardo lib. 12. epistolarum. 1. Lupinus, leguminis genus est Hispanè, *el altramuç* vocatur, & ad mensuras deuenit, vt constat ex Galeno libr. 9. de compo. med. secundum locos cap. 3. in fine, quo loco lupini magnitudine, pro dosi vritur,

tur, dum ait. Bibendū esse daphnoidem tri-
 tum lupini magnitudine ad urinæ prouoca-
 tionē. Idem facit lib. 10. eiusdem tractatio-
 nis cap. 1. titul. confectiones renales ab An-
 dromacho ad renum & vesicæ affectiones
 conscriptæ in fine. Siliqua, seminis genus
 est ex eodem fructu sic dicto Hispanæ, *al-
 garrona*, quod semen cassiæ fistulæ semini,
 simile existit, ad mensuras deuenit: idem est
 quod calculus, pēder duos Arthicos æreos, ex
 autore libri de ponderibus & mensuris, qui
 Galeno falso ascribitur: atq; ex Plin. lib. 7. c.
 26. Aurus, Arabum pondus existit, sexta
 pars est pars vnciæ, videlicet, drachma vna
 & semiss. autores sunt Isidorus in
 etymologijs, & Alchindus
 lib. de ponderibus &
 mensuris.

F I N I S.

S A L M A N T I C Æ,

Apud Ioannem, & Andream
 Renaut Fratres.

INDEX RE-

RVM ET VERBO-

rum, quæ in hoc opere con-
tinentur.

A



BLVENDI medicamenta ma- dus varius. pagina. 114	
<i>Acorum</i> verum, <i>Herba</i> nobis in- cognita. 129	
<i>Acori</i> conditiones. 131	
<i>Acorum</i> verum est vulgaris <i>Calamus</i> aromati- cus. 130	
<i>Acorus</i> urinam mouet. 132	
<i>Agallochum</i> quid? 132	
<i>Agallochi</i> electiones. 133	
<i>Agallochum</i> excalfacit & exiccat. 134	
<i>Agallochum</i> oris fetorem corrigit. ibidem.	
<i>Alambica</i> multi generis. 102	
<i>Alambica</i> qualia debeant esse. 104	
<i>Aloë</i> medici ob tres scopos lauare iusserunt. 118	
<i>Aloë</i> purissima <i>sucotrina</i> . 119	
<i>Aloë</i> aluum soluit & stomachum cōfirmat. 120	
<i>Aloë</i> lauandi ratio circa autoris sententiam. 121	
<i>Ambarum</i> quid? 155	
<i>Ambræ</i> species. 156	
<i>Ambræ</i> virtutes. 156	
<i>Animalia</i> quæ medicinae inserviunt. 2	

Q

Apoze-

INDEX RERVM.

<i>Apozemata cur breui corrumpantur.</i>	74
<i>Aqua per plumbeos canales deriuata dysenteriam facit.</i>	71
<i>Aquarum destillatarum prestantia.</i>	100
<i>Aquam distillatitiam rosarum iniijciendam in syrupo glycyrrhizæ.</i>	99
<i>Aquarum distillatarum vsus decoctis. in affectibus quibusdam anteferri.</i>	100
<i>Aqua pluuia asringendi vim habet.</i>	124
<i>Aqua, quot vicibus abijcienda in lauatione aloës.</i>	124
<i>Arbor quid?</i>	3
<i>Ars imitatur nature rationem separandi aquam.</i>	101
<i>Aromatica medicamenta coctionem non ferunt.</i>	85
<i>Assatio quid?</i>	85
<i>Assationis multiplex modus.</i>	85
<i>Assationem medicamenta patiuntur ob varios vsus.</i>	86
<i>Assantur medicamenta interdum vt eorum vis augetur, interdum vt contrarium contingat.</i>	86
<i>Auicenna meminit destillationis.</i>	92
<i>Aurum inutiliter inter capones decoquitur.</i>	66
B	
B <i>Accæ quid?</i>	9
B <i>Brasica modicè excocta ventrem subducit; diutius percocta eundem adstringit.</i>	73
<i>Bulbi quæ nam res?</i>	9
	Cali-

INDEX RERVM.

E.

C Alida maiora & minora, quæ?	35
Camphora quid sit?	138
Camphora legitima probatio.	139
Camphora vera caremus.	ibidem.
Carbonum extinctum odore aliqui moriuntur.	68
Caudex quid?	3
Caulis quæ res.	4
Cera quomodo fiat.	176
Cera medicamentorum materies, quia temperata.	176
Cere optimæ conditiones.	177
Cera elota est emplastrica.	178
Cera semper debet cal fieri in duplici vase.	178
Cera qua arte alba reddatur.	178
Cinamomum & casia diu terrenda.	61
Coctio medicamentorum elixatione fit & affatione.	65
Coctionem non sustinent medicamenta æqualem.	
pag.	78
Coctio ad dimidias, ad tertias, & ad quartas quæ?	
pag.	84
Coma quid sit?	7
Cor in radicibus abijciendum.	20
Corices quo tempore deirahendi.	45
Corricum differentia.	44
Corymbus quæ res.	8
Cultus herbarum vis & potentia.	5

Q 2 Discri-

INDEX RERVM.

D

D Iscrimen inter resnam & gumi.	43
Distillatio quid.	98
Distillatio antiquioribus medicis inusi- rata.	98
Distillatio quæ à putredine fit medico recipienda non est.	102
Distillationis differentia.	105
Distillatarum aquarum vsus defenditur.	106

E

E LIXATIO medicamentorum quæ res? pagina.	F	65
F Imbria quid?		7
Flores legendi & exiccandiratio.		28
Flores qui nativum colorem non servant vi- tiosi.		30
Flores ubi reponendi.		30
Flores in decoctionis fine ponuntur.		80
Florum varij colores.		30
Florum duratio, ibidem.		
Frigida semina maiora & minora quæ habeantur.		35
Fructus quid?		45
Erutex quid vocetur?		4
Fructuum colligendi tempus & conditiones.		46
Fructus ubi reponendi, ibidem.		
Fructus unitate & multitudine meliores & peiores evadunt sic magnitudine & parvitate.		48
	Fructus	

INDEX RERVM.

Fruſtus quo tempore decoctionis ponuntur. 80
Fumus medicamentis quæ coquantur infeſtus. 67

G

G *Alanga quæ res?* 127
Galangæ electiones. 128
Galenî locus explicatur. 56
Galenî contradicſtio ſoluitur. 213
Geniculi quid? 10
Græci particulam. Hippo. magnis rebus præponere ſolent. 10
Gummi quid? 42
Gummi & aquam miſcere facillimum. 43
Gummi quo tempore injiciuntur vt coquantur. 81

H

H *Herbæ quæ dicantur?* 4
Herbæ diligenti cultu ſæpe arboreſcunt. 5
Herbæ quæ excalfaciendi vim obtinent quibus in locis colligendæ. 24
Herbæ quo tempore colligendæ. ibidem.
Herbæ, quæ & quomodo ſunt exiccandæ, & quibus recentibus vtendum. 25
Herbæ quomodo reponendæ & quibus vaſis. 26
Herbæ. quæ præſtantioreſ. 26
Herbæ quotannis mutandæ. 28
Herbæ quando immitendæ vt decoquantur. 80

I

I *Ignis pro medicamentorum coctione conueniens.* 66

INDEX RERUM.

Ignis destillationibus conueniens.	102
Infunduntur medicamenta ob plurimos vsus.	89
Infunduntur medicamenta vt meliora fiant.	ibid.
Infunduntur vt ingenitam facultatē intēdant.	90
Infunduntur vt eorum vires in liquorem transeāt.	
ibidem.	
Infunduntur vt facultatē lubricā adipiscātur.	91
Infunduntur vt tenerescant.	91
In pueris non fiunt hæmorrhagiæ.	42
Instrumenta coctionis medicamentorum, multi generis.	68
L	
Lachryma quid.	7
Lactis optimum alimentum phthificis.	200
Lactis temperamentum.	201
Lac re vera dissimulare existit.	202
Lactis facultates.	203
Lactis facultates augentur & minuuntur quare?	
& quo modo.	203
Lac pro phthificis & hefticis curiose administrandum.	207
Lactis bonitas multis modis deprehenditur.	208
Lac asininū secūdo loco habetur post muliebre.	210
Lac vt probum gignat asina, quomodo nutrienda.	
ibidem.	
Lactis coagulatio quibus prohibeatur.	114
Lac quibus notis cognoscatur corruptum in ventriculo.	218
	L

INDEX RERVM.

Lactis optimi virtutes.	217.
Lactis vsus in officinis.	ibidem.
Lac coagulat ramus fici.	122.
Lac coagulat flos Cardui.	
Liber quid?	9.
Liquorum genera.	41.
Liquorum in quibus medicamenta coquantur mul- tiplex differentia.	66.
Liquor in quo macerantur medicamēta varius.	92.
Lotio medicamentorum quid?	111.
Lotionis medicamentorum scopi varij.	ibidem.

M

M Argarita quare vniones dicantur.	136.
Margarita quomodo generentur.	137.
Margaritarum electio.	137.
Margaritarum duo genera.	137.
Margaritis diu preparatis non est vtendum.	138.
Margaritarum eximia vires.	138.
Matthioli opinio confutatur.	95.
Matrix quid?	7.
Maxima vix loci.	14.
Medicamenta acida quibus vasis coquenda.	69.
Medicamēta interdū in duplici vase coquuntur.	71.
Medicamenta multis rationibus coquantur.	72.
Medicamenta quæ valenter excoquenda, quæ maio rem, quæ minorem, quæ minimam deco- ctionem ferant.	76. 77. 78.
Medicamentorum coctionis vtilitates.	72.

INDEX RERUM.

<i>Medicamenta quæ & in quo tempore decoctionis immittenda.</i>	79
<i>Medicamenta, virtutem facile aut difficulter resolvablem obtinere quomodo cognoscetur.</i>	76
<i>Medicamenta quæ promptè liquantur, quomodo sint lauanda.</i>	114
<i>Medicamenta dura qua arte sint abluenda.</i>	115
<i>Medicamenta quo tempore sint lauanda.</i>	117
<i>Mel ex locis miram desunt varietatem.</i>	179
<i>Mel quod, manducatum insaniam facit.</i>	180
<i>Mel quod muscæ nunquam attingunt.</i>	<i>ibidem.</i>
<i>Mel quod, intra corpus assumptum mortiferum est.</i>	<i>ibidem.</i>
<i>Mel quando amaritudinem contrahit.</i>	<i>ibidem.</i>
<i>Mel vini condutiones assumens.</i>	181
<i>Mel præstantissimum.</i>	<i>ibidem.</i>
<i>Mel quomodo coquendum.</i>	182
<i>Mellis temperamentum.</i>	<i>ibidem.</i>
<i>Mel hefticis inimicissimum.</i>	214
<i>Metalla propriè coctionem non admittunt.</i>	66
<i>Mensurarum differentia.</i>	229
<i>Modus liquoris ad infusionem.</i>	93
<i>Moschos quid?</i>	148
<i>Moschus in umbilico cuiusdam animalis gignitur.</i>	149
<i>Moschi odorati laudes.</i>	151. & 154
<i>Moschus non omnibus redolet.</i>	151
<i>Moschus quare hominibus redolet.</i>	152
<i>Myzobalanus infusio ~</i>	90. Moschi

INDEX RERVM.

Moschi colligendi ratio.	152
Moschi duo genera.	153
Moschi optimi probandi ratio.	154
Myrrha quid.	140
Myrrhæ species quatuor.	ibidem.
Myrrha bona an arcamu.	141
Myrrhæ electio.	143
Myrrhæ vsus varij.	144
Myrrhæ statte quid?	ibidem.

N

N	Otandum circa effodiendas radices.	14
	Nucamenta quid?	8
	Nutricis optimæ conditiones.	208

Q

O	Leum ex quibus extrahitur.	165
	Oleum quod ex oliuis extrahitur propriè oleum dicitur.	167
	Oleorum variæ naturæ.	ibidem.
	Oleum dulce humectat & calfacit, moderate ta- men.	167
	Oleum in mistura materiæ rationem obtinet.	167
	Oleum omphacinum tribus fit modis.	169
	Oleum omphacinum verum.	170
	Oleum omphacinum astrictoria, acerbæ & frigi- dæ qualitate præpolet.	171
	Oleum ex regione varietatem desumit.	172

Q 5

Oleum

INDEX RERVM.

<i>Oleum antiquitate calidius efficitur.</i>	173
<i>Oleum lucernarum tenuium partium existit.</i>	173
<i>Oleum probandi ratio.</i>	174
<i>Oleum apud veteres fuit in magno usu ad perungendos athletas.</i>	174
<i>Olei sorditiorum tres species.</i>	175
<i>Olea reliqua tribus fiunt modis.</i>	175
<i>Olea quæ ex floribus fiunt quare non coquuntur, sed insolantur.</i>	81
<i>Opium quid? & quæ differentia inter meconium & opium.</i>	163
<i>Opij electiones.</i>	163
<i>Opij usus periculosus valde.</i>	164
<i>Ordo seruandus in infusione.</i>	93
<i>Ossis de corde Cerui vires.</i>	162
<i>Os in cordibus magnorum animalium inuenitur.</i>	161
P	
<i>Almites quid?</i>	8
<i>Papus quæ res?</i>	ibidem.
<i>Picata vasa maxime vituperanda.</i>	71
<i>Plantæ primum alliciunt humorem naturæ suæ familiarem.</i>	16
<i>Plantæ nonnullæ solum & calum naturæ suæ temperaturæ contrarium meliores euadunt.</i>	17
<i>Plantæ vicinitate vnius ad aliam præstantiores vel deteriores efficiuntur.</i>	ibidem.
<i>Plantæ vt colligantur certa tempora postulant.</i>	18
	Plum-

INDEX RERVM.

<i>Plumbea vasa nocentiſſima.</i>	71
<i>Phthiſicis aer conueniens.</i>	198
<i>Phthiſicis victus ratio conueniens.</i>	199
<i>Ponderum differentia.</i>	229

Q

<i>Quæ loco mouentur non erodunt.</i>	59
---------------------------------------	----

R

<i>Radix quæ pars in ſtirpe dicatur.</i>	6
--	---

<i>Radices in plâtiſ quare formauit natura.</i>	11
---	----

<i>Radices quando ſunt erueniendæ.</i>	12
--	----

<i>Radices quæ nunquam amittunt folia quo tempore ſunt effodiendæ.</i>	13
--	----

<i>Radices quales ſint eligendæ.</i>	14
--------------------------------------	----

<i>Radices quæ ſunt vmbra & vento ſiccandæ, quæ ſole vel igne.</i>	19
--	----

<i>Radices quæ integræ ſiccantur, quæ diſſectæ.</i>	19
---	----

<i>Radices quo in loco ſint reponendæ.</i>	22
--	----

<i>Radices quandiu ſint ſeruandæ.</i>	22
---------------------------------------	----

<i>Radices quinque communes.</i>	23
----------------------------------	----

<i>Reſinarum euentus quo tempore parandus.</i>	42
--	----

<i>Reſinæ quando immittendæ vt coquantur.</i>	81
---	----

<i>Reſinam & aquam miſcere difficile.</i>	43
---	----

<i>Rhabarbarū exacta tritura vigorofius euadit.</i>	63
---	----

S

<i>Saccharum quæ nam res ſit.</i>	186
-----------------------------------	-----

<i>Sacchari quatuor differentia.</i>	ibidem.
--------------------------------------	---------

<i>Saccharū antiquorū an eadē res cū noſtro.</i>	188
--	-----

Saccha-

INDEX RERVM.

<i>Saccharum Candum quale?</i>	<i>ibidem.</i>
<i>Saccharum perfectissimum.</i>	194
<i>Sacchari temperatura.</i>	195
<i>Sacchari Virtutes.</i>	196
<i>Saporis vires aquea retundit humiditas.</i>	24
<i>Scamonium Antiochenum pauca eget tritu- ra.</i>	58
<i>Scapus in herbis quid?</i>	6
<i>Schenanthos vim habet adstringendi.</i>	30
<i>Semina varijs modis in stirpibus nascuntur</i>	32
<i>Semina quo tempore colligenda.</i>	<i>ibidem.</i>
<i>Seminibus quando sit vtendum.</i>	<i>ibidem.</i>
<i>Semina vbi asseruanda.</i>	33
<i>Semina quæ deligenda.</i>	33
<i>Semina renouare conuenit quotannis.</i>	34
<i>Semina quando immittenda vt decoquantur.</i>	80
<i>Seplasiariorum error in reponendis herbis.</i>	26
<i>Seri parandi modus multiplex.</i>	223. & 219
<i>Seri temperamentum.</i>	226
<i>Seri dosis.</i>	228
<i>Seri dotes.</i>	225
<i>Serum ventrem Subducit.</i>	218
<i>Serum optimum quale?</i>	224
<i>Siliqua quid?</i>	9
<i>Simplicia medicamēta quibus ex locis emanarunt.</i>	
pag.	1
<i>Simplicia quæ ab stirpibus.</i>	1
<i>Simplicia quæ ab animalibus.</i>	2
<i>Sim-</i>	

INDEX RERVM

<i>Simplicia quæ à terra. quæ vero à mari et aquis ibi dem.</i>	
<i>Statem medici stiracem liquidam appellant.</i>	145
<i>Stacte quomodo probetur.</i>	ibidem
<i>Stirpes assidue inter se transformantur.</i>	5
<i>Styrax.</i>	145
<i>Styrax præstantissimus quis?</i>	146
<i>Styracem Calamitem et rubrum specie diuersos ostenditur.</i>	146
<i>Styracis electio et facultates.</i>	147
<i>Succi siccati quando iniiciendi vt coquantur.</i>	81
<i>Succi qui ex radicibus exprimuntur quo tempore parandi:</i>	35
<i>Succi qui ex folijs & fructibus quâdo eliciendi.</i>	36
<i>Succi alij igne, alij sole siccantur.</i>	38
<i>Succi corrupti nullatenus correctionem susci- piunt.</i>	40
<i>Succorum seruandi ratio.</i>	37
<i>Succorum tria excrementa.</i>	ibidem
<i>Succorum qualitas experientia dignoscenda.</i>	ibidẽ
<i>Succorum multiplex differentia.</i>	ibidem
<i>Suffrutex quid appelletur.</i>	4
<i>Surculus quæ pars in planta.</i>	6

TEmpus macerationis medicamentorum 74-
rins. 92
Ter-

INDEX RERVM.

<i>Terminus coctionis medicamentorum.</i>	83
<i>Terminus coctionis in syrupis quis?</i>	84
<i>Terminus coctionis in emplastris.</i>	84
<i>Terminus coctionis in stomachicis emplastris.</i>	85
<i>Teruntur medicamenta ob quatuor rationes.</i>	51
<i>Tritura medicamentorum quid?</i>	51
<i>Truncus & stipes quid?</i>	3
<i>Turbit exacte puluerandum.</i>	58

V

<i>V</i> Es alius reprehenditur.	161
<i>V</i> Vere pluvioso existente mellis adest pe-	
auria.	29
<i>Vitrea vasa præ omnibus laudanda.</i>	70

Z

<i>Z</i> Ibetum qua res.	157
<i>Z</i> ibetum utrum in alterutram partem	
conuersum ad propriam sedem reuo-	
cat.	157

FINIS.

